

'Wuntaəsë

'ö -gban Yesu Klito -bha 'ö

Maakö

-ya =blee

Zan Batisö -bha -Zlan -wo -blee' -sü
(Matiö 3.1-12; Lukö 3.1-18; Zan 1.19-28)

1 ¹'Wuntaəsë 'ö -gban -Zlan Gbö Yesu Klito -bha bhë -a zü dɔ -kɔ =ga -nɛ. ²-Yö =bɛɛn' -sü 'ka -Zlan -wodhiölome Ezai -bha 'sëədhe 'gü -nɛɛ: -Zlan -ya -pö: -Dhe -ga, a -dho n -ma bɔme do bɔ ü 'dhiö, kö -yaan ü -bha zian -gblooga -yuö kë. ³Gɔɔn- do -yö -dhoo bho -na 'yënnng -taa, -ya -pö -nɛɛ: -Ka kwa Dëme -bha zian -gblooga -yuö kë, 'ka- dɔ kpengdhö!

⁴-Kɔ do bhë -nɛ 'ö me 'wo- -dhe Zan -yö nuë 'yënnng -taa. -Yö me -nu -bɔ yiö, 'go mü 'yö -dhoo bho me -nu -dhɔɔ kë -sü 'ka -nɛɛ: «-Ka ka -bha -kë -a 'gü -sü -dhië' -kwaa, 'ka bɔ -Zlan 'ka kö -wo ka -bha -go =sɔɔn yaa 'gü bɔyiödhe kë! -Yö kë 'dhö kö -yaan ziö ka këwun yaa -nu -ta!»

⁵'Ö me -nu 'saadhö 'wo -kë Zude -me -nu 'ka waa- me -nu 'wo go Zeluzalemë plöö 'wo -nu -a 'piö mü, 'wo wo këwun yaa -wun -nu -blee. 'Ö Zan -yö -an -bɔ yiö 'yiga 'wo- -dhe Zuuden bhë -a -bhaa.

⁶Zan -bha -dasɔ -yö -kë -yɔɔnmia kaa- 'wo- bɔ -a 'ka, 'ö- -du kwi do -yö -kë -dɔ -a -bha sɔ -ta -pë 'ka, 'ö- -bhöpë -nu -wo -kë -kpaawaa- 'zɔ 'yɔn -nu -an 'ka. ('Ö tɔɔ -Zlan -wodhiölome -nu 'wo -kë 'töng 'ö bhë -a 'ka bhë -an -da -sɔ waa- -an -bhöpë -nu 'wo bhë). ⁷'Yö- pö me -nu 'wo nu bhë -an -dhë: «Mɛ 'ö 'dhoë- nu n =zlöö bhë -a 'pii -yö 'gbee- 'ö -ziö -a 'ka n -ta. Ma -de yaa n -ma 'kun kö 'aan- =kloo'- -a 'dhiö 'aan- -a -bha -sakpa yun -bhüö -nu 'po 'aan- bho -a -gen -bha. ⁸Ma 'pö a ka -bɔ yiö 'yi 'ka, 'kɛɛ yö -zë -yö -dho ka pa -Zuu 'slööslö 'ka.»

Yesu -bo yiö -sü waa- 'güandhe -bha -nu -a -ta -sü
(Matiö 3.13–4.11; Lukö 3.21-22; 4.1-13)

9=Dhe =ya kë 'dhö, 'ö Yesu -yö go Galile pö- do 'wo- -dhe Nazaletë bhë -a 'gü 'ö nu Zan 'piö. 'Ö Zan -ya -bo yiö Zauden -bhaa. 10=Dhe 'ö Yesu 'dho 'go -na yiö, 'ö dho -dhe -ga kö dhang- 'dhi =ya 'po 'ö -Zuu 'ö go -Zlan 'piö 'ö =yoo -a -ta; -yö -kë -tönggö 'ka 'ö nu 'ö -ya -a -ta. 11'Ö- 'to -yö -da -Zlan -wo 'ö -kë 'we =dhia dhang- 'gü bhë -a 'gü =næ: «Bhi =ne 'ü tɔɔ n Gbö do; ü -dho -yö n -kë =duö. Bhi =ne 'ö n =zuögludhi -wun 'plë 'dhö 'ü 'gü.»

12=Dhe =ya kë 'dhö, 'ö -Zuu 'slööslö -yö yö -a -dhë 'dhiö 'ö dho -a 'ka 'yënnng =taa. 13=Dhekpacyi 'gɔɔ- -yiisië 'yö- -kë 'yënnng =taa mü. 'Ö Satan -ya 'gü dan. Waa- 'blü -wü -nu -wo -kë wo 'ko =bhaa mü. 'Ö -Zlan -bha bɔmë -nu -wo nu, pë 'ö- -bha -wun -ya -kë -a 'ka, -a =dhia.

Yesu -yö 'yiblükëme -yiisië -dhɔɔ -kë
(Matiö 4.12-22; Lukö 4.14-15; 5.1-11)

14=Dhe =wa Zan -da -kanso 'gü, 'ö Yesu -yö dho Galile -së 'gü 'ö yö 'wuntaɔsë 'ö go -Zlan 'piö -a =blë' -sü -bha. 15'Yö- pö me -nu -dhë: «'Töng =ya -lo kö pë 'ö -Zlan -ya 'tɔ go mɛ 'bhee- -nu -dhë bhë -yaan -a 'gü -pë kë; bhii -a -bha -gludëdhe =ya yö -klöö'. =Dhe 'ö 'dhö, -ka ka bo ka këwun yaa -nu 'ka, ('ka bɔ -Zlan 'ka,) 'ka 'wuntaɔsë -wun -dhe 'wun gia-!»

16'Yi do 'ka kö Yesu -yö -kë 'ta 'sü -dhia 'yipuë 'kpong 'dhiö Galile -së 'gü, 'yö -kpën 'yiblükëme =plë 'wo -an -dhe Simɔ waa- ö dheglu Andre -an -bha. -Wo -kë wo -bha 'kplö -zuö -dhia 'yuö- -gɔ 'yipuë bhë -a -bhaa. 17'Ö Yesu -ya pö -an -dhë: «-Ka ziö n 'piö, a -dho ka kë ma 'kplö -zuö mɛ -nu -gɔ -mɛ 'ka kö 'kaan- nu -an 'ka n 'piö.»

18=Dhe do bhë 'wo to -a -bha 'wo wo -bha 'kplö -nu to sia- mü 'wo -ziö -a 'piö.

19=Dhe 'ö =ya ö 'bhe 'tee =yɔɔn 'dhiö, 'ö -kpën Zakö waa- ö dheglu Zan 'wo -kë Zebede gbö nu 'ka bhë -an -bha. -Wo -kë wo -bha 'yitagɔ 'gü, wo -bha 'kplö 'blë -dhe -wɔ -dhiadhö. 20'Ö Yesu -yö -an -dhɔɔ -kë. 'Wo wo dë Zebede waa- ö -bha yuökëme -nu -an to 'yitagɔ 'gü mü 'wo -ziö Yesu 'piö.

Yesu -bha -zuu yaa -kë gɔɔn- do 'bhaa 'gü -kɔ
(Lukö 4.31-37)

21=Dhe =ya kë 'dhö, 'ö Yesu waa- ö -bha =guë' -nu -wo -luu 'wo dho Kapeenaɔmë -pö 'gü. Zuifö -nu -bha =glooyi 'ka, -wo -da -an -bha -bhökuëkö 'gü, 'ö Yesu -yö yö -an =daan' -sü -bha. 22'Mɛ -nu 'wo- -wo bhë -a ma, -an 'te -yö -tun -a -bha mɛ =daan' -kɔ bhë -a -wun 'gü. Bhii -a -wo 'yaa kë =nɛ -an -bha tɔnggɔmɛ -nu -bha mɛ =daan' -wo 'dhö, 'ö tɔɔ -yö mɛ -nu -daan -wogbiindhe 'ka.

23'Yi bhë -a 'ka gɔɔn- do -yö -kë mü; -zuu yaa -yö -kë -a 'gü, 'ö -gbla -a pö -sü 'ka =nɛ: 24«-Më -kë -ɛ? Yesu, Nazaletë mi, ü -nu yi 'gü -siö' =dhia =a? A- =dɔa' =nɛ, ü mɛ 'slööslö 'ö -Zlan -ya bɔ -a 'ka!»

²⁵Dhe -kè 'pö 'ö Yesu -yö -gbla -a -ta, -a pö -sü 'ka =nɛɛ: «Dhe ga ü -ta kö 'ü 'go gɔɔn- 'ö =nɛ -a 'gü!»

²⁶'Yö -zuu yaa -yö gɔɔn- 'ö bhè -a =zaan 'zan 'gbee- 'ka 'ö go -a 'gü -gbla -sü 'ka 'gbee- 'ka. ²⁷'Wun 'ö =nɛ -yö mɛ -nu 'wo -kè mü -an 'te -tun 'wo yö =dhɛɛ' -nu 'kpɔ -sü -bha wo 'ko ziën =nɛɛ: «Mɛ 'ö =nɛ -yö mɛ -nu -daan -wogbiindhe 'ka 'dhɛ! Mɛ -daan' -kɔ =suu'- -dëü -mlè 'ö =nɛ 'zü -! Gɔɔn- 'ö =nɛ =ya 'gbla -zuu yaa -nu -de -ta, -wo 'wun ma -a -ta 'dhɛ!»

²⁸Dhe -kè 'pö 'ö Yesu 'tɔ -yö yö -pen -sü -bha -dhe 'saadhö 'gü Galile -se 'gü.

Yesu -bha Simɔ =da -dhe bo -kɔ

(Matiö 8.14-17; Lukö 4.38-41)

²⁹Dhe -kè 'pö 'ö 'wo go Zuifö -nu -bha -bhɔkuèkɔ 'gü, 'wo dho Simɔ waa- Andre -an -gɔ kɔɔ. Zakö waa- Zan -wo -kè -an 'piö. ³⁰Simɔ =da -yö -kè =waannu =süè' 'ö tɔɔ 'gii- -kɔ -yö -kè -a -bha. =Dhe 'ö Yesu =ya -wo, 'ö 'wun 'ö -gban -a -bha, 'wo- =blɛɛ -a -dhè. ³¹'Yö =yɔɔn -a -bha, 'yö -yaa -kɔ -bha 'ö- =luu. -Dhe do bhè -a -bha 'ö- -bha 'gii- -yö bo, 'ö -bhöpè -kpa -an -dhè.

³²Dhe 'ö 'yinia -dhe =ya dɔ kö lan- =ya -püö, mɛ -nu -wo -nu 'yuame =plèézè waa- mɛ -nu 'ö -zuu yaa -yö -kè -an 'gü -an 'ka Yesu 'piö. ³³Mɛ -nu 'saadhö 'wo -kè pö- bhè -a 'gü, -wo -nu 'kɔ 'dhiö mü. ³⁴Yesu -yö 'yuame =plèézè 'ö 'yua =suu'- 'oo =suu'- -yö -an -kè, -an -dhe bo. 'Ö -zuu yaa =plèézè -nu -kè mɛ -nu 'gü. Yaa 'we -a -bha kö -zuu yaa -nu -wo 'wun =blɛɛ', 'ö tɔɔ -wo Yesu dɔ.

Yesu -bha -ziö Galile -se 'gü -kɔ

(Lukö 4.42-44)

³⁵Dhe mɛ 'ö -po -a 'piö -a -dhiadhï tii 'gü bhè, Yesu -yö -yö plaan, 'ö bho pödhe -dhè =taa', 'yö dho -dhe 'ö mɛ gbɛ 'yaa- -bha -a -bha, =bhe'a' -dhiadhö -Zlan -dhè.

³⁶Simɔ waa- 'ö 'bhame -nu mɛ 'wo to, -wo -dho -a =mɛɛ' =dhia. ³⁷Dhe 'ö =waa- yö, 'wo- pö -a -dhè: «Mɛ 'plɛ -wo ü =mɛɛ' -sü 'gü.» ³⁸'Ö Yesu -ya pö -an -dhè: «-Yö 'dhö; 'kɛɛ -kwa 'dho pödhe -nu 'wo kwa 'sian 'piö =nɛ -an 'gü 'pö kö 'aan- -Zlan -wo pö -an -dhè, bhii pè 'a nu -a -wun 'gü 'ö bhè.»

³⁹'Yö Yesu -yö dho 'yö bɔ Galile -se 'saadhö 'gü, 'yö 'wuntaasè -blɛɛ Zuifö -nu -dhè, -an -bha -bhɔkuèkɔ -nu 'gü, 'yö -zuu yaa -nu bho mɛ -nu 'gü.

Yesu -bha =weeme do -dhe bo -kɔ

(Matiö 8.1-4; Lukö 5.12-16)

⁴⁰Yi do 'ka =weeme do -yö -nu Yesu 'piö 'yö -lo ö kpɔn 'gü -a 'dhiö =bhe'a' -sü 'ka -a -dhè, 'yö- pö: «N Dème, a -nu kö 'üèn- n dha. =Ya kè =nɛ 'bha 'we

-a -bha, -bhö n bun kè 'slööslö!» ⁴¹Ö- -wo 'yena -yö Yesu -kè, 'yö ö -ko paa, 'ö- pö -a -dhè: «A -we -a -bha, ü -dhè -yö bo!»

⁴²-Dhe do bhè -a 'gü 'ö =wee -yö go gɔɔn- 'ö bhè -a -bha, 'ö- -dhè -yö bo. ⁴³-Dhe =ya kè 'dhö, 'ö Yesu =ya pö -a -dhè -yö 'dho. 'Kee -yö 'wun -blæ -a -dhè 'gbee- 'ka =næ: ⁴⁴«Ü 'to 'to -sè 'ka: Kö -kun 'ö 'wun =ne 'ü- -blæ me gbe -dhè, 'kæ -bhö 'dho, -ko 'ü- 'ka zlöö =ne 'ü- -zɔn slabhome -dhè! 'Go mü 'ü sla- 'ö Moizö -ya -zɔn 'kpa bhè 'ü- bho kö -yaan -zɔn me 'ple -dhè =ne ü bha 'yua =ya bo.»

⁴⁵'Kee gɔɔn- bhè, 'dho 'ö- wo =zian', 'ö 'wun 'ö Yesu -ya -kè -a -dhè bhè 'ö- -blæ -dhè 'saadhö 'gü. 'Ö- -wun 'gü Yesu yaa ö -de -zɔn plöo -dhè -nu gbe -bha gbɔ, 'ö to zlöo pö- =taa -dhè -nu 'iin -dhè 'ö me gbe 'yaa- -bha -a -bha. 'Ö me -nu -wo go -dhè 'saadhö 'gü 'wo nu -a 'piö mü.

Yesu -bha 'tinnngme do -dhè bo -ko

(Matiö 9.1-8; Lukö 5.17-26)

2 ¹-Dhe 'ö -dhekpacyi 'dède =ya ziö 'ö Yesu -yö nu 'zü Kapænaomè -pö 'gü. 'Ö me -nu -wa ma =ne -yö 'ko do 'gü. ²Ö me -gbaa =va -wo dho kɔɔ 'ma, 'ö- -dhè to zlöo kö dɔ -dhè gbe 'yaa 'ko 'dhiö plaan gbɔ. 'Ö Yesu -yö 'wuntaosè 'ö go -Zlan 'piö bhè -a =blæ -an -dhè.

³'Wo dho -dhè -ga kö me 'bhaa -nu =wa nu 'tinnngme do 'ö me -yiisiè -wa bun -a 'ka. ⁴'Kee -a kèdhè gbe yaa kè -an -gɔ kö -waan dhoè Yesu 'dhiö kɔɔ, me -gbaa -nu 'wo 'ko 'dhiö bhè -an -wun 'gü. -Dhe -kè 'dhö -wo -da -a 'ka 'ko tuö 'ö 'wo 'ko =gba 'dhi bho Yesu 'trüün 'ka -dhè gia- -bha. 'Ö -dhè 'dhi 'wo- bho bhè, 'wo 'tinnngme bhè -a to ö -wo -a -ta =sæ' -ta, 'wo- =yɔɔ kɔɔ 'ma Yesu 'dhiö -dhè gia- -bha.

⁵-Dhe 'ö Yesu =yaa- yö =ne -zo yö -sü -yö -an -gɔ =ne yö -mɔ -a -bha kö -ya -dhè bo, 'yö- pö 'tinnngme bhè -a -dhè: «Ma 'nè, 'ma ziö ü bha =sɔɔn yaa -wun -nu -ta.»

⁶Tɔnggɔme -nu 'wo -kè =yaannu =süè' mü, -zotadhe -yö -kè -an 'gü =næ: ⁷«-Mè 'ö -kè 'ö gɔɔn- 'ö =ne 'ö =daɔn pö -Zlan -dhè =nèdhö =næ? Dö 'ö dho -mɔ -a -bha kö -yaan ziö me -nu -bha =sɔɔn yaa -nu -ta, -a 'ke yaa kè -Zlan dosen 'kpaan 'ka e?» ⁸Yesu -yö -to -dhè do bhè -a 'gü mü 'ö -an -bha -zotadhe dɔ; -dhè -kè 'dhö, 'ö- pö -an -dhè: «-Mè -kè 'ö -zotadhe =suu'- 'ö =ne 'ö -kè 'ka 'gü -i? ⁹-A -pö 'tinnngme -dhè -sü: 'Ma ziö ü -bha =sɔɔn yaa -wun -nu -ta' 'ö 'gbee- -e, 'iin -a pö -sü 'zü: «-Bhö -luu'- 'ü ü -bha =sæ' 'sü 'ü 'ta 'sü yö 'pö 'ö 'gbee- -e? ¹⁰'Kee a -dho 'slè 'bhaa kè kö 'kaan- -a dɔa =ne -ko -mɔ 'wuën- -sü -yö ma 'a Mægbo 'ka n -gɔ 'kpongtaa zö kö 'aan- ziö me -nu -bha =sɔɔn yaa -nu -ta.»

-Dhe =ya kè 'dhö, 'ö- pö 'tinnngme bhè -a -dhè: ¹¹«A- -pö ü -dhè: -Bhö -luu'- 'ü ü bha =sæ' 'sü 'ü 'dho ü -gɔ kɔɔ!»

¹²-Yö -to me 'ple wö 'dhiö, -dhè do bhè -a 'gü mü 'ö =luu 'yö ö bha =sæ' sü 'ö dho. 'Wun 'ö 'dhö bhè -yö me 'ple 'te -tun, 'wo yö -Zlan 'tɔ bho -sü -bha -a pö -sü 'ka =næ: «Yièè pè 'ö- =suu'- 'dhö =ne -a yö do!»

Yesu -bha Levi -dhoo -kë -ko
(Matiö 9.9-13; Lukö 5.27-32)

¹³Yesu -yö -ye ö 'zü 'ö nu Galile 'yipuë =va 'piö =zian'. Me -gbaa =va -wo -nu -a 'piö mü 'yö -an =daan -Zlan -wo 'ka. ¹⁴-A -bha ziö -sü 'ka, -yö Alefe gbö Levi -yö kö -yö -ya -sü 'ka 'nii- =sönnng' -bho -a 'gü -kö 'gü -a yö. 'Ö Yesu -ya pö -a -dhë: «-Bhö =luu' -'ü ziö n 'piö!» 'ö Levi -yö =luu 'ö -ziö -a 'piö.

¹⁵=Dhe -kë 'pö Yesu -yö pë -bhö Levi -gö kö. 'Nii- =sönnng' 'kun -me -nu -dhe =va -dhe 'iin me -nu 'ö -an 'tö =ya =siö' -an këpë yaa -wun -nu 'gü waa- Yesu -bha =guë' -nu -wo -kë pë -bhö -sü 'gü mü 'pö wo 'ko =bhaa, 'ö tö =suu' -yaa -me -nu 'wo -kë -ziö =dhia Yesu 'piö bhë -an -gwaa -yö -kë =plëëzë. ¹⁶=Dhe tönggöme -nu 'wo -kë Falizi -me -nu -bha me -nu 'ka, -wo Yesu -yö kö waa- me -nu 'ö -an 'tö =ya =siö' -an këpë -wun -nu 'gü, waa- 'nii- =sönnng' 'kun -me -nu, -wo pë -bhö -na wo 'kuë-, 'ö 'wo- -bha =guë' -nu -dhe' kpö -a pö -sü 'ka: «-Më -kë 'ö ka -göme waa- 'tösiöme -nu 'wo pë -bhö wo 'kuë- -é?»

¹⁷=Dhe 'ö Yesu -yö -an -wo ma, 'ö- pö -an -dhë: «Me -nu 'ö 'yua 'yaa -an -bha 'waa 'dho -dhongtrö 'piö. 'Kee me -nu 'ö 'yua 'dhö -an -bha =ne 'ö -an -bha -wun -yö yö -dhongtrö -bha. N 'ka nu me -nu 'wo kpengdhö -an dha =dhia, 'kee me -nu 'ö 'waa kpengdhö 'a nu -an dha =dhia =zian'.»

Yesu -yö 'wun 'ö -gban -ben 'to -sü -bha -a -blee
(Matiö 9.14-17; Lukö 5.33-39)

¹⁸Yi do 'ka Zan -bha =guë' -nu waa- Falizi -me -nu -wo -kë wo -ben 'to =dhia, 'ö me -nu -wo nu 'wo Yesu -dheekpöthe -kë =ne: «-Më 'ö -kë 'ö Zan waa- Falizi -me -nu -an -bha =guë' -nu -wo wo -ben to 'ö ü -bha =guë' -nu 'waa wo -ben 'to 'pö =ne =é?»

¹⁹'Ö Yesu -ya -daa -kë -an -gö =ne: «Ka ka -zo -ta =ne, dhe 'sü -göön 'bhame -nu -wo -dho wo -ben to, -a -bha dhe 'sü 'wlaan- yi 'ka, 'kee kö -yö =tun -an 'piö a? =Ii-, 'kee -abi' i? -Abi'. 'Töng waa- dhe 'sü -göön 'wo dhoë- kë wo 'ko =bhaa bhë, -wo -dho pë -bhö -kplawo, ('ö tö -an =zuö' 'glu dhi -sü -mü). ²⁰'Kee yi do =ya dö, dhe -göön =ya 'go -an 'piö, 'ö- yi bhë -a 'ka 'wo dho wo -ben toë ('ö tö -wo -dho kë 'yenazë).

²¹Me gbe 'yaa sö 'klu -dëü -wo sö zii 'ka. =Ya kë 'dhö sö 'klu -dëü -yö -dho dho 'kou 'ö- zii 'blë -pin -yö -kë 'zü =va. ²²'Ö 'go mü 'zü me gbe 'yaa yö 'gbee- 'ö 'vuu 'dhö -da -na -a yö =puu' zii 'gü. =Ya kë 'dhö -yö -dho =puu' bhë -a wü, 'ö yö waa- =puu' -an 'ple 'gü -yö =siö. Pë 'wo- -kë =zian' 'ö tö yö 'gbee- yö 'wo- wo =puu' -dëü 'gü.»

Yesu -yö 'wun 'ö -gban =glooyi -bha -a -blee
(Matiö 12.1-8; Lukö 6.1-5)

²³Zuifö -nu -bha =glooyi do 'ka, Yesu waa- 'ö -bha =guë' -nu -wo -kë ziö =dhia 'blee- -bhlö do 'gü. 'Ö- -bha =guë' -nu -wo yö -a -kpa -nu 'kan -sü -bha

zian -gbloo 'piö. ²⁴Dhe 'ö Falizi -me -nu -wo -an yö, 'wo- pö Yesu -dhë: «Më 'ö -kë 'ö pë 'ö kwa -bha täng -ya pö kö -kun 'kwa- -kë -glooyi 'ka bhë 'ö ü -bha -guë' -nu -wa -kë -ε?»

²⁵Ö Yesu -ya -daa -kë -an -gö -nεε: «Pë 'ö Davidö -ya -kë 'ö -ya -sü 'ka -Zlan -bha 'sëëdhë 'gü kö din -yö yö gia- waa- ö -bha me -nu -an kë -na bhë kaa- pö -a? ²⁶-Yö -kë 'dhö kö Abiataa -yö slabhome -va 'ka; 'ö Davidö -yö -da -Zlan -gba -a 'gü -kə 'gü 'ö -bluu'- 'wo -Zlan gba -na -a 'ka bhë 'ö- -bhö. 'Kεε kö kwa -bha täng -ya pö slabhome -nu -de 'sloo -ne 'wo dho -bluu'- 'ö 'dhö -a -bhö, 'kεε Davidö -ya -sü 'ö- -bhö 'ö- 'bhaa nu ö -bha yuökëme -nu -dhë 'pö, 'wo- -bhö.»

²⁷Ö Yesu -ya pö -an -dhë 'zü -nεε: «Zlan -yö -glooyi -da me 'bhee- -nu -dhë 'kεε yaa me 'bhee- -nu kë -glooyi -dhë. ²⁸Ma 'a Mεgbö 'ka bhë ma -de -ne 'a pë 'ple waa- -glooyi gia- 'ö bhë -an -göme 'ka 'zü.»

-Kə 'ö Yesu -yö gəɔn- 'ö- -gbiö -yö ga -a -bha -a dha -a 'ka
(Matiö 12.9-14; Lukö 6.6-11)

3 ¹-Dhe -ya kë 'dhö, Yesu -yö -yε ö 'zü 'ö nu Zuifö -nu -bha -bhökuëkö 'gü. Gəɔn- do 'ö- -gbiö -yö ga -a -bha -yö -kë mü. ²Mε -nu 'wo -kë mü, -an 'yan -yö -kë Yesu 'piö dosen 'ö -ya kë -ne -yö -dho -mɔ -a -bha kö -yaan gəɔn- 'ö bhë -a -gbiö bo -glooyi 'ka -a -wun 'gü. Bhii -wa 'piö kö 'wo 'wun dɔ -a -bha -ne, -ya kë 'dhö kö -ya pë yaa kë, -an -bha täng 'gü -siö' -sü 'ka. ³Ö Yesu -ya pö gəɔn- 'ö- -gbiö -yö ga -a -bha bhë -a -dhë: «-Bhö -luu'- me 'ple wö 'dhiö zö!» 'Ö gəɔn- bhë 'ö -luu.

⁴-Dhe -ya kë 'dhö, me -nu 'wo -kë -a -ga -dhia bhë, 'ö Yesu -ya pö -an -dhë: «-Më 'ö kwa -bha täng -ya pö 'kwa- kë -ε? 'Kwa 'wun -së kë -glooyi 'ka, 'iin 'kwa 'wun yaa kë e? 'Kwa me dha, 'iin 'kwa me 'gü -siö'- e?»

'Kεε waa 'we -a -bha kö -waan -daa kë -a -gə. ⁵Ö Yesu -yö -an -ta -ga, 'ö 'wun bhë 'ö -siö -a -dhë. 'Go mü 'ö- wö -yö -siö -gbaɔnsü 'ka -an -bha -zuö' yaa bhë -a -wun 'gü.

-Dhe -ya kë 'dhö, 'ö- pö gəɔn- bhë -a -dhë: «-Bhö ü -gbiö 'po!»

'Yö ö -gbiö -po, 'ö- -gbiö to mü 'yö bo.

⁶Ö Falizi -me -nu -wo go Zuifö -nu -bha -bhökuëkö 'gü mü 'wo yö plaan 'ö 'wo dho 'ö waa- Elödö -bha me -nu 'wo -yakuëdhe do -kë, -kə 'wo dho -a kaa 'waan- Yesu zë -a -wun 'gü.

Me -gbaa -nu -bha -nu Yesu 'piö -sü

⁷-Dhe Yesu waa- ö bha -guë' -nu 'wo go pö- bhë -a 'gü, -wo -dho Galile 'yipuë -va 'piö -zian'. 'Ö me -gbaa -va -wo -ziö -an 'piö: Galile -sεgüme, Zude -sεgüme, ⁸Zeluzalemë plöömε waa- Idume -sεgüme, 'pian me 'ö bɔ 'yiga 'wo- -dhe Zuuden -a -zlöö -zian' -me, pödhe -nu 'wo bɔ Tii -pö waa- Sidɔn -pö -an 'piö -zian' -me, -an -dho 'kuë- -sü 'wo bhë -wo -nu Yesu 'piö, kö pë -nu 'ö Yesu 'dhö -an kë -na bhë kö -waan yö. ⁹Ö Yesu -ya pö ö

bha -guë' -nu -dhë -wo 'yitagɔ do ɣɔɔɔn ö -bha, 'yaan- 'dho -a 'gü, -yö -kë 'dhö kö -kun 'ö 'wo dho =taa'- ö -ta. ¹⁰Kë- wo 'dhö bhë, 'ö tɔɔ =dhe 'ö me -nu =plëëzë -dhe bo -na 'ö me -nu 'saadhö 'ö 'yua -yö -kë -an 'yënnng bho -dhia 'wo yö wo 'ko -bliüü 'blü -sü 'gü, -pa -a 'ka -sü -wun 'gü. ¹¹Me -nu 'ö -zuu yaa -yö -kë -an 'gü bhë, =wa Yesu yö, -püö 'wo- wo -a -gɛɛndhö, -gbla 'gbee- -sü 'ka -nɛɛ: «-Zlan Gbö -mü ü 'ka!» ¹²Yö -dhe =ya kë 'dhö, Yesu -yö 'wun -blɛɛ -an -dhë 'gbee- =ne kö -kun 'ö me 'ö- 'ka 'wo- =blɛɛ.

Yesu -bha ö bha bɔme 'gɔɔ- do ö ga -ple 'sü -sü
(Matiö 10.1-4; Lukö 6.12-16)

¹³-Dhe =ya kë 'dhö, Yesu -yö -dho -tɔn tuö, 'ö me -nu 'ö- 'piö kö -wo ziö ö 'piö bhë 'ö -an -dhɔɔ -kë, 'ö 'wo nu -a 'piö. ¹⁴'Ö me -lü 'gɔɔ- do ö ga -ple sü me -nu 'wo nu bhë -an 'gü kö -waan kë ö 'piö 'ö -an 'tɔ kpɔ ö bha bɔme -nu 'ka, 'yö -an sü kö 'yaan- -an bɔ -Zlan -wo =blɛɛ' =dhia. ¹⁵'Ö -kɔ -mɔ 'wun -bha -sü nu -an -dhë kö -waan -zuu yaa bhoë me -nu 'gü. ¹⁶Me 'gɔɔ- do ö ga -ple 'ö -an sü bhë -an 'tɔ 'ö =ne: Simɔ 'ö Yesu -ya 'tɔ kpɔ Pieɛ 'ka, (-a -gen 'ö tɔɔ «-guö»), ¹⁷Zakö waa- ö dheglu Zan 'wo -kë Zebede gbö -nu 'ka 'ö Yesu -yö -an 'tɔ kpɔ Boanɛɛzë 'ka (-a -gen 'ö tɔɔ «me -nu 'wo bho dha -bha 'gbla -wo -bha»), ¹⁸Andre, Filipö, Baatelemi, Matiö, Toma, Zakö 'ö -kë Alefe gbö 'ka, Taade, Simɔ 'wo- 'tɔ kpɔ 'yënnngsiöme 'ka ö -bha 'segɔ -wun 'gü, ¹⁹waa- Zuda Ikalitö 'ö Yesu dɔ -a yaagüme -nu kwɛɛ zlöö bhë.

Yesu 'piö kɔme -nu -wa 'piö 'wo 'dho -a 'ka

²⁰-Dhe =ya kë 'dhö, Yesu -yö -nu kɔɔ. Me -nu gbung =va -wo -nu mü 'zü -dëüwo, 'ö- -dhe to -zlöö kö 'töng -de gbe 'yaa Yesu waa- ö bha -guë' -nu -an -gɔ kö -waan pë -bhö -dhe yö. ²¹'Wun 'ö bhë -dhe 'ö Yesu 'piö kɔme -nu -waa- ma, 'wo dho -a 'kun -dhia, 'ö tɔɔ -wo -kë -a pö -dhia 'dhö -nɛɛ: «-Ya kë 'blɔɔnzë.»

Za 'wo- lo Yesu tuö bhë -a -daa kë -kɔ 'ö- -kaa'
(Matiö 12.22-32; Lukö 11.14-23; 12.10)

²²Yi do 'ka Zuifö -nu -bha tɔnggɔme -nu -wo -go Zeluzalemë plöö 'wo nu 'wo -lo -dhe 'ö Yesu -yö -kë -a -bha bhë -a 'gü, 'wo- pö: «Bɛɛzebilö 'ö dü 'ka bhë -ya 'gü.» Kö me 'bhaa -nu -wa pö -na: «-Zuu yaa -nu -gɔme -ne 'ö -kɔ -mɔ 'wuën- -sü nu -a -dhë 'ö -zuu yaa -nu kë -na -a 'ka bhë!»

²³-Dhe =ya kë 'dhö, 'ö Yesu -yö -an -dhɔɔ -kë 'yö 'wun =blɛɛ -an -dhë, 'wun =zuan' -zɔn -sü 'ka -nɛɛ: «-Yö -kɔklë 'ö Satan -yö ö -de -kë 'zü i? ²⁴=Ya kë =ne me -nu 'wo 'segɔ do =kɔɔnme -nu 'ka, =wa -glu gɔn wo 'kuë, 'segɔ 'ö 'dhö bhë yö 'ka 'dho dho 'dhiö. ²⁵'Iin 'go mü 'zü, =ya kë =ne 'kɔ do 'gü -me -nu =wa 'ko zë wo 'kuë, me -nu 'wo bhë -an -bha -kë 'kuë- -sü yaa 'dho dho 'dhiö. ²⁶-Kɔ do 'ö bhë -a 'ka, =ya kë =ne Satan =ya -glu gɔn ö 'piö -me -nu 'ka kö 'gügludhe yaa -da -an ziën =a? =Ya kë 'dhö -a -bha -kɔ -mɔ 'wuën- -sü yaa 'dho -glɔɔ gbɔ; 'kɛɛ pë dho kë 'ö tɔɔ -a 'tinng -dho yën.

27-A -ga 'ka- wo bhë: Dö 'ö dho -mɔ -a -bha kö -yaan -da gɔɔn- 'gügbeezë -gɔ kɔɔ kö -yaan -a -bha 'kɔɔpë -nu 'sü kö yaa gɔɔn- 'ö 'dhö bhë -a -lö -e? Mɛ 'ö 'gbee- 'ö -ziö -a 'ka -a -ta -nɛ 'ö dho -da -a -gɔ kɔɔ.» 28'Ö Yesu =ya pö -an -dhë 'zü =nɛ: «A- -pö ka -dhë 'wun gia- 'ka: -Zlan -dho ziö me 'bhee- -nu -bha këwun yaa -nu waa- -an -blɛɛ'- -wun yaa -nu bhë -an -ta. 29'Kɛɛ me 'ö 'dhoë- 'wun yaa =blɛɛ'- -Zuu 'slöösLö -gɔ, -Zlan 'ka 'dho ziö -a -bha këwun yaa -nu bhë -a -ta. Bhii kö kɛ pɛ yaa 'ö dho to -a -bha bhë kö =yaa- kɛ.»

30Pë 'ö -kë 'ö Yesu -ya pö -an -dhë 'dhö bhë 'ö tɔɔ -wo -kë -a pö -dhia: «-Zuu yaa -ya 'gü.»

Yesu dhe waa- -a dheglu 'në gɔɔn- -nu -bha Yesu -dhe -sü
(Matiö 12.46-50; Lukö 8.19-21)

31=Dhe =ya kɛ 'dhö, Yesu dhe waa- -a dheglu 'në gɔɔn- -nu -wo -nu; 'wo dɔ plaan, 'wo mɛ bɔ kɔɔ kö -yaan -a -dhɔɔ kɛ. 32Mɛ kpö =va -wo -kë =yaannu =dhia Yesu -zü, wo 'to -to -a -wo -bha -sü 'ka. 'Ö 'wo- pö -a -dhë: «Ü- 'to 'to, ü dhe waa- ü dheglu 'në gɔɔn- -nu -wo plaan, -wa -pö 'ü nu!»

33'Ö Yesu -ya -daa -kë -an -gɔ 'ö- pö: «Dö tɔɔ n dhe waa- n dheglu 'në gɔɔn- -nu -i?»

34=Dhe =ya kɛ 'dhö, 'ö mɛ -nu 'wo -kë -a -zü bhë 'ö -an -ta -ga, 'ö- pö: «-Ka -dhe -ga, n dhe waa- n dheglu 'në gɔɔn- -nu -ga 'wo =nɛ! 35Bhii me 'ö -Zlan -zo 'kun -wun kɛ -na bhë 'ö tɔɔ n dheglu 'në gɔɔn-, n dheglu 'në dhe waa- n dhe.»

'Wun =zuan' 'ö -gban kekɛmɛ -bha
(Matiö 13.1-9; Lukö 8.4-8)

4 1Yesu -yö -yö 'zü me -nu -daan' -sü -bha -Zlan -wo 'ka, Galile 'yipuë -va 'kpong 'dhiö. =Dhe 'ö mɛ gbung =va =wa =nië' -a -zü, 'ö dho 'yitagɔ do 'gü 'ö =yaannu, 'ö bhɔ -an -dhë =taa' 'yi -bhaa -zian'; -yö kɛ 'dhö kö mɛ gbung =va 'wo sia- 'yi 'kpong 'dhiö bhë -waan -a yö, 'iin kö 'wun 'ö- =blɛɛ' -na bhë -waan -a ma. 2'Yö -Zlan -wo pö -an -dhë =plëëzë 'ka 'wun =zuan' -zɔn -an -dhë -sü 'ka, 'ö- pö: 3«-Ka ka 'to 'to, gɔɔn- do -yö -kë -dhö, 'yö -ziö 'ö dho 'ö bha -dhe -ya -dhia. 4-Yö -kë 'ö -bha pëga -nu -pɛn -dhia 'ö -gɔ =bhlöö-, 'ö pëga 'bhaa -nu -wo -piüö zian -gbloo 'piö, 'ö -ma -nu -wo nu 'wo- -bhö. 5'Ö- ga 'bhaa -nu -wo -piüö gwa -ta, -dhe 'ö 'se 'yaa mü =va -a -ta. 'Wo to mü 'wo bhɔ -a ga -nu -bha 'dho waa- wo 'seidhö =gbiin bhë -a -wun 'gü. 6'Kɛɛ -dhe 'ö lan- =ya 'bhü -a -bha 'ö- 'plüün 'ple -wo ga, 'wo 'kpea kun, bhii 'ö tɔɔ -an yun yaa 'dho =gbiin 'seidhö. 7'Ö- ga 'bhaa -nu -wo -piüö =blëë' 'ginngzë -nu ziën, 'ö =blëë' 'ginngzë -nu -wo =kpea 'ö 'wo sɔ pɛ 'plüün -sëëzë bhë -a -ta 'ö- yöë -pɛ gbe yaa kɛ -dhö gbɔ. 8'Kɛɛ -a ga 'bhaa -nu -wo -piüö 'sɛ -sɛ 'gü, 'wo bhɔ 'wo =kpea. 'Ö- 'bhaa -nu -kpa ga -wo -kë 'gɔɔ- =yaaga, 'ö- 'bhaa -nu -kpa ga -wo -kë 'gɔɔ- 'slado, 'ö- 'bhaa -nu -kpa ga -wo -kë =këng' do.»

⁹-Dhe =ya kë 'dhö, Yesu -ya pö: «'Wun 'a- =bleε =ne me 'ö- 'wun ma -to 'dhö -dhö -ya ma!»

Pë -kë 'ö Yesu -yö 'wun -bleε 'wun =zuan' 'ka bhë -a -gen 'ö -ne
(Matiö 13.10-17; Lukö 8.9-10)

¹⁰-Dhe Yesu -ya 'dho me gbung -nu 'wo bhë -an 'ka =gbiin, 'ö me -nu 'wo -kë -a 'piö waa- -a -bha =guë' -nu 'gɔɔ- do ö ga =ple 'wo bhë, 'wo- =dheε' kpo kö -yaan 'wun =zuan' -nu bhë -an -gen pö wo -dhë. ¹¹'Ö- -daa -kë -an -gɔ 'ö- pö: «Ka -zë, 'ka 'wun -nu 'wo -bin -sü 'ka -Zlan -bha -gludëdhe -bha -a yö, 'këε me -nu 'wo to, -wo wo -bha -ma 'wun =zuan' 'gü. ¹²-Yö kë 'dhö kö -wo -dhe -ga -së 'ka 'këε -waan 'kun -dhe yö =süë'; kö -wo 'wun ma, 'këε -waan 'kun -a -gen dɔ =süë'. 'Ö yaa pö -be kö -wo -dho =dhië' -Zlan 'piö, 'ö -Zlan -yö -ziö -an -bha =sɔɔn yaa -nu -ta.»

Yesu -bha 'wun =zuan' 'ö -gban pëgatame -bha -a -gen pö -na
(Matiö 13.18-23; Lukö 8.11-15)

¹³-Dhe =ya kë 'dhö, 'ö Yesu -ya pö -an -dhë: «'Wun =zuan' 'ö -ne =dhe 'kaa- -gen dɔ =ne, kö ka -dho -a kë =dhë kö -an me -nu 'wo to 'kaan- -an -gen dɔ =ε? ¹⁴Pëga 'ö me -ya -pen 'ö tɔɔ -Zlan -wo. ¹⁵Me 'bhaa -nu -bha -Zlan -wo 'kun -kɔ -yö -bho zian -gbloo 'piö -dhe, 'ö pëga -nu 'dhö -püö -na -a -bha bhë -a -bha. =Ya kë =ne =waa- ma, 'ö Satan -yö nu 'ö -Zlan -wo me 'ö ta -an 'gü bhë 'ö- bho mü.

¹⁶-Kɔ do bhë -a 'ka 'ö me 'bhaa -nu -bha -Zlan -wo 'kun -kɔ -yö bho pëga 'ö -püö 'se 'ö gwa -ta dhuö bhë -a -bha. =Dhe 'ö 'wo -Zlan -wo ma, -wo -to mü 'wo- kun =zuögludhi 'ka. ¹⁷'Këε 'waa wo =kwaa' -a -zü, 'yaa ö yun ziö -an 'gü. 'Wo -nëng -a -bha 'töng 'bhaa 'ka; 'këε -ya kë =ne =sëëbhodhe waa- 'klobhodhe -ya nu -an -ta, -Zlan -wo 'wo- ma bhë -a -wun 'gü, 'ö 'wo wo =kwaa -zo yö -sü -zü 'wa 'sengdhö.

¹⁸Me 'bhaa -nu -bha -Zlan -wo 'kun -kɔ -yö bho 'ginng 'gü -dhe 'ö pëga -së -yö -püö -a -bha, -a -bha. 'Wo -Zlan -wo kun, ¹⁹'këε -dɔ -de =zɔnnng' -ta -sü -wun 'gü -sü -nu, =bhɔɔpë 'ö- me -püö -pë 'ka -nu waa- ya pë -dho 'ka -sü, -ya -kë zlöö 'wo sɔ -Zlan -wo bhë -a -ta 'ö -yö -a -bha -pë gbë yaa kë -dhö gbɔ.

²⁰Me 'bhaa -nu -bha -Zlan -wo 'kun -kɔ -yö -bho 'se -së 'ö pëga -yö -püö -a 'gü bhë -a -bha. =Wa -Zlan -wo ma, 'ö 'wo- kun -së 'ka, 'ö- -kpa -nu -wo -kë. 'Ö- 'bhaa -nu -kpa ga -wo -kë 'gɔɔ- yaaga, 'ö- 'bhaa -nu -kpa ga -wo -kë 'gɔɔ- 'slado, 'ö- 'bhaa -nu -kpa ga -wo -kë -këng' do.»

'Wun =zuan' 'ö -gban =labang -bha
(Lukö 8.16-18)

²¹'Go mü 'zü Yesu -ya -pö -an -dhë: «Me =ya nu =labang 'kun -sü 'ka, 'yaa- dɔ 'gbonggbo =löö; 'iin 'yaa- dɔ =gba =löö; 'këε -dhe 'ö- dɔ -a -bha 'yö

kun tɔɔ -labang -dɔ -a -ta dhuo -pë -a? ²²Kɔ bhë -a 'ka pë 'ö -bin -sü 'ka 'ö dho kun -yö -dhegbëadhe -bha -sü 'ka 'yaa -dhö 'iin 'wun 'ö -bin -sü 'ka 'ö dho kun -yö -dhegbëadhe -bha -sü 'ka 'yaa -dhö 'pö. 'Ö mɛ -daan' -wo 'a ka -daan' -na -a 'ka kwa 'sloo 'ka -nɛ, 'ka dho -an -gen pö mɛ -nu -dhë -dhegbëadhe 'gü. ²³'Ö -ya kë -nɛ mɛ -yö -dhö 'ö- 'wun ma -to 'dhö -dhö, kö -ya ma!»

²⁴'Ö Yesu -ya pö -an -dhë 'zü: «-Ka ka -zo kë ka -de 'piö, 'wun -nu 'ka -an ma -na -nɛ -an -wun 'gü! 'Ö tɔɔ -Zlan -yö -dho gbao -nu dan ka 'ka -nɛ -kɔ ka gia- 'ka- kë -na -a 'ka bhë -a 'dhö. ²⁵Bhii mɛ 'ö pë 'dhoë- -gɔ =va -a 'bhaa -dho nu -a -dhë, 'kɛɛ mɛ 'ö pë gbë 'yaa- -gɔ, -a 'bhe 'tee -de 'ö- -gɔ, -yö -dho kun -a -gɔ.»

'Wun =zuan' 'ö -gban tapë 'ö bhö ö -deë' -a -bha

²⁶'Ö Yesu -ya pö 'zü -nɛɛ: «-Zlan -bha -gludëdhe -yö -bhö pëga bhö -kɔ waa- -a -kpɛa' -kɔ -bha. Gɔɔn- do -yö pëga -nu -ya ö -gɔ =bhlöö-. ²⁷Gbeng -dhe -ya dɔ 'yö ö bha yi zë, 'ö -dhe -ya 'po 'ö -luu, 'ö 'wun 'ö -gban pëga -bha bhö -kɔ -nu, -a -kpɛa' -kɔ -nu -bha, 'ö 'yaa- gbë -gen dɔ. ²⁸'Sɛ =nɛ 'ö- -kë 'ö pëga -yö bhö, 'ö- -lü -yö -kpɛa, 'yö wü, 'ö- -kpa -yö ga.

²⁹=Dhe 'ö -ya ga, 'ö gɔɔn- 'ö =nɛ 'ö -ya ö bha yuö -bha -an -kan -dhaanë 'ka -sü 'ka, bhii 'ö tɔɔ -a -bha pëga 'ö bhë -a 'kan -yi -ya -lo.»

'Wun =zɔan' 'ö -gban mutaadö ga -bha

(*Matiö 13.31-32; Lukö 13.18-19*)

³⁰'Ö Yesu -ya pö 'zü: «-Më 'ö 'kwa dho -Zlan -bha -gludëdhe -pö -zɔn -a 'ka ɛ? 'Iin 'wun =zuan' -mlë 'kwa dho -a -gban -a -bha 'kwaan- -a -zɔn -ɛ? ³¹-Yö -bhö mutaadö ('ö- ga -yö bhö -kplɔɔ' ga -bha bhë -a) -bha; yö -nɛ 'ö tapëga -nu 'wo 'kpongtaa -an 'teezë 'ka. ³²'Kɛɛ -ya kë -nɛ =waa- ta, 'ö -kpɛa 'ö -kë 'too -lü -nu 'wo 'toodhëdhö -an -vaazë 'ka. 'Ö- -kɔ -nu -wo -kpɛa 'wo -kë -vava, 'ö -ma -nu 'dho -mɔ -a -bha kö -waan wo 'kɔ -nu dɔ -a -kɔ -nu -ta -a 'dhe 'bin -nu -löö.»

³³-Kɔ 'ö -nɛ -a 'ka 'ö Yesu -yö -Zlan -wo pöë mɛ -nu -dhë, -a -zɔn 'wun =zuan' -plëëzë 'ka -sü 'ka -nɛ -a mɛ -nu 'wo -nɛ -an 'dhö. -A mɛ 'ö 'to to -a -wo -bha -mɛ -nu -kɔ dho -mɔ -a -gen ma -sü -bha -nɛ 'ö- -zɔn -an -dhë.

³⁴'Yaa 'wun =blɛɛ' -'kpaan -a 'ke yaa- kë 'wun =zuan' 'ka -a 'ka, 'kɛɛ -dhe waa- ö bha -guë' -nu =wa 'to wo 'sloo 'ka 'yö 'wun 'plë bhö 'kou -an -dhë.

Yesu -bha 'buu 'gbëe- -dho sia- -sü

(*Matiö 8.23-27; Lukö 8.22-25*)

³⁵Yi gia- bhë -a 'yinia 'ka, Yesu -ya -pö ö bha -guë' -nu -dhë: «-Kwa 'dho 'yipüë -zlöö!»

³⁶'Ö 'wo go mɛ -nu gbung 'gü mü, 'ö- -bha -guë' -nu -wa sü 'yitagɔ gia- 'ö -kë -a 'gü bhë -a 'gü, 'wo dho. 'Yitagɔ 'bhaa -nu -wo -kë -a 'sian 'piö mü.

37'Ö to mü 'buu 'gbee- -yö yö zio -sü -bha, 'ö 'yi kpö -nu -wo yö -lo -sü -bha -an -bha 'yitagö bhë -a 'gü, 'ö 'yi -yö yö 'yitagö pa -sü -bha. 38=Dhe 'ö kë -na 'dhö kö Yesu -yö yi zë -sü 'gü 'yitagö bhë -a 'gü -a -zlöö -zian' ö -gö dö -sü 'ka -gö -döatapë -ta. 'Ö- -bha =guë' -nu -wo -pa -a -bha 'ö 'wo- pö -a -dhë: «Yi Dème, ga 'kwa 'dhoë- -a wo =ne, bhi -zë 'yaa ü -dhë pë gbë 'ka a?»

39'Ö Yesu -yö -büö 'ö -luu 'ö 'wun =blæ 'gbee- 'ka 'buu waa- 'yipuë =va bhë -an 'ka, 'ö- pö: «-Ka ka -ta ga, 'ka =gbaannu!»

=Dhe =ya kë 'dhö, 'ö 'buu -yö =gbaannu 'ö -dhe -ta -yö ga diindhö.

40'Ö Yesu -ya pö ö bha =guë' -nu -dhë: «-Më -kë 'ö 'suö -yö ka -kë -e? -Zo -yö n -ma -sü yaa kë ka -gö =kun =a?»

41'Këe 'suö =va -yö -kë -an 'gü, 'ö 'wo- pö wo 'ko ziën =næ: «Dö -mü göön- 'ö =ne -a 'ka, 'ö 'buu waa- 'yipuë -nu -de gia- 'wo 'wun ma -na -a -wo -ta =ne =e?»

Yesu -bha göön- do 'ö -zuu yaa -yö -kë -a 'gü -a -dhe bo -k

(Matiö 8.28-34; Lukö 8.26-39)

5 1=Dhe =ya kë 'dhö, Yesu waa- 'ö bha =guë' -nu -wo Galile 'yipuë -kan, 'wo dho 'wo -lo Zelazeni -se 'gü.

2=Dhe 'ö Yesu -yö go 'yitagö 'gü 'ö yö sia- 'ö to mü 'ö göön- do -yö go blöön- =taa =zian' 'ö nu -a -gö zian-. 3Göön- 'ö bhë -zuu yaa -yö -kë -a 'gü 'ö- këdhe -yö -kë blöön- =taa -dhe -nu -bha. Më gbë -kö 'yaa -mä -a 'kun -sü -bha kö -yaan -a -lö -piö =yöw' giagia -de 'ka. 4Bhii -a 'bhaa -nu =ya kë, -wa -gen -yö -piö 'lü 'gü, 'wo- -kö -nu -lö -piö =yöw' -nu 'ka. 'Këe =yöw' 'wo bhë 'yö -an -kaan 'ö -piö bhë 'ö- wü. 'Ö më 'gbee- gbë yaa kë -dhö kö -yaan kuënnu. 5'Ö yi 'saadhö -a 'ka, gbeng waa- lënnö -yö -to 'gbla -sü -bha blöön- =taa -dhe -nu waa- -tön 'piö -dhe -nu -bha, kö -yö ö -de -gi -na -guö kpö -nu 'ka.

6-8Göön- 'ö bhë -yö -dö =gbiin 'ö Yesu yö. 'Yö -bla sü 'ö nu -a -gö zian-.

=Dhe 'ö -lo -a 'piö mü 'ö Yesu -yö 'wun =blæ -zuu yaa 'ö- 'gü bhë -a -dhë 'ö- pö: «-Bhö 'go göön- 'ö =ne -a 'gü!»

=Dhe -kë 'pö 'yö göön- bhë 'yö -lo ö kpön 'gü Yesu 'dhiö, 'yö -gbla -wo 'gbee- 'gü =næ: «-Më 'ü 'dhoë- -a kë n 'ka bhë =e, -Zlan 'ö -zio pë 'plë -ta -a Gbö Yesu? =Bhea' -a- wo ü -dhë -Zlan wö 'dhiö kö -kun 'ö 'ü n 'klo- bhö!»

9=Dhe =ya kë 'dhö, 'ö Yesu -ya =dheë' kpö =næ: «Ü töw dö =e?»

'Ö -zuu yaa -yö bö göön- 'ö bhë -a 'gü, 'ö- pö: «N töw «Më gbung =va» 'ö töw yi =plëzë.»

10'Ö =bhea Yesu -dhë =naazë 'ka =næ: «Kö -kun 'ü yi -kë, 'yi go 'segö 'ö =ne -a -ta!»

11-Bhötii -gbaa =va -wo -kë -tön 'piö mü 'pö, wo -bha -bhöpë -nu =mëe' =dhia. 12'Ö -zuu yaa -nu -wo =bhea Yesu -dhë, 'wo- pö: «-Bhö yi bö -bhötii -nu 'wo =ne -an 'gü!»

¹³Yesu -yö -we -a -bha -an -gɔ, 'ö -zuu yaa -nu -wo go gɔɔn- 'ö bhë -a 'gü, 'wo dho -bhotii -nu 'gü. 'Ö -bhotii -gbaa 'wo dho -mɔ -vuu -plɛ -bha bhë -an -dho 'kuë- sü -wo =ɔɔ goo -bha 'ö -an 'plɛ -wo më 'yipuë =va =bhaa 'wo to yiö.

¹⁴Gɔɔn- -nu 'wo kë -bhotii -maa kë =dhia bhë 'wo =duë 'wo dho 'wun -taɔ 'ö bhë -a 'ka -an -bha pödhe =va waa- pödhe 'sɛɛn- -nu -bha. 'Ö më -nu -wo nu kö 'waan- wo 'yan dɔ pë -nu 'wo -kë bhë -an -bha. ¹⁵'Wo nu 'wo -lo Yesu 'piö kö gɔɔn- 'ö -zuu yaa =plëézë -nu -wo -kë -a 'gü bhë -yö mü. -Yö -kë =yaannu =süë' -potaasü 'gü kö sɔ -nu -wa -bha, kö 'wun -bho 'kou dɔ -sü =ya kë -a -gɔ -së 'ka. 'Ö 'suö -yö -da -an 'gü. ¹⁶Gɔɔn- 'ö -zuu yaa -kë -a 'gü bhë waa- -bhotii -nu, pë 'ö -kë -an 'ka bhë, më -nu 'ö -an 'yan dɔ -a -bha, -wa -wun =blɛɛ më -nu 'wo nu bhë -an -dhë 'pö.

¹⁷=Dhe =ya kë 'dhö, 'wo =bheɛ Yesu -dhë kö -yö ziö, -yö 'go wo -gɔ 'se 'gü.

¹⁸=Dhe 'ö Yesu 'dho -da -na 'yitagɔ 'gü, 'ö gɔɔn- 'ö -zuu yaa -nu -wo go -a 'gü bhë -ya pö -a -dhë 'ö 'to -a 'piö. ¹⁹Yesu yaa 'we -a -bha -a -gɔ, 'yö- pö -a -dhë: «-Bhö 'yɛ ü 'zü, 'ü 'dho ü -mɛ -nu 'piö, 'ü pë 'ö kwa Dëme -ya -kë ü -dhë ü 'yena yö -sü 'ka bhë, 'ü- =blɛɛ' -an -dhë!»

²⁰'Yö gɔɔn- bhë 'yö dho, 'ö bɔ 'segɔ 'ö- pödhe 'dhö 'gɔɔ- do bhë -a 'gü, pë 'ö Yesu -ya -kë -a -dhë bhë -a =blɛɛ' -sü 'ka. 'Ö më -nu 'saadhö 'wo 'wun -nu 'wo bhë 'wo- ma, 'ö -an 'te -yö tun 'gböngböng.

Zailusö 'dhu waa- dhebo 'ö pa Yesu -bha sɔ 'ka (Matiö 9.18-26; Lukö 8.40-56)

²¹Yesu waa- ö bha =guë' -nu -wo -da 'yitagɔ 'gü 'ö 'yipuë bhë 'wo- kan 'zü. 'Ö më -gbaa =va -wo nu 'wo =nië -a -zü 'yi 'kpong 'dhiö mü. ²²-Wo -kë -dhe bhë -a -bha, 'ö Zuifö -nu -bha -bhöküëkɔ =kɔɔnme do 'wo- dhe Zailusö -yö =gbëü; 'ö- 'yan -da Yesu 'gü. =Dhe -kë 'pö 'ö nu 'ö -lo ö kpɔn 'gü -a 'dhiö, ²³'Ö- =bheɛ Yesu -dhë kö -yö nu ö -dhë =naazë 'ka =nɛɛ: «N 'dhu 'ö 'dhoë- ga, =bheɛ' -a- wo ü -dhë, -bhö nu 'ü ü -kɔ pa -a 'ka kö -a -dhe -yö bo, kö -kë -a 'gü -sü -yaan kë -a -gɔ!»

²⁴=Dhe -kë 'pö, Yesu -yö -ziö -a 'piö. 'Ö më -gbaa =va -wo -to -a 'piö, 'ö -an 'dho -sü 'ka, 'wo -kë =maa 'ma =dhia -a -bha zian 'plɛ 'ka.

²⁵-Dhe bhë -a 'gü dhebo do 'ö fei yën =yua' -ya -kë 'ö -kwe -ya kë 'gɔɔ- do ö ga =plɛ -yö -kë mü. ²⁶-A 'yënnɔ -ya bhɔ =duö =dhɔngtrɔ -nu 'piö, yö do bhë 'zü, -ya ö bha 'wëüga -nu 'plɛ 'gü =siö' 'kɛɛ -a -dhe bhë yaa bo. Pë 'ö -kë =zian' 'ö tɔɔ 'dho 'ö- -bha 'yua -ya wo 'dhiö -kpławo. ²⁷-Yö Yesu -wun -ma 'ö nu më -nu gbung 'gü mü, 'ö pa -a -bha sɔ 'ka -a =zlöö =zian'. ²⁸Bhii -yö -kë -a pö =dhia ö -de =zuö' 'piö =nɛɛ: «=Ya kë =nɛ 'ma 'pa -a -bha sɔ 'kpaan -de 'ka =sia, n =dhe -dho bo.» ²⁹'Ö to mü, 'ö- -bha fei yën =yua' -yö =gbaannu, 'ö yö gia- 'ö- =tei' dɔ =nɛ ö -dhe =ya bo.

³⁰-Dhe do bhë -a 'gü, Yesu -ya =dɔa' =nɛ 'gügbeedhe do =ya 'go ö 'gü. 'Ö =dhiö ö -zü më -gbaa -nu 'wo bhë -an ziën, 'ö- pö: «Dö 'ö pa ma sɔ 'ka =nɛ =ɛ?»

31'Ö- -bha =guë' -nu -wa -daa -kë -a -gɔ 'wo- pö: «Bhi gia-, 'ü- =tei' -dɔ -nɛ, mɛ -gbaa -nu -wo =maa 'ma -na ü -bha zian 'plɛ 'ka, 'ü -dhɛɛ' kpɔ 'zü -nɛ dɔ 'ö pa ü 'ka a?»

32'Kɛɛ Yesu -yö -dhe -ga ö -zü 'to -dhe -nu -bha kö mɛ 'ö pɛ -kë bhë 'yaan- -a yö. 33Dhe bɔ 'ö bhë 'siö- -kaan -a 'gluu 'ö yö =zluun -sü -bha, bhii yö gia- -ya =tei' dɔ -nɛ pɛ 'ö -kë bhë ö -dhe =ya bo. 'Ö nu 'ö -lo ö kpɔn 'gü Yesu 'dhiö, 'yö -kɔ 'ö -kë -a 'ka bhë 'ö- 'plɛ =blɛɛ, -a -yö sia- -sü 'ka. 34'Ö Yesu -ya pö -a -dhë: «N 'dhu, ü -bha -zo -yö n -ma -sü -ya ü -dhe bo, -bhö 'dho =zuöyagluu 'ka; 'yua bhë ö 'ka 'dho ü kë gbɔ!»

35 Yesu -yö -to 'wun bhë -a =blɛɛ' -dhia, 'ö bɔmɛ -nu -wo -go Zailusö -gɔ kɔɔ, 'wo nu 'wo- pö -a -dhë: «Ü 'dhu 'yan ga; kö -kun 'ü kwa -gɔmɛ bho piën- 'kpaan!»

36'Kɛɛ Yesu 'to yaa kë -an -wo -nu 'piö, 'ö- pö Zailusö -dhë: «Kö -kun 'ö 'suö -yö ü -kë, -bhö -zo yö n -ma dosen!»

37'Ö Yesu yaa 'we -a -bha mɛ gbɛ -gɔ kö -yaan ziö ö 'piö -a 'ke yaa kë Pieɛ 'dhö, Zakö waa- ö dheglu Zan -an 'ka.

38'Wo dho 'wo -lo Zailusö -gɔ kɔɔ. 'Ö Yesu -yö -kpɛn mɛ gbung -nu 'wo -kë -zuö dɔ =dhia waa- mɛ -nu 'wo -kë 'gbo -nu bɔ =dhia =gbla =gbla -sü 'ka -an -bha.

39=Dhe =ya -da kɔɔ 'ö- pö -an -dhë: «-Më 'ö -kë 'ka -zuö -nu dɔ, 'ka 'gbo -nu bɔ =ɛ? 'Në 'ö =nɛ yaa ga, yi 'kpaan 'ö- zë.»

40'Ö 'wo yö -kaan -a -bha -sü 'gü.

=Dhe =ya kë 'dhö, 'yö- pö mɛ 'plɛ -dhë -wo yö plaan, 'yö 'në dɛ waa- -a dhe 'dhö, -a -bha =guë' -nu -yaaga 'wo bhë 'dhö, 'ö -an sü ö 'piö, 'wo -da -wɔ -a 'gü -kɔ 'dhi mɛ 'ö 'në =glöö -yö -kë -a 'gü bhë -a 'gü. 41'Ö Yesu -yö -ya 'në 'ö bhë -a -kɔ -bha 'ö- pö Eblö -wo 'gü: «Talita kumi!» -A -gen 'ö tɔɔ: «'Nédhezé, a- -pö ü -dhë, 'ü -luu'!»

42=Dhe do bhë 'ö to -a -bha, 'ö =luu 'ö yö 'ta -sü -bha. ('Nédhezé bhë -a -kwe -yö -kë =nɛ pɛ 'gɔɔ- do ö ga =plɛ 'dhö.)

=Dhe 'wun -nu =nɛ =wa -an yö, 'tetundhe =va -yö -da -an 'gü. 43'Kɛɛ Yesu -ya -pö -an -dhë 'gbee- 'ka =nɛ kö -kun 'wo- =blɛɛ mɛ gbɛ -dhë, 'ö- pö -a -bha mɛ -nu -dhë: «-Ka -bhöpɛ nu -a -dhë, -ya -bhö!»

Me -nu 'wo Nazaleté waa Yesu -wun -dhe 'wun gia-
(*Matiö 13.53-58; Lukö 4.16-30*)

6 1=Dhe 'ö Yesu -yö go -dhe bhë -a -bha, 'ö dho pödhe 'ö =kpea -a -bha bhë -a 'gü. Waa- ö -bha =guë' -nu =nɛ 'wo dho. 2'Ö Zuifö -nu -bha =glooyi 'ka, 'yö yö -an =daan' -sü -bha -Zlan -wo 'ka Zuifö -nu -bha -bhɔküekɔ 'gü. Mɛ -nu 'wo -kë wo 'to 'to =dhia mü bhë, -an =plëézé 'te -tun, 'ö 'wo- pö: «-Yö -go 'wun kë -kɔ -nu, 'kpaakpadhe 'yö- -gɔ, waa- -dhidhaapɛ -nu 'ö- kë -na =nɛ -an -gen 'ka 'më -o! 3Yö =kun 'ö 'lüyanmɛ 'ka =naa, 'ö- dhe tɔɔ Mali, 'ö- dheglu 'në gɔɔn- -nu -wo -kë Zakö, Zozö, Zudé,

Simɔ -an 'ka -naa. 'Go mü -a dheglu 'në dhoo -nu 'waa kwa 'piö zö -a?»
'Wun -nu 'wo =ne -an -wun 'gü, -a 'mɔne waa- -naadhe -yö -më -an 'gü, 'ö
waa 'we -a -bha kö -wa -wun -dhe 'wun gia-.

⁴Dhe =ya kë 'dhö, 'ö Yesu -ya pö -an -dhë: «-Wo -Zlan -wodhiölome
-bhlë -ya -dhe 'saadhö 'gü, 'këe -a 'kpɔ -pö 'gü -me -nu, me -nu 'ö wo -nu
'wo -mëe -zë waa- -a -gɔ 'kɔmë -nu 'waa- -bhlë -ya.» ⁵-A -wun 'gü Yesu
yaa -dhidhaapë -nu kë mü -va gbɔ, -a 'ke yaa kë 'ö -kɔ 'ö- 'kpa 'yuame -nu
më do do -ta, 'ö -an -bha 'yua bo -a 'ka. 'Ö tɔɔ 'waa wo -zo yö -a -bha.
⁶Yesu 'te -tun 'sönggö -sönggö -an =zuö' -bha -kë 'glɔɔglɔ -sü -wun 'gü.

Yesu -bha ö bha -guë' -nu dan 'ö- wo =ple =ple 'ö -an bɔ
(Matiö 10.5-15; Lukö 9.1-6)

-Dhe -kë 'dhö Yesu -yö -bɔ pödhe -nu 'wo 'sian 'piö -dhe -nu -bha bhë -an
'gü -an -daan -Zlan -wo 'ka -sü 'ka. ⁷'Yö ö bha =guë' -nu 'gɔɔ- do ö ga =ple
'wo bhë 'ö -an =dhɔɔ -kë, 'ö -an dan =ple =ple, 'ö -an bɔ, 'ö -kɔ -mɔ 'wun -bha
-sü nu -an -dhë kö -waan -zuu yaa -nu kë më -nu 'gü -a 'ka. ⁸'Këe -yö -dhio
dɔ -an -dhë 'ö- pö: «'Ta 'ka 'dhoë- dho -a 'gü bhë, ka 'dho -na kö -kun 'ka
-kwëe- 'kpaan gbe sü ka -kɔ 'piö; ka ka -bha -gbangölü 'sü, -ka zió! Kö -kun
'ka -bhöpë -nu, 'ta 'sü =bhɔɔ' -nu sü! 'Go mü 'ka 'wëüga -nu gbe -da ka -gɔ
sɔ 'yuö- 'gü! ⁹-Ka -sakpa -nu yö ka -gen -bha, 'këe kö -kun 'ka sɔ 'në -da 'kɔ
-ta dhuö =ple!»

¹⁰'Ö- pö -an -dhë 'zü: «-Ya kë =ne 'ka -da pödhe do 'gü, -ka 'to 'kɔ 'wo
'dhoë- ka -nia kun -a 'gü bhë -a 'gü, -yö 'dho -yö yöë ka -go -dhe 'ö bhë
-a 'gü -yi -bha! ¹¹'Ö =ya kë =ne -dhe 'bhaa -nu 'gü, me -nu =waa- pö wo 'ka
'dho ka -nia kun 'iin wo 'to to ka -wo -bha, -ka 'go -dhe 'ö 'dhö -a 'gü; 'këe
kö 'ka ka -gen -kpënnng kö -büö -bi -yö 'go ka -gen -nu -bha. -Yö -dho kë
-an -zo -büö -sü 'ka =nëe pë me 'ö 'ka nu -a -wuën bhë, 'ka- kë 'saadhö, 'këe
'wun yaa 'wo- kë -na bhë.»

¹²'Ö- -bha =guë' -nu -wo dho, 'wo -Zlan -wo =blee më -nu -dhë =ne -wo
wo =zuö' =dhië'- -Zlan 'piö. ¹³'Wo -zuu yaa =plëezë -nu -kë me -nu 'gü, 'ö 'wo
'yuame -nu =plëezë -nu -dhe bo 'yɔn -yö -an tuö -sü 'ka.

Zan Batisö -bha ga -sü
(Matiö 14.1-12; Lukö 9.7-9)

¹⁴-A 'töng 'dhö bhë -a 'ka, -gludë Elɔdö -yö Yesu -wun -ma, bhii 'ö tɔɔ
Yesu 'tɔ -yö -kë -pen -dhiadhö -dhe 'saadhö -a 'gü. Më 'bhaa -nu -wo -kë -a
pö -dhia: «Zan Batisö 'ö go ga 'gü bhë, pë 'ö -kë 'ö -kɔ -mɔ 'wun -bha -sü
'dhö -a -gɔ 'ö -dhidhaapë -nu kë -na bhë 'ö bhë.»

¹⁵'Këe më 'bhaa -nu -wa -pö: «-Zlan -wodhiölome Eli 'ö -kë 'dhiö zian yö
-mü.»

'Ö- me 'bhaa -nu -wa pö 'zü: «-Zlan -wodhiölome do -mü =ne -an më -nu
'wo -kë 'dhiö bhë -an 'dhö.»

¹⁶-Dhe Elödö =ya 'wun -nu 'wo =ne -an ma 'ö- pö: «Zan Batisö 'a -gɔ -kan =ne 'ö go ga 'gü bhè!» ¹⁷Pè 'ö -kè 'dhö bhè 'ö tɔɔ Elödö gia- yö Zan -kun, 'ö- lö, 'ö- zuö -kansokɔ 'gü. (-A zè -gen 'ö tɔɔ -mè -ɛ?) Elödö -yö ö dheglu Filipö bɔɔ Elödiadö 'kun -a -gɔ. ¹⁸Yö Zan Batisö -ya -pö Elödö -dhè: «Yaa -sè kö 'ü ü dheglu bɔɔ 'kun -a -gɔ!» ¹⁹-Naazuédhe yaa -yö -da Elödiadö 'gü Zan buèn-, 'yö -kè -a kédhe =mɛɛ' -dhia kö 'ö- zè, 'kɛɛ yaa- kédhe gbe yö Elödö -wun 'gü. ²⁰Elödö -yö -suö Zan -dhè, bhii 'ö tɔɔ -yö Zan -sü me kpengdhö, 'ö 'slööslö -a 'ka; 'ö- -wun 'gü 'ö ö -zo -kè -a 'piö. =Ya Zan -dhe, =ya nu, =ya ö 'to 'to -a 'wun =bleɛ' -wo -bha, =zuö' -kaan 'kuè -sü -yö -kè -a -gɔ. 'Kɛɛ kè- wo 'dhö bhè -yö -kè -a -dhè -sè kö -yö ö 'to 'to -a -wo -bha.

²¹'Ö yi Elödö -yö -ö bha bhɔ -yi 'wlaan- =kaa', 'yö -kè Elödiadö -bha 'wunbɔdhe 'ka kö -yaan Zan zè. Elödö -yö ö bha yuö -kè -a 'piö -mɛ -nu, 'tɔ bhɔ -sü -zè -nu, 'dhasi -nu, 'sɛ =kɔɔnmɛ -nu waa- mɛ 'tɔ -zè -nu 'wo Galile -sɛ 'gü -an =dhɔɔ -kè 'wlaan- 'ö bhè -a -ta. ²²'Ö Elödiadö 'dhu -yö -da kɔɔ 'ö yö 'tan kè -sü 'gü. -Yö -kè Elödö waa- mɛ -nu 'ö -an =dhɔɔ -kè 'wlaan- -ta bhè -an -dhè -sè. 'Ö -gludè Elödö -ya pö 'nédhezè 'ö bhè -a -dhè: «Pè 'ü -dho =kaa' -a -dhe n -gɔ, a -dho -a nu ü -dhè!»

²³'Ö Elödö -yö ö -wo -bhö -a -dhè 'ö- pö: «A- zè -Zlan -dhè =ne, pè 'ö -dho -yö ü -kè 'ü- -dhe n -gɔ, a -dho -a nu ü -dhè, 'kò -kè =ne ma -gludèdhe kédhe -kɔ 'pian do -mü, a -dho -a nu ü -dhè.»

²⁴-Dadhèü 'nédhezè 'ö bhè -yö -yö plaan, 'ö dho 'ö 'wun bhè 'ö- =bleɛ ö dhe -dhè, 'ö- pö: «-Mè 'a dho -a -dhe -ɛ?»

'Ö- dhe -ya pö -a -dhè: «-Bhö Zan Batisö -gɔ -dhe!»

²⁵-Dhe -kè 'pö 'ö -ye ö 'zü 'ö nu -bla 'ka -gludè 'piö 'ö pè 'ö- 'piö 'ö- -dhe -a -gɔ 'ö- pö: «A- 'piö 'piöklöözè =ne kö 'ü- pö 'dhasi -nu -dhè -wo Zan Batisö -gɔ 'kan, -wa -da 'tia- 'gü, 'wo n gbaa -a 'ka!»

²⁶-Yö -kè Elödö -dhè yaa, 'kɛɛ yaa -kɔ -a -dhè, -sö 'ö- -bhö mɛ -nu 'ö -an =dhɔɔ kè 'wlaan- -ta bhè -an 'dhiö bhè -a -wun 'gü. ²⁷Yö ö bha 'kɔdhi -maa kè 'dhasi do bɔ 'wa veédhö -kansokɔ 'gü kö =yaa- pö -a -dhè =nɛɛ -yö nu Zan Batisö -gɔ 'ka ö -dhia. 'Ö 'dhasi bhè 'ö dho -kansokɔ 'gü 'ma, 'ö Zan Batisö -gɔ -kan. ²⁸'Ö -gɔ -da 'tia- do 'gü, 'ö nuè 'ö- nu 'nédhezè bhè -a -dhè, 'ö dhoè ö dhe -dhia.

²⁹-Dhe 'ö Zan Batisö -bha =guè' -nu =waa- ma, 'wo nu 'wo- =glöö sü 'wo dhoè 'wo- -bin.

Yesu -bha mɛ -lü -vuu 'sɔɔdhu 'dhi -gba -sü

(Matiö 14.13-21; Lukö 9.10-17; Zan 6.1-14)

³⁰Yesu -bha bɔmɛ -nu -wo -nu Yesu 'piö 'ö pè -nu 'wo- -kè waa- -Zlan -wo 'wo mɛ -nu =daan -a 'ka bhè 'wo- 'plɛ -wun =bleɛ -a -dhè. ³¹Mɛ -nu -wo -kè nu =dhia kö -an 'bhaa -nu -wo 'dho -na, -an -dho 'kuè- -sü -wo -kè =va. 'Ö- -wun 'gü Yesu waa- ö bha =guè' -nu -a kédhe -de yaa kè -an -gɔ kö -waan pè -bhö. 'Ö Yesu -ya pö ö bha =guè' -nu -dhè: «-Ka nu 'kwa 'dho -de 'sloo 'ka, -dhe 'kwa dho -potaasü yö -a -bha -a 'gü kö 'kaan- ka 'tɛɛ pa!»

32'Ö wo -de 'sloo 'wo -da 'yitagɔ do 'gü, 'wo dho -dhe do 'wo dho -potaasü yö -a -bha -a 'gü. 33'Kee medhevadhe -wo -an -yö kö -wo 'dho -na 'ö 'wo -an do. 'Ö 'wo -bla sü 'wo goë pödhe -nu 'gü, 'wo dho 'wo -lo Yesu waa- ö bha =guë' -nu -an 'dhiö, -dhe 'wo dho -a -bha bhë -a 'gü.

34'Yesu -bha -go 'yitagɔ 'gü -sü kö -yaan yö sia- -a 'yan -yö -da me gbung -va 'wo bhë -an -ta. 'Ö -an 'yena -yö -da -a =zuö' 'gü, bhii 'ö tɔɔ -wo -bhɔ -a -dhë 'bhla -tuë -nu 'ö- -maakëme gbe 'yaa -dhö -an -bha. 'Ö yö -Zlan -wo =plëëzë -pö -an -dhë -sü -bha.

35=Dhe 'ö 'bin 'dhö 'më -na, 'ö Yesu -bha =guë' -nu -wa pö -a -dhë: «'Bin =ya bhɔ 'më -sü -bha 'ö -dhe 'kwa- -bha =ne, me gbe 'yaa zö. 36-Bhö -a pö me -nu 'wo =ne -an -dhë -wo 'dho 'kangbaa 'gü -dhe -nu, pödhe -nu 'wo kwa 'sian 'piö -dhe -nu -bha zö =ne -an 'gü kö -wo wo -bhöpë 'dhɔ!»

37'Yö Yesu -ya pö -an -dhë: «Ka gia-, -ka -bhöpë nu -an -dhë!»
'Wo Yesu -dhe' kpɔ 'wo- pö: «Ü- 'piö kö 'yi 'dho 'yi dönïe =këng' =ple =bluu'- 'dhɔ 'yi nuë -an =dhia kö -waan -bhö -a?»

38=Dhe =ya kë 'dhö, 'ö Yesu -ya pö -an -dhë: «-Ka 'dho 'ka =kpɔɔ' 'ma kö =bluu'- bhe =dhë 'ö 'ma kɔ.»

=Dhe 'ö =wa 'dho =wa =bluu'- =mëe' 'ö 'wo -ye wo 'zü 'wo nu 'wo pö Yesu -dhë: «=Bluu'- bhe 'sɔɔdhu waa- 'yuö- =ple 'yi -an yö.»

39'Ö Yesu -ya pö -an -dhë -wa pö me -nu 'wo bhë -an -dhë -wo =yaannu wo kpö kpö 'ka 'kpa- -ta. 40'Ö 'wo -an -ya wo -bhüö 'ka -an dan -sü 'ka =këng' do 'iin 'gɔɔ- 'sɔɔdhu 'ka.

41=Dhe =ya kë 'dhö, 'ö Yesu -yö =bluu'- bhe 'sɔɔdhu waa- 'yuö- =ple 'wo bhë -an sü, 'yö 'ö 'yan =luu dhang- 'gü, 'yö =bheä -a -ta, 'ö -Zlan zuö pö. 'Ö =bluu'- bhë 'ö- =kaan 'ö- nu 'ö bha =guë' -nu -dhë kö -waan -glu me -nu 'wo bhë -an 'ka. 'Ö -kɔ do bhë 'ö- =kaa' 'yuö- =ple 'wo bhë -an 'ka, 'ö 'wo- -glu -an 'ka 'zü 'töüdhö. 42'Me 'ö -dhö -yö 'ö -bha -bhö, 'ö- 'bhaa -yö to. 43'Ö- -bha =guë' -nu -wo dho =bluu'- 'kluklu waa- 'yuö- 'kluklu -kpa 'kuë- -sü =kpasen pa -sü 'gɔɔ- do 'ö ga =ple 'ka. 44'Gɔɔn- -nu 'wo -bhöpë bhë 'wo- -bhö -an -kpa 'kuë- -sü -wo -kë -vuu 'sɔɔdhu 'ka, dhoo -nu waa- 'në 'seen- -nu -wo -kë mü pë -bhö -dhia, 'kee waa -an -dhong' gɔɔn- nu 'piö.

Yesu -yö 'ta -sü 'yipuë =va -ta
(Matiö 14.22-33; Zan 6.15-21)

45=Dhe =ya kë 'dhö, 'ö Yesu -ya pö 'ö bha =guë' -nu -dhë -wo -da 'yitagɔ do bhë -a 'gü, -wo 'dho 'ö 'dhiö 'yipuë =va 'ö bhë -a =zlöö =zian' pödhe 'wo- -dhe Betesaida bhë -a 'gü, kö yö gia- 'ö 'ö -wo -da me gbung -nu 'wo bhë -an -dhë kö -waan 'dho.

46=Dhe 'ö =wa 'kan wo 'kuë- =ya 'go me -nu 'wo bhë -an 'piö 'ö -da -tɔn do tuö kö 'yaan- =bheä'-.

47=Dhe 'ö -dhe 'dhö trö -na, kö 'yitagɔ 'ö Yesu -bha =guë' -nu -wo -kë -a 'gü bhë =ya yö 'yipuë =va bhë -a ziën, kö Yesu -zë -yö =tun 'yi 'kpong 'dhiö.

48 'Yö- yö =ne -a -bha =guè' -nu =sèè' - yö bho -na 'yitagɔ -blü -sü 'gü 'buu yö -kè -ziò -dhia -an -bha bhè -a -wun 'gü.

=Dhe 'ò =wa dɔ -dhe -bha 'po -sü =tèi' 'ka bhè, 'ò Yesu -yö dho -an 'piö -zian' -ta 'yi -ta -sü 'ka, 'ò -kè kö 'yaan- ziò -an -ta. 49 'Kèè -dhe 'ò =waa- yö kö -yö 'ta -na 'yi -ta dhuò bhè 'wo- pö wo =zuò' 'piö =ne me -zii -mü. 'Ö 'wo yö =gblaá 'gbla -sü 'gü. 50 Bhii me -nu 'wo- yö bhè -wo -yö zè -zè kun -sü -bha 'suò 'ka.

=Dhe =ya kè 'dhö, -dhe do bhè -a -bha, 'ò Yesu -yö 'wun =blèè -an -dhè 'ö-pö: «-Ka ka -zo -gban, ma -mü, kö =kun 'ka -suò!»

51 'Ö -da -an 'piö 'yitagɔ 'gü 'ò 'buu -yö =gbaannu. 'Ö- -bha =guè' -nu 'dhi -yö pa, 52 bhii waa -dhidhaapè 'ö- -kè =bluu' -ta bhè -a -gen dɔ, 'ò tɔɔ -an -bha 'wundɔdhe -kɔ yaa -mɔ -a -bha kö -waan -a -gen dɔ.

Yesu -bha 'yuame -nu -dhe -bo Zenezaletö -sè 'gü -kɔ

(Matiö 14.34-36)

53 =Dhe =wa 'yi 'kan =wa -lo 'yipuè =va bhè -a 'kpong 'dhiö Zenezaletö -sè 'gü, 'wo wo -bha 'yitagɔ -klu 'yi 'kpong 'dhiö mü. 54 -An -bha -go 'yitagɔ 'gü -sü 'ka, me -nu -wo -to mü 'wo Yesu dɔ. 55 'Wo -bla sü 'wo dhoè pödhe 'saadhö -a 'gü. 'Ö me -nu -wo -nu wo -bha 'yuame -nu 'ka -an -bun =sèè' 'gü -sü 'ka -dhe 'ò 'wo Yesu 'tɔ ma -a -bha. 56 'Ö -dhe 'saadhö 'ò Yesu -yö dho -a -bha, pödhe 'sèen- -nu, pödhe =vava -nu, 'kangbaa 'gü -dhe -nu, 'wo nu wo -bha 'yuame -nu 'ka 'wo- -da 'dhèédhe =va -bha. =Ya kè 'dhö 'wo =bhea Yesu -dhè kö -yö 'we -a -bha wo -gɔ 'wo 'pa -a -bha sɔ 'to 'dhiö 'kpaan 'ka. 'Ö me -nu me 'wo pa -a -bha sɔ 'to 'dhiö 'ka 'ò -an -dhe -yö bo.

Me -nu =daan' -wo 'ö go me ziizii -nu dhiö

(Matiö 15.1-9)

7 1 Falizi -me -nu waa- Zuifö -nu -bha tɔnggɔme 'bhaa -nu 'wo go Zeluzalemè plöo, -wo -nu 'wo dho wo 'ko -bhaa Yesu 'piö mü. 2 'Wo- yö =ne -a -bha =guè' 'bhaa -nu 'waa wo -kɔ 'zlu =ne -kɔ 'ò -an 'bhema -nu -bha wɔ -kɔ 'dhö -a 'ka bhè -a 'dhö -waan =tun pè -bhö -na, 3 'kèè kö Falizi -me -nu waa- Zuifö me -nu 'wo to -wo wo -kɔ -zlu 'papadhö =ne -kɔ 'ò -an wɔ -kɔ 'dhö -a 'ka bhè -a 'dhö -waan =tun pè -bhö -na. Bhii 'ò tɔɔ -wo wo -bha me ziizii -nu wɔ -kɔ =bhlè -ya. 4 'Ö =ya kè =ne =wa 'go 'dhɔɔ 'gü =wa nu, 'ò waa wo -kɔ 'zlu =kun =ne -kɔ 'wo- pö -a 'ka -an -dhè -a 'dhö 'waa pè -bhö. 'Ö -an -bha wɔ -kɔ -dhe =va -dhe bhè, 'wo- =bhlè -ya -an 'kun -sü 'ka; 'ò -'bhaa -nu -wo -kè -kɔ =ya kè 'wo wo -bha 'yi -mü -a 'gü -kɔɔ -nu, -an -bha gbɔ -nu, zèn -piö gbɔ -nu, waa- -an -wɔ -a -ta -pè -nu -an -zlu -a 'ka bhè -a 'dhö.

5 =Dhe bhè -a -bha Falizi -me -nu waa- Zuifö -nu -bha tɔnggɔme -nu -wo Yesu =dhèè' -kpɔ 'wo- pö: «-Mè 'ò -kè 'ò ü bha =guè' -nu 'waa me =daan' -wo 'ö go kwa 'bhema -nu kwèè bhè 'waa -a 'kun, 'ò 'waa wo -kɔ -nu 'zlu =ne -kɔ 'ö 'kwa- wo -a 'ka -a 'dhö, 'wo pè -bhö -e?»

6'Ö Yesu -ya pö -an -dhë: «Me -nu 'yan -ta -wun kë -me -nu, 'wun -gban ka -bha 'ö Ezai -ya -blee 'dhiö bhë -yö 'wun gia- 'ka, bhii 'ö tɔɔ -ya -ya 'ö- pö: -Zlan -ya pö: 'Sɛgümɛ -nu -wo n -bhlë -ya -wo -wo 'kpaan 'ka, 'kɛɛ -an -zuö' -yö n 'ka -gbiin. 7-Bhlëyadhe -nu 'wo nu -na -a 'ka n 'piö bhë, -a 'ple -yö 'kpaan, bhii -wo me -nu -daan -wo 'ö go me -nu dhiö -a 'ka -nɛ, pë 'wo- pö -yö -go -Zlan 'dhi -a 'dhö. 8Ka -Zlan -bha tɔng -nu -blü zian gbɛ 'ka kö 'kaan- me =daan' -wo -nu 'ö 'go -na me -nu 'gü bhë -a 'ka.»

9'Ö Yesu -yö ö -wo -zuöatadhe -kë 'zü 'ö- pö: «Ka -Zlan -bha tɔng -da zian gbɛ 'ka kö 'kaan- ka -zo kë ka -de -bha me =daan' -wo -nu 'piö! 10Bhii Moizö -ya pö: -Bhö ü dë waa- ü dhe -an -bhlë -ya! 'Go mü: Me 'ö 'dhoë- 'wun yaa -blee' -ö dë 'iin ö dhe -gɔ, -wo -dho -a zë. 11'Kɛɛ ka -zë, ka -pö me -nu -dhë -nɛ 'ö -ya kë -nɛ me =ya kë -dhö =yaa- pö ö dë 'iin ö dhe -dhë: «Ma pë -nu 'wo n -gɔ, 'a dho nuë ka -dhë bhë, a- -ya ö -de -ta -Zlan -bha gbao 'ka, 12'kaa 'we -a -bha -a -gɔ gbɔ -yö pë -nu nu ö dë waa- ö dhe -an -dhë. 13-Kɔ 'ö =nɛ -a 'ka, 'ka -Zlan -wo =bhlë =siö -a 'ka, ka -bha me -nu =daan' -wo -nu 'ka ka 'ko -dhë. 'Go mü, 'ka pë -dhe =va -dhe 'ö bhɔ -a me -nu 'wo =nɛ -an -bha bhë, 'ka -kë.»

Pë -nu 'wo me -nu -kë -dhuuzë

(Matiö 15.10-20)

14-Dhe =ya kë 'dhö, Yesu -yö me -gbaa -nu 'wo bhë -an =dhɔɔ -kë wo 'ko -bhaa 'zü -dëüwo, 'ö- pö -an -dhë: «Ka 'ple, -ka ka 'to 'to n -ma, 'wun =nɛ 'ka- -ya ka =zuö' 'piö: 15-Bhöpë 'ö 'go -na plaan 'ö -da -na me -nu 'gü bhë 'yaa me -nu kë =sɔɔnyaame 'ka -Zlan wö 'dhiö, 'kɛɛ pë 'ö go -an =zuö' 'gü bhë =nɛ 'ö -an -kë =sɔɔnyaame 'ka. 16-Ka ka 'to 'to -së 'ka! 'Ö =ya kë =nɛ ka 'wun ma -to -yö -dhö kö 'wun 'a- -blee =nɛ, -kaa -gen ma!»

17-Dhe Yesu =ya 'go me -nu gbung 'gü mü, =ya 'dho kɔɔ, -a -bha =guë' -nu -wo -yɔɔn -a -bha 'wo- =dheɛ' kɔɔ 'wun =zuan' 'ö- -zɔn bhë -a -gen 'ka. 18'Yö- pö -an -dhë: «Ka -de 'pö, ka -kɔ yaa -mɔ -a -bha kö 'kaan- 'wun -gen dɔ =a? -Kaa dɔa =nɛ, pë gbɛ yaa 'dho go plaan =zian' kö -yaan -da me 'gü -yaan -a kë -dhuuzë. 19Bhii 'ö tɔɔ pë 'ö 'dhö bhë 'yaa 'dho -a =zuö' 'gü, -dhe 'ö dho -a -bha =zian' 'ö tɔɔ -a 'guu, 'ö dhoë 'blü 'dhiö.»

(-Wo -nu 'wo =nɛ -an 'gü bhë =nɛ 'ö Yesu -ya =zuan' =nɛ, -wo -mɔ -a -bha kö -wo -bhöpë -nu 'ple -bhö.)

20'Ö- pö 'zü =nɛ: «-Bhöpë 'yaa me 'bhee- kë =sɔɔnyaame 'ka 'kɛɛ 'wun 'ö 'go -na -a =zuö' 'gü bhë 'ö- -kë =sɔɔnyaame 'ka -Zlan wö 'dhiö. 21Bhii me =zuögüdhe =nɛ 'ö -zotadhe yaa 'ö me -blü -da dhe 'piö -sü, 'nuëbɔ 'kun -sü, =mlaabo 'kun -sü, =kwaan -sü waa- me zë -sü -an 'ka. 22Yö =nɛ 'ö nu 'zü, dheagɔme -bha dhe 'kpɛɛkɛ =mɛɛ' -sü, gwaandhe -bha gɔɔn- 'kpɛɛkɛ =mɛɛ' -sü, -ya me gbɛ -bha pë -dhɔ 'ka -sü, këpë yaa kë -sü, me -piüö -sü, 'wun -dɔ 'gü -sü, =druei kë -sü, 'wun yaa -blee me -gɔ -sü, -de -sü =va kë -sü waa- -kë 'yaa 'wun dɔ -mɛ 'ka -sü 'wo bhë 'saadhö -an 'ka. 23Pë yaa -nu 'töüdhö 'wo bhë -wo -go me -nu =zuö' 'gü, 'ö 'wo me -kë =sɔɔnyaame 'ka.»

Dhebo -nia do -bha Yesu -wo -dhe 'wun gia- -sü
(Matiö 15.21-28)

24-Dhe -ya kè 'dhö, Yesu -yö -go mü 'ö dho Tii -pö -nu 'gü. -Dhe -ya 'dho -ya -lo 'ma, -yö -da 'kɔ do 'gü, bhii yaa kè -a 'piö kö me gbe -ya -tei' dɔ -ne ö mü. 'Kɛɛ -a kèdhe gbe yaa kè -dhö kö -a -dhe -yö -bin. 25>Bhii 'ö tɔɔ dhebo do 'ö -zuu yaa -yö -kè -a 'dhu 'gü, -yö Yesu -wun -ma. 'Ö nu 'ö -gblü Yesu 'dhiö. 26>Dhebo 'ö bhè yaa kè Izlaelö -se 'gü 'nè 'ka, -yö -go Fenisi, Sili -se 'gü; yö -bhea Yesu -dhè kö -yaan -zuu yaa bho ö 'dhu 'gü. 27'Yö Yesu -yö 'wun -zuan' -zɔn dhebo bhè -a -dhè -nɛɛ: «-Bhö ü -kwa'a' 'nè -nu -zü -kun, -wo -bhöpè -bhö, bhii 'yaa -sè kö -wo 'nè -nu -bhöpè 'sü -an 'dhiö -wa nu gben- -nu -dhè.»

28'Ö dhebo bhè 'ö- pö Yesu -dhè: «'Wun gia- -mü, n -Gɔmɛ, 'kɛɛ -ya kè gben- -nu 'wo pè -bhö -a -ta -gba -löö bhè, 'nè -nu -bhöpè 'pee -nu 'wo -piü -na sia- bhè -ya kè -wa -bhö.»

29'Ö Yesu -ya pö -a -dhè: «-A -daa 'ü- -kè bhè -a -wun 'gü, -bhö 'ye ü 'zü 'ü 'dho ü -gɔ kɔɔ, -zuu yaa -ya 'go ü 'dhu 'gü 'saadhö.»

30-Dhe 'ö -ye 'ö 'zü 'ö dho ö -gɔ kɔɔ, 'yö ö 'dhu yö kö -yö -waannu -süè', kö -zuu yaa -ya 'go -a 'gü.

Yesu -bha gɔɔn- do 'ö- 'to 'dhö ta -sü 'ka 'ö 'yaa 'we -a -dhe bo -sü

31 Yesu -yö -go Tii -se 'gü, 'ö bɔ Sidɔn -se 'gü, 'ö nu Galile 'yipuè 'piö -zian' -bɔ pödhe 'gɔɔ- do -se 'gü -sü 'ka. 32-Wo -nu gɔɔn- do 'ö- 'to 'dhö ta -sü 'ka, 'go mü 'ö 'yaa 'we -a 'ka -a -dhia. 'Wo -bhea -a -dhè kö -yö ö -kɔ kpa -a -ta kö -yaan -a -dhe bo.

33-Dhe -ya kè 'dhö, 'ö Yesu -yö bho -a 'ka me gbung 'wo bhè -an -dhè -taa' wo -de 'sloo 'ka, 'yö ö -kɔnèga -ple -sɔ -a 'to -ple bhè -a 'gü, 'go mü 'ö 'dhee -suö ö -kɔnèga -bha 'ö- pa -a nɛ- 'ka.

34-Dhe -ya kè 'dhö, 'ö -dhe -ga dhang- 'gü -bhea' -sü 'ka. 'Yö ö -zo ta -a -bha 'yena -wo 'gü 'ö ö -zo -lo, 'ö- pö: «Efata!» (-A -gen 'ö tɔɔ: «-Bhö 'po!»)

35-Dhe do bhè -a -bha 'ö gɔɔn- 'ö bhè 'ö- 'to -nu -wo -po, 'ö- nɛ- gèn -yö -kan, 'ö yö 'wun -nu -bleè' -sü -bha -sè 'ka.

36-Dhe 'ö -wa 'ye wo 'zü -wa nu, me -gbaa -nu 'wo sia- -an 'piö 'ö Yesu -ya pö -an 'ple -dhè kö -kun 'wo 'wun -nu 'wo bhè 'wo- -bleè me gbe -dhè. 'Kɛɛ 'wun bhè me 'bha -nu -wa -bleè me -nu -dhè. ('Wun -nu 'wo bhè -an -bindhe gbe yaa kè -dhö) 'ö bhii -ya pö -na kö -kun 'ka- -bleè' kö -wa -bleè' -na. 37'Tetundhe -va -yö -kè -an -gɔ 'wo- pö: «Pè -nu 'saadhö 'ö- kè -na -nɛ -a 'ple -wo -sè! -Yö me -nu -de gia- 'ö -an 'to 'dhö ta -sü 'ka -an 'to 'dhi -po, 'ö me -nu 'waa 'we 'ö 'wo -we!»

Yesu -bha me -lü -vuu -yiisiè 'dhi -gba -sü
(Matiö 15.32-39)

8 1-A 'töng 'dhö bhè -a 'ka, me -gbaa -va -wo -nu 'zü -dèüwo, 'wo -niè Yesu -zü. -Dhe 'ö -kè -nɛ, -bhöpè gbe 'yaa kè -an -gɔ bhè, 'ö Yesu -yö

ö -bha =guè' -nu =dhɔɔ -kè, 'ö- pö -an -dhè: ²«Mε -nu 'wo =nε, -an 'yena -yö n kè -na, bhii -dhekpacyi kè -yaaga -naa 'ö =nε, 'wo n 'piö zö, 'ö -bhöpè gbe 'yaa -an -gɔ gbɔ. ³Ya kè =nε -bhöpè gbe yaa kè -an -gɔ =sia, 'ö =wa 'to din 'ö =nε -a 'ka, 'ma- pö -an -dhè -wo 'dho wo =plöö -dhe -nu -bha, -wo -dho -piöö zian -gbloo -nu 'piö, kè 'ö =waa- wo 'tèètè bhè -a -wun 'gü, bhii me 'bhaa -nu -wo -go 'ma =gbiin.»

⁴'Ö- -bha =guè' -nu -wa pö -a -dhè: «Kwa -dho go mε -nu 'wo =nε 'töüdhö -an -bhöpè 'ka 'mè, -dhe 'ö mε gbe 'yaa- -bha zö =nε -a 'gü i?»

⁵'Ö Yesu -yö -an =dheεkpɔdhe -kè =nεε: «=Bluu'- bhe =dhè 'ö ka -gɔ -ε?»

'Wo- pö -a -dhè: «=Bluu'- bhe 'slaple.»

⁶'Ö- pö mε -gbaa -nu 'wo bhè -an -dhè -wo =yaannu sia. 'Go mü 'ö =bluu'- bhe 'slaple bhè 'ö- sü, 'ö -Zlan zuö pö -a -ta, 'ö- =kaan, 'ö- nu ö -bha =guè' -nu -dhè kö -waan -glu me -nu 'wo bhè -an 'ka. 'Ö- -bha =guè' -nu -wa -glu -an 'ka. ⁷'Yuö- 'nè 'seen- 'bhaa -nu -wo -kè -an -gɔ mü. =Dhe 'ö Yesu -yö -Zlan zuö pö -a -ta, 'ö- pö ö bha =guè' -nu -dhè, -wa -glu me -nu 'wo bhè -an 'ka 'zü. ⁸Mε 'ö -dhö -yö pè -bhö, 'ö- 'bhaa -yö to, 'ö- -bha =guè' -nu -wo dho -bhöpè 'kluklu -nu 'wo to bhè -an =kpasen pa -sü 'slaple 'ka. ⁹Mε -nu 'wo -kè mü -wo -mɔ mε -lü -vuu -yiisiè -bha. =Dhe =wa yèn 'ö Yesu -ya pö -an -dhè -wo 'dho. ¹⁰-Dhe bhè =nε 'wo to -a -bha, 'ö Yesu waa- ö bha =guè' -nu 'wo -da -a -bha 'yitagɔ 'gü, 'wo dho Dalimanuta -se 'gü.

Falizi -mε -nu -wo -dhidhaapè do -dhe Yesu -gɔ

(Matiö 16.1-4)

¹¹Falizi -mε -nu -wo -nu kö 'waan- 'slè 'kan Yesu -gɔ, 'ö waa- Yesu -nu 'wo yö 'wun -blεε wo 'ko -dhè -sü 'gü mü, 'wo- -dhe Yesu -gɔ kö -yö -dhidhaapè do 'ö dho -a -zɔn =nε -a -bha -kɔ -mɔ 'wun -bha -sü -yö -go -Zlan 'piö, -a kè.

¹²'Ö Yesu -yö ö -zo -lo 'piö =gbiinzè 'ka 'ö- pö: «-Mè -de 'ö -kè 'ö =dεε =nε -a 'gü -mε -nu 'wo- 'piö kö 'wo -dhidhaapè do yö =nε =ε? A- -blεε ka -dhè 'wun gia- 'ka: -Dhidhaapè do gbe 'ka 'dho kè -an -dhè!»

¹³=Dhe =ya kè 'dhö, 'ö go -an 'piö mü, 'ö -da 'yitagɔ 'gü, 'ö dho 'yipüè -va bhè -a =zlöö =zian' 'pian gbe 'ka.

Falizi -mε -nu waa- Elɔdö, -an -bha =bluubheεpè

(Matiö 16.5-12)

¹⁴'Kεε kè- wo 'dhö bhè, Yesu -bha =guè' -nu -zlö -yö -trö =bluu'- -nu 'sü -sü -bha. -A bhe do 'kpaan =nε 'ö -kè -an -gɔ 'yitagɔ 'gü mü. ¹⁵'Ö Yesu -ya pö -an -dhè: «-Ka kè 'slè 'ka, 'ka ka -zo kè ka -de 'piö Falizi -mε -nu waa- Elɔdö -an -bha =bluubheεpè -gɔ!»

¹⁶'Ö- -bha =guè' -nu -wa pö wo 'ko -nu -dhè =nεε: «=Dhe 'ö -kè -nε kwaa =bluu'- 'sü bhè, 'yö- pö -na 'dhö bhè.»

¹⁷=Dhe Yesu =ya 'wun 'wo- =blεε' -na bhè -a ma, 'ö- pö -an -dhè: «-Mè 'ö -kè 'ka- pö =dhe -kè =nε =bluu'- kaa- 'sü bhè, yö -mü -i? Kaa 'wun -nu 'a-

-blɛɛ ka -dhë bhë, -an -gen dɔ -kun -a? Kë- wo ka -gɔ -nɛ, kë 'pö ka -bha 'wunbhokoudɔdhe 'dhi -ya wo ta -sü 'ka bhë ee? ¹⁸Ka 'yan -nu -wo -dhö; -yö -kë -dhë 'ö 'kaa -dhe yö -nɛɛ, 'ö ka 'to -nu 'dho -dhö, 'ö 'kaa 'wun ma -nɛɛ? Ka -zo 'yaa -büö -nɛ ¹⁹-dhe 'ma =bluu'- bhe 'sɔɔdhu =kaan' gɔɔn- -nu -vuu 'sɔɔdhu 'ka -waan -an -bhö, -a 'kluklu -nu -wo to -a -kpasen pa -sü -dhë 'ö 'ka dhoë =ɛ?» 'Wo- -daa -kë 'wo- pö: «-A -kpasen 'gɔɔ- do ö ga =plɛ.» ²⁰'Ö Yesu -ya pö 'zü: «-Dhe 'ma =bluu'- bhe 'slaple =kaan' gɔɔn- -nu -vuu -yiisië 'ka, -a 'kluklu -nu 'wo to -a -kpasen pa -sü -dhë 'ka dhoë =ɛ?» 'Wo- -daa -kë 'zü 'wo- pö: «-A -kpasen 'slaple.»

²¹-Dhe =ya kë 'dhö, 'ö Yesu -ya pö -an -dhë: «'Ö -dhe 'ö 'kwa yö më 'ö 'ka- pö -dhe -kë -nɛ =bluu'- kaa- 'sü bhë, yö -mü -i?»

-Kɔ 'ö Yesu -yö 'yënnngtiime do -dhe boë Betesaida

²²-Wo -dho 'wo -lo Betesaida. -Dhe bhë -a 'gü, 'ö mɛ -nu -wo nu 'yënnngtiime do 'ka Yesu =dhia, 'ö 'wo =bhea -a -dhë kö -yaan 'pa -a 'ka.

²³'Ö gɔɔn- 'yënnngtiizë 'ö bhë 'ö Yesu -yö -yaa -kɔ -bha, 'ö dhoë pö- =taa -bha. 'Yö 'ö 'dhee -kan -a 'yënnngdhö, 'go mü 'yö 'ö -kɔ -kpa -a -ta -a -dheɛ' 'kpɔ -sü 'ka =nɛɛ: «'Ü pë -nu -yö -a?»

²⁴'Ö gɔɔn- 'yënnngtiizë 'ö =sia bhë, 'yö 'ö 'yan po 'ö- pö: «A mɛ -nu -yö -nɛ 'lü -nu 'dhö, 'kɛɛ pë 'ö -kë tɔɔ -wo 'ta -sü.»

²⁵'Ö Yesu -yö 'ö -kɔ kpa 'zü -dëüwo gɔɔn- 'ö bhë -a 'yan -ta. -Dhe 'ö =ya 'ö -kɔ bho mü, 'ö gɔɔn- 'ö bhë 'ö -dhe -ga 'ö 'dhiö 'wa vɛɛdhö, 'ö- 'yan -yö bo, 'ö -dhe yö -së 'ka. ²⁶'Ö Yesu -ya -pö -a -dhë: «-Bhö 'dho ü -gɔ kɔɔ vɛɛdhö kö -kun 'ü dho plöö =zian!»

Piɛɛ -bha -a pö 'ö- wo -nɛ Yesu 'ö tɔɔ -Zlan -bha -Yame (Matiö 16.13-20; Lukö 9.18-21)

²⁷Yesu waa- ö bha =guë' -nu -wo -dho Filipö Sezale -pö -nu 'gü. -Wo -kë 'dho =dhia, 'ö Yesu -yö -an -dheɛ' kpɔ 'ö- pö: «Mɛ -nu -wa -pö dö -mü n 'ka ɛ?»

²⁸'Wo- -daa -kë -a -gɔ 'wo- pö: «Mɛ 'bhaa -nu -wa pö Zan Batisö -mü 'ü 'ka, mɛ 'bhaa -nu -wa pö 'zü Eli -mü 'ü 'ka, mɛ 'bhaa -nu -wa pö -Zlan -wodhiölome do 'bhaa 'ö -kë 'dhiö =zian' -yö -mü 'ü 'ka.» ²⁹'Ö Yesu -ya pö -an -dhë: «Ka -de 'pö, ka- -pö dö -mü n 'ka ɛ?»

'Ö Piɛɛ -ya -daa -kë -a -gɔ 'ö- pö: «'Ü -Zlan -bha -Yame 'ka.»

³⁰-Dhe =ya kë 'dhö, 'ö Yesu -ya pö -an -dhë 'gbee- 'ka =nɛɛ kö -kun pë 'ö Piɛɛ -ya =blɛɛ 'ö -gban 'ö -bha bhë, 'wo- =blɛɛ mɛ gbɛ -dhë.

Yesu -yö 'ö -bha ga -sü waa- 'ö -go ga 'gü -sü -wun -blɛɛ (Matiö 16.21-28; Lukö 9.22-27)

³¹-Dhe =ya kë 'dhö, Yesu -yö -yö -zobüödhe -nu 'ö bha =guë' -nu -dhë -sü -bha 'ö- pö: «Pë dho kë 'ö tɔɔ ma 'a Mɛgbö 'ka, n 'klo- -dho bhɔ =va. -A -gen

'ö tɔɔ me ziizii -nu, slabhome -nu -gɔme -nu waa- Zuifö -nu -bha tɔnggɔme -nu waa 'dho we n -wun -bha. -A -wun 'gü, -wo -dho n zë. -A -dhekpacyi kë -yaaga bhë 'a dho go ga 'gü.»

³²-Yö 'wun -nu 'wo =ne -a -blɛɛ -an -dhë, 'ö bɔa plöö ö =gean'.

=Dhe =ya kë 'dhö, Piɛɛ -ya -dhe ö 'sloo 'ka, 'ö- pö -a -dhë: «Kö -kun 'ö 'wun =suu' -'ö =ne 'ü- =blɛɛ!» ³³Kɛɛ Yesu -yö -dhië ö -zü, 'yö ö bha -guë' -nu -ta -ga, 'go mü 'ö- pö Piɛɛ -dhë 'gbee- 'ka =nɛɛ: «-Bhö yö 'ma 'ü 'go n 'sɔɔ, Satan, bhii ü -bha -zotadhe 'yaa kë =ne -Zlan -bha 'dhö, 'kɛɛ -yö -kë =ne me 'bhee- -bha -zotadhe 'dhö =zian'!»

³⁴=Dhe =ya kë 'dhö, Yesu -yö me -gbaa -nu waa- ö bha =guë' -nu -dhɔɔ -kë, 'ö- pö -an -dhë: «Ya kë =ne me -ya 'piö kö -yö ziö n 'piö, kö -yö ö bo -zo -ta ö -de -wun 'gü -sü 'ka, yö do bhë 'zü, -yö =wa -bhö =ne -kɔ 'a dho =wa -bhö -a 'ka bhë -a 'dhö. ³⁵Bhii me 'ö- 'piö kö 'yö -kë -a 'gü -sü kë ö =deë', yö 'ka 'dho -a yö, 'kɛɛ me 'ö 'dhoë- ö -zo bho ö -de -wun 'piö n -wun waa- 'wuntaɔsë -an -wun 'gü, -yö -dho -kë -a 'gü -sü yö. ³⁶-Yö -dho kë -së me 'bhee- -bha 'ka kö -yö 'kpongtaapë 'ple yö, kö -a nii -zë 'gü =ya =siö- -a? ³⁷-Më 'wo dho -mɔ -a -bha kö -waan -a nu me 'bhee- -dhë kö -yaan ö nii -ta bɔ -a 'ka ɛ? ³⁸'Ö me =ya lë- kë n -gɔ, 'iin n -wo -nu -gɔ, =deɛ =ne -a 'gü -mɛ -nu 'waa 'to wo -wo -ta -Zlan -dhë 'ö 'wo 'wun yaakëme -nu 'ka bhë -an ziën, =ya kë 'dhö 'pö, ma Mɛgbö -de 'pö, yi 'a dho nuë n Dë -bha 'tɔbhɔdhe, waa- -a -bha bɔme -nu 'slööslö -an 'ka, a -dho lë- kë me bhë -a -dhë 'pö.»

9 ¹'Ö Yesu -ya pö -an -dhë 'zü: «A- pö ka -dhë 'wun giagia 'ka =nɛɛ: Me 'bhaa -nu -wo ka 'piö zö, waa 'dho ga kö -an 'yan yaa -kpën -Zlan -bha -gludëdhe këdhepö -bha -nu 'piigbeedhe 'ka -sü -bha.»

Yesu -bha -dhië bun gbe 'gü -sü

(Matiö 17.1-13; Lukö 9.28-36)

²=Dhe -dhekpacyi 'slado =ya ziö, 'ö Yesu -yö Piɛɛ 'dhö, Zakö 'dhö, waa-Zan, 'ö -an sü ö 'piö, 'wo dho -tɔn do =gbiin tuö wo 'sloo 'ka. 'Ö Yesu -yö -dhië bun gbe 'gü -an wö 'dhiö mü,

³'ö- -bha sɔ -nu -wo -kë 'puu; -a -bha -kë 'puu -sü bhë, me -kɔ -mɔa -pë 'yaa -mü 'kpongtaa zö kö -yaan sɔ 'zlu -yaan bho =ne -kɔ bhë -a 'dhö. ⁴'Ö to mü, =guë' -nu -yaaga 'wo bhë, 'wo Eli waa- Moizö -an yö kö waa- Yesu -nu -wo 'wun =blɛɛ' -na wo 'ko =bhaa. ⁵'Ö Piɛɛ -ya pö Yesu -dhë: «N -Gɔmɛ, =yö -së kö 'kwa to zö. -Kwa sɔ 'kɔ -yaaga dɔ, ü -bha -yö kë do, Moizö -bha -yö kë do, Eli -bha -yö kë do.» ⁶Pë 'ö dhoë- -a =blɛɛ' -yaa- dɔ ö -de -gɔ, bhii =guë' -nu =ple 'wo to waa- yö gia-, 'siö =va -yö -kan -an 'gluu.

⁷'Ö dha kpö do -yö nu, 'ö- 'bin -yö sɔ -an -ta. 'Ö -wo do -yö bɔ dha kpö bhë -a 'gü 'ö -we =nɛɛ: «Mɛ 'ö =ne 'ö tɔɔ n Gbö (do 'ö n -gɔ) 'ö- -dhɔ -yö n -kë =duö. -Ka ka 'to 'to -a -wo -bha!»

⁸-Dhe do bhë -a 'gü, ö =guë' -nu 'wo bhë 'wo -dhe -ga wo -zü 'to; waa me gbe yö gbɔ, -a 'ke yaa kë Yesu -de 'sloo 'ka wo 'piö mü.

9-Wo -kë 'go -dhia -tɔn bhë -a tuö kö -wo =yɔɔ' -na, 'ö Yesu -ya pö -an -dhë: «Kö -kun 'ö pë -nu 'ka -an yö =nɛ, 'ka- =blɛɛ mɛ gbɛ -dhë, -yö 'dho -yö yöë ma 'a Mɛgbö 'ka, n -ma -go ga 'gü -yi -bha.»

10'Ö -wo bhë 'wo- ma -a -ta. 'Kɛɛ -wa -pö wo 'ko -nu ziën -nɛɛ: «-Go ga 'gü -sü =nɛ, -a -gen 'ö tɔɔ -më -ɛ?»

11=Dhe =ya kë 'dhö, 'wo Yesu -dhɛɛ' kpɔ 'wo- pö: «-Më 'ö -kë 'ö kwa -bha tɔnggɔmɛ -nu =waa- pö Eli -dho nu kö pë mɛ 'ö dho kë -yaan -tun kë -na -ɛ?»

12'Ö Yesu -ya -daa -kë -an -gɔ 'ö- pö: «Eli -de -yö -dho nu 'dhiö -kun kö -yaan pë 'plɛ =baa', 'kɛɛ -më -kë 'ö -Zlan -bha 'sëédhe -bɛɛn' -wo -ya pö Mɛgbö 'klo- -dho bhɔ =gbɑɔnsü, 'go mü 'ö mɛ -nu dhö 'yan =ziö' =kaa' ɛ?

13'Kɛɛ a- -pö ka -dhë -nɛɛ: Eli -de =ya nu 'saadhö. 'ö mɛ -nu -wa kun yaa -nɛ -kɔ 'ö =dhië' -an -dhë -a 'dhö -nɛ -kɔ 'ö =bɛɛn -sü 'ka -a -wun 'gü -Zlan -bha 'sëédhe 'gü bhë -a 'dhö.»

-Kɔ 'ö Yesu -yö -zuu yaa bhoë 'në do 'gü

(Matiö 17.14-21; Lukö 9.37-43a)

14=Dhe 'ö =wa nu, =wa -lo =guë' mɛ -nu 'wo to -an 'piö, -wo mɛ gbung =va waa- Zuifö -nu -bha tɔnggɔmɛ -nu -yö -an 'piö mü, kö -wo 'wun -nu =blɛɛ' -na wo 'ko 'piö.

15=Dhe 'ö -an 'yan =ya -kpën Yesu -bha, (bhii -a -bha nu mü -sü bhë yaa kë -an 'yaan 'ka), 'wo -bla sü 'wo dhoë -a -gɔ zian- kö -waan -mɛɛ kaa.

16=Dhe Yesu =ya -lo ö bha =guë' -nu 'piö, 'ö -an =dhɛɛ' kpɔ 'ö- pö: «-Më -wun 'ö kaa- mɛ -nu 'wo =nɛ, 'ka- =blɛɛ' -na bhë -ɛ?»

17'Ö gɔɔn- do 'ö -kë mɛ gbung 'gü mü, 'ö- -daa -kë -a -gɔ 'ö- pö: «N -Gɔmɛ, a -nu n gbö 'ö =nɛ -a 'ka ü -dhia, bhii 'ö tɔɔ -zuu yaa -ya 'gü, 'ö 'yaa 'we -a -bha -a -gɔ kö -yö 'we. 18'Ö -dhe 'saadhö 'ö =ya -püö -a -ta -a -bha, 'ö- -zuö sia-. =Ya kë 'dhö 'ö- 'dhee 'vuu dɔ -a dhiö 'wa -gbɔudhö kö -yö ö 'sɔn -nu -bhö -na, kö =ya dɔ zɛɛndhö. 'Ö 'a -bhɛa ü bha =guë' -nu -dhë kö -waan -a bho -a 'gü, 'kɛɛ -an -kɔ yaa -mɔ -a bho -a 'gü -sü -bha.»

19'Ö Yesu -ya pö ö bha =guë' -nu -dhë: «'E, =zuö' 'glɔɔglɔ -mɛ -nu 'ka =nɛ! 'Töng -dhë 'a dho -a sü kö 'kwaan- kaa kwa 'ko -bhaa =ɛ? 'Töng -dhë 'a dho -a sü 'zü kö 'aan- ka bun -a 'ka ɛ?»

=Dhe =ya kë 'dhö, 'ö- pö: «-Ka nu 'në bhë -a 'ka n =dhia!»

20'Ö mɛ -nu -wo nu 'në bhë -a 'ka, -a -dhia. =Dhe 'ö -zuu yaa =ya ö 'yan dɔ Yesu -bha, 'ö 'në bhë 'ö- =zaan 'zan 'gbɛɛ- 'ka, 'ö- -zuö sia- 'ö yö =glöng 'glö -sü 'gü kö -a 'dhee 'vuu =ya dɔ -gbɔudhö.

21'Ö Yesu -ya dë =dhɛɛ' kpɔ 'ö- pö: «=Dhe 'ö -ya -a -bha =nɛ, -a -dhe =ya =glɔɔ =a?»

'Ö- pö: «=Yö -ya -a -bha -a 'nëdhɛ 'gü. 22'Ö- 'bhaa -nu =ya kë 'ö -zuu yaa -ya -zuö 'siö 'iin yö -dhe -nu -bha kö 'yaan- -a zë. 'Ö =ya kë =nɛ ü -kɔ -yö -mɔ -a -bha 'üën- pë 'bhaa kë, -bhö nu yi -dhë, n dë, 'ü yi 'yena yö!»

23'Ö Yesu -ya pö -a -dhë: «Ü- -pö n -dhë, n -kɔ -mɔ -a -bha -i? Ma -nɛ 'a dho ü -dhɛ' kɔɔ =zian' =nɛ, ü -bha -zo -yö -Zlan -bha -sü -kɔ -yö -mɔ -a -bha -a? 'Kɛɛ -yö kè ü 'yaan: Mɛ 'ö -Zlan -wun -dhe 'wun gia-, -yö -dho pè 'plɛ kè.»

24-Dhe do bhë -a 'gü 'ö 'në bhë 'ö- dè -yö -gbla 'ö- pö: «Ma -Zlan -wun -dhe 'wun gia-, 'kɛɛ -bhö nu n -dhë, bhii 'ö tɔɔ n -ma -zo yö -sü bhë -yö 'tee!»

25=Dhe Yesu =yaa- yö =nɛ mɛ -gbaa -nu -wo nu -na -bla 'ka wo 'piö mü, 'ö 'wun =blɛɛ -zuu yaa bhë -a 'ka 'gbee- 'ka 'ö- pö: «-Zuu yaa 'ö 'yaa 'we -a -bha 'në =nɛ -a -gɔ kö -yö 'we, 'iin kö -yö 'wun ma =nɛ, a- -pö ü -dhë 'ü 'go 'në 'ö =nɛ -a 'gü! 'Go mü kö =kun 'ü nu -a 'gü gbɔ!»

26'Ö -zuu yaa 'ö bhë 'ö yö =gblaa 'gbla -sü 'gü, 'ö 'në bhë 'ö- zaaan zan 'gbee- 'ka -yaan =tun 'go -na -a 'gü. 'Në 'ö bhë -yö -kè =nɛ mɛ =ya ga -a 'dhö, 'ö =dhe 'to zlöö kö mɛ 'bhaa -nu 'wo -kè mü -wa pö -na: «=Ya ga.» 27'Ö Yesu -yö -ya -a -kɔ -bha, 'ö- =luu; 'yö =luu 'ö dɔ ö -gɛn -ta.

28=Dhe Yesu =ya 'dho =ya -lo kɔɔ, 'ö waa- ö bha =gué' -nu =wa 'to wo 'sloo 'ka, 'wo- =dhɛ' kɔɔ =nɛɛ: «-Më 'ö -kè 'ö yi -kɔ yaa -mɔ -zuu yaa 'ö bhë -a kè -sü -bha -ɛ?»

29'Ö Yesu -ya -daa -kè -an -gɔ 'ö- -pö: «=Bhea' -sü dosɛn 'kpaan =nɛ 'ö dho -mɔ -a -bha kö -yaan -zuu yaa =suu' -'ö =nɛ -a kaa mɛ -nu 'gü.»

Yesu -bha ö bha ga -sü waa- ö bha -go ga -sü -wun -blɛɛ 'zü -dëüwo -sü
(Matiö 17.22-23; Lukö 9.43b-45)

30-Wo -go -dhe 'ö bhë -a 'gü 'wo dho; 'kɛɛ -wo -bɔ Galile -sɛ 'gü. 'Ö Yesu 'yaa- 'piö kö -dhe 'ö- -bha mɛ -nu -wa dɔ. 31Bhii -yö -kè ö bha =gué' -nu =daan' -sü 'gü, 'ö- pö -an -dhë: «Ma 'a Mɛgbö 'ka, -wo -dho n dɔ mɛ -nu kwɛɛ, 'ö 'wo n zè; 'ö- -dhekpaa yi -yaaga -naa bhë 'a goé ga 'gü.»

32'Kɛɛ -a -bha =gué' -nu waa -wo 'ö bhë -a -gɛn dɔ, 'ö 'suö -yö -an -kè 'zü -a =dhɛ' 'kɔɔ -dhiadhö.

Dö 'ö tɔɔ mɛ =va =ɛ?
(Matiö 18.1-5; Lukö 9.46-48)

33'Wo dho 'wo -lo Kapɛɛnaɔmè. =Dhe =wa 'dho =wa -sɔ kɔɔ, 'ö Yesu -yö ö bha =gué' -nu =dhɛ' -kɔɔ 'ö- pö: «-Më -wun -nu 'ka -kè -a =blɛɛ' -dhia zian -gbloo 'piö =nɛɛ =ɛ?» 34'Kɛɛ -wo wo 'dhi -yö 'kuè-, bhii zian -gbloo 'piö, -wo -kè mɛ 'ö dho kè mɛ =va 'ka wo ziën -a -wun =blɛɛ' -dhia.

35=Dhe =ya kè 'dhö, Yesu -yö =yaannu, 'ö ö bha =gué' -nu 'gɔɔ- do ö ga =plɛ 'wo bhë, 'yö -an =dhɔɔ -kè, 'ö- pö -an -dhë: «'Ö =ya kè =nɛ mɛ -yö -dhö kö -yö kè mɛ =va 'ka, kö -yö kè -de -dho sia- -mɛ, waa- yuö -kè mɛ 'plɛ 'dhiö -mɛ 'ka.»

36'Go mü 'ö 'në 'tee do sü, 'ö- dɔ -an wö 'dhiö, 'ö- sü 'ö- -ya ö 'gban -ta dhuö, 'ö- pö -an -dhë: 37«Mɛ 'ö 'dhoè- mɛ -nu 'ö -an =suu' -yö -kè =nɛ 'në =nɛ -a 'dhö,

-a me do -nia kun n -wun 'gü, kö =ya ma gia- n -nia 'kun. 'Ö me 'ö 'dhoë- n -nia kun, kö ma do kun 'yö n -nia kun, 'kæ kö me 'yö n bɔ bhë, =yaa- -nia 'kun.»

Me 'ö yaa nu kwa -gɔ kö kwaa- me -mü
(Lukö 9.49-50)

³⁸-Dhe =ya kë 'dhö, 'ö Zan -ya pö Yesu -dhë: «Yi -Gɔme, yi gɔɔn- do -yö kö -yö -zuu yaa bho -na me 'gü ü 'tɔ 'ka, 'ö 'yi- pö -a -dhë kö -kun 'ö- -kë 'dhö gbɔ, 'ö tɔɔ 'yaa kwaa- me 'ka.»

³⁹'Ö Yesu -ya -daa -kë -a -gɔ 'ö- pö: «Kö -kun 'ka- pö -a -dhë -abi', bhii me 'ö -dhidhaapë -kë n 'tɔ 'ka yaa 'dhö to -dhe do bhë -a -bha kö -yaan 'wun yaa =blæ'- n -gɔ. ⁴⁰'Ö tɔɔ me yaa nu kwa -gɔ, kö kwa -me -mü. ⁴¹'Ö me 'ö 'dhoë- 'yi -kɔɔ do nu ka -dhë ka -bha -kë Klito -bha me -nu 'ka -sü -wun 'gü, a- -pö ka -dhë 'wun gia- 'ka: -A 'kian 'ka 'dho kun -këdhösü 'ka.»

=Sɔɔn yaa -bha -dho 'dhiö -sü
(Matiö 18.6-9; Lukö 17.1-2)

⁴²'Yö Yesu -ya pö 'zü: «Me -nu 'wo wo -zo yö n -ma bhë, me 'ö 'dhoë- -a 'në do 'kpaan -de -dian, -yaan -püö =sɔɔn yaa 'gü, =yö -së -a -bha 'ka kö -wo -guö kpö =va do -klu -a bhɔ -bha, -wa -zuö 'yoo =bhaa. ⁴³'Ö =ya kë =ne ü -kɔ 'ö ü -da =sɔɔn yaa 'gü, kö -bhö -a 'klu 'kan! =Yö -së ü -bha 'ka kö ü -da =toëpö -kë -a 'gü -dhe -bha ü -kɔ do 'ka 'ö =zië' ü -kɔ =ple -bha -to mü -sü 'ü dhoë =glöötiaandhö, 'siö 'ö 'yaa -dhuu' 'gbædhö -a 'gü -sü -ta. ⁴⁴((Dhe bhë -a 'gü -ne 'ö nɔ -nu 'wo me bun -bhö 'ö 'waa ga, waa- 'siö 'ö 'yaa -dhuu' 'gbædhö bhë 'wo- -bha.)) ⁴⁵'Ö =ya kë =ne ü -gen 'ö ü -da =sɔɔn yaa 'gü, kö -bhö -a 'klu 'kan! =Yö -së ü -bha 'ka kö 'ü -da =toëpö -kë -a 'gü -dhe -bha ü -gen do 'ka 'ö =zië' ü -gen =ple -këdhösü 'ü dhoë =glöötiaandhö ((siö 'ö 'yaa -dhuu' 'gbædhö -a 'gü bhë -a -ta. ⁴⁶-Dhe bhë nɔ -nu -wo me -nu bun -bhö 'ö 'waa ga, waa- 'siö 'ö 'yaa -dhuu' 'gbædhö bhë -wa -bha.))

⁴⁷'Ö =ya kë =ne ü 'yanga 'ö ü -da =sɔɔn yaa 'gü, kö -bhö -a bho mü; =yö -së ü -bha 'ka kö 'ü -da -Zlan -bha -gludëdhe -pö 'gü ü 'yanga do 'ka, 'ö =zië' ü 'yanga =ple -to ü -bha -sü, 'ü =zong -a 'ka =glöötiaandhö 'siö 'gü bhë -a -ta. ⁴⁸-Dhe bhë -a 'gü, nɔ -nu 'wo me bun -bhö 'ö 'waa ga, waa- 'siö 'ö 'yaa -dhuu' 'gbædhö bhë, -wa -bha. ⁴⁹Bhii -kɔ do 'ö kweezö 'dhö pë -nu 'kun -na -a 'ka bhë, 'ö 'siö -dho -a kë -a 'ka me -nu 'gü. ⁵⁰Kweezö -yö pë do -së 'ka, 'kæ 'ö =ya kë =ne kweezö din 'yaa- -bha, ka -dho -a kë -kɔklë kö -a din -yö kë -a -bha 'zü -i? =Dhe 'ö 'dhö, kö ka -bha kweezö -yö kë ka 'gü, 'ka -tosiadhe kë ka 'ko -nu ziën =zuöyagluu 'ka.»

Yesu -bha me =daan' -wo 'ö -gban gɔɔn- waa- dhebo -an -go
'ko 'piö -sü -bha
(Matiö 19.1-12; Lukö 16.18)

10 ¹Yesu waa- ö bha =guë' -nu -wo -go -dhe 'ö bhë -a 'gü, 'ö 'wo dho Zude -së 'gü. 'Go mü 'ö 'wo dho 'yiga 'wo- -dhe Zuuden -a =zlöö

-zian'. -Dhe bhë -a 'gü 'zü -dëüwo, me -gbaa -va 'wo -nië -a -zü mü. 'Ö Yesu -yö yö me -nu -daan' -sü -bha 'zü -ne -ko -ya kë 'ö- -kaa' -kplawo bhë -a 'dhö.

²Falizi -me 'bhaa -nu -wo -yoon -a -bha kö 'waan- 'slë 'kan -a -gɔ, 'wo-pö -a -dhë: «Kwa -bha tɔng -yö -we -a -bha kö gɔon- -yö ö bɔɔ bho 'blü a?»

³Ö Yesu -ya -daa -kë -an -gɔ -dheë' -kɔ -an -gɔ -sü 'ka 'ö- pö: «-Më 'ö Moizö -ya pö 'ka- kë -e?»

⁴'Wo- pö -a -dhë: «Moizö -ya -pö gɔon- -yö 'dhoë- dhebo bho 'blü -ya -bho 'blü 'sëédhe kë -ya kpa -a -bha -ya kaa.»

⁵-Dhe -ya kë 'dhö, 'ö Yesu -ya pö -an -dhë: «Moizö -yö tɔng 'ö 'dhö bhë -a -nu ka -wun 'gü 'dhö 'ö tɔɔ ka -gɔü' -yö 'gbee-. ⁶'Këe -a züdyi 'ka -dhe -Zlan -ya pë 'plë -kë, pë 'ö -been' -sü 'ka -Zlan -bha 'sëédhe 'gü 'ö tɔɔ -yö gɔon- waa- dhe -an -da. ⁷-A -wun 'gü gɔon- -dho kan ö dë waa- ö dhe -an -bha, 'ö waa- ö bɔɔ 'wo -tosiadhe -kë wo 'ko 'piö, ⁸Ö -dhe 'wo- -bha -plë 'wo -kë me -lü do 'ka.» 'Ö Yesu -ya pö 'zü: «Ya kë 'dhö kö 'waa -plë gbɔ, 'këe kö -wa kë me -lü do 'ka -zian'. ⁹Kö -kun 'ö pë 'ö -Zlan -yaa- -nëng 'kuë- bhë 'ö- me gbe -ya -kan 'kuë-!»

¹⁰-Dhe -wa 'dho kɔɔ, 'ö- -bha -guë' -nu -wa -dheë' kɔɔ 'wun bhë -a 'ka 'zü -dëüwo. ¹¹Ö Yesu -ya -daa -kë -an -gɔ 'ö- pö: «Gɔon- 'oo gɔon- 'ö -ya ö bɔɔ kë -ya dhebo gbe 'sü, kö -ya -sɔon yaa kë dhebo -blëezë 'ö- -kë -a -gɔ bhë -a 'ka. ¹²-Kɔ do bhë -a 'ka 'pö, dhebo -ya 'go ö -gɔn 'piö -ya gɔon- gbe 'sü, kö -ya -sɔon yaa kë ö -gɔn -blëezë bhë -a 'ka 'pö.»

Yesu -bha 'dhuë- -kɔ 'në 'seen- -nu -bha -sü
(Matiö 19.13-15; Lukö 18.15-17)

¹³Me -nu -wo -nu wo -bha 'në -nu 'ka Yesu 'piö kö -yaan ö -kɔ kpa -an -ta 'dhuë- -kɔ -an -bha -sü 'ka, 'këe Yesu -bha -guë' -nu waa 'we -a -bha -an -gɔ.

¹⁴-Dhe Yesu -ya -an yö, -yö -kë -a -dhë yaa ö bha -guë' -nu buën- -zian' 'ö- pö: «-Ka ka -kwa' 'në 'seen- -nu -zü -wo nu n 'piö, kö -kun 'ka -an -kë! Bhii -Zlan -bha -gludédhe -yö me -nu 'wo -kë -ne -an 'dhö -an -bha 'ka. ¹⁵A- -blëe ka -dhë 'wun gia- 'ka -në: Me 'oo me 'ö yaa 'we -Zlan -bha -gludédhe -wun -bha -në 'në -nu 'wo -në -an 'dhö, yaa 'dho -da -a 'gü 'gbëédhö.»

¹⁶-Dhe -ya kë 'dhö, 'ö 'në -nu 'wo bhë, 'ö -an -sü 'ö -an kpa ö -tong -ta 'ö ö -kɔ kpa -an -ta do do 'ka 'dhuë- -kɔ -an -bha -sü 'ka.

'Wun 'ö -gban -bhɔme -bha -da -gludédhe 'gü -sü -bha
(Matiö 19.16-30; Lukö 18.18-30)

¹⁷-Dhe Yesu waa- ö bha -guë' -nu 'wo dhoë- -da zian -ta, gɔon- do -yö -nu -bla 'ka, 'ö -lo ö kɔn 'gü -a 'dhiö, 'ö -dheekpɔdhe -kë -a -gɔ 'ö- pö: «N -gɔme këwunsëezë, -më 'a dho -a kë kö 'aan- -da -toëpö -kë -a 'gü -dhe -bha -e?»

18'Ö Yesu -ya pö -a -dhë: «Më 'ö -kë 'ü n -dhe me këwunsëëzë -ε? -Ya kan -Zlan -bha, këpësëmë gbe 'yaa -dhö.»

19'Ö Yesu -ya pö -a -dhë 'zü: «Tɔng -nu 'wo -kë -Zlan -bha 'sëédhe 'gü: Kö -kun 'ü me zë, 'ü dhebo gbe =mεε 'iin 'ü gɔɔn- gbe =mεε, 'ü -kwaan, 'ü -sua -kë ü -ya 'yɔɔ -gɔ, 'ü pë sü ü -ya 'yɔɔ -nu -gɔ -an -püö -sü 'ka; 'ö- 'bhaa -yö -kë 'zü -bhö ü dë waa- ü dhe -an -bhlë -ya bhë 'ü -an -dɔ -a?»

20'Ö gɔɔn- 'ö bhë 'ö- -daa -kë -a -gɔ 'ö- pö: «N -gɔmε, a tɔng -nu 'wo bhë -an 'plε -kun n 'nëdhe 'gü 'ö dhoë 'ö yöë =dεε -bha.»

21'Ö Yesu -ya -ga -dho 'ka, 'ö- pö -a -dhë: «Pë do -wun -yö =tun ü -gɔ mü, 'ö tɔɔ 'ü 'dho 'ü ü bha pë -nu 'wo ü -gɔ 'ü -an 'dhɔɔ dɔ, 'ü- 'wëüga -nu bhë 'ü- 'glu 'fεεmε -nu 'ka, 'ü nu 'ü zio n 'piö! -Ya kë 'dhö, ü bha =bhɔɔpë -nu -wo -dho kë dhang- 'gü!»

22'Kεε gɔɔn- 'ö bhë =dhe Yesu -wo -nu 'wo =nε =ya -an ma, 'ö- =zuö' -yö -kaan 'kuë, 'ö -ziö wösiödhe 'ka, bhii 'ö tɔɔ -yö -kë =bhɔɔzë =duö. 'Ö yaa 'we -a -bha kö ö -bha =bhɔɔpë -nu 'dhɔɔ dɔ.

23'Ö Yesu -yö me -nu 'wo =nië -a -zü bhë -an -ta -ga. 'Go mü 'ö- pö ö bha =guë' -nu -dhë: «Bhɔɔmε -bha -da -Zlan -bha -gludëdhe -pö 'gü -sü =yö 'gbee-!»

24'Ö 'tetundhe =va -yö -kë -a -bha =guë' -nu -gɔ 'wun -nu 'ö- =blεε bhë -a -wun 'gü. 'Kεε Yesu -ya -pö -an -dhë 'zü: «Ma 'në -nu, =bhɔɔmε -bha -da -Zlan -bha -gludëdhe -pö 'gü -sü =yö 'gbee-! 25-Yɔɔnmia -bha -bɔ miiga 'dhi 'gü -sü =yö 'gbee- 'dhö, 'kεε =bhɔɔmε -bha -da -Zlan -bha -gludëdhe -pö 'gü -sü =yö 'gbee- 'zü 'ö =zië' -yɔɔnmia -bha -bɔ miiga 'dhi -bha -sü -ta.»

26'Ö- -bha =guë' -nu -bha 'tetundhe -yö -ziö =gɔɔü' 'zü =gbaɔnsü 'ka, 'wun -nu 'ö- =blεε' -na bhë -an -wun 'gü, 'wo yö wo 'ko =dheεkpɔdhe kë -sü -bha -a pö -sü 'ka =nεε: «=Dhe 'ö 'dhö kö dö 'ö tɔɔ dhame 'sa?»

27'Ö Yesu -yö -an -ga, 'ö- pö -an -dhë: «-Yö pë 'ö me -nu -kɔ 'yaa -mɔ -a -bha -a 'ka, 'kεε -Zlan -kuënkapë 'yaa 'dhö, bhii 'ö tɔɔ -Zlan -yö -mɔ pë 'plε kë -sü -bha.»

28=Dhe =ya kë 'dhö, Pieε -ya -pö -a -dhë: «-Bhö 'ü 'to 'to, 'yië yi -bha pë 'plε 'to sia-, 'ö 'yië zio 'ü 'piö!»

29'Ö Yesu -ya -daa -kë -an -gɔ 'ö- pö: «A- -pö ka -dhë 'wun gia- 'ka me 'oo me =ya ö bha 'kɔ 'to, =ya ö dheglu 'në gɔɔn- -nu, 'nëdhoo -nu, ö dhe, ö dë, ö bha 'në -nu, ö -bha =bhlöödhe -nu 'to n -wun waa- 'wuntassë -an -wun 'gü, 30-yö -dho 'kɔ -nu, dheglu 'në gɔɔn- -nu, 'nëdhoo -nu, ö dhe -nu, ö bha 'në -nu, ö -bha =bhlöödhe -nu, -an -gwaa -këng' do -zë -nu yö. 'Ö 'go mü ka 'klo- dho bhɔ n -wun 'gü, 'ö 'töng me 'ö nuë- 'zü bhë, 'ö dho =toëpö -kë -a 'gü -sü yö -a -dhe -bha. 31'Kεε me -nu -dhe =va -dhe 'wo 'dhiö =dεε =nε -a 'gü, -wo -dho kë =tozlööme -nu 'ka, 'ö me -nu 'wo =tozlööme -nu 'ka, 'wo dho kë 'dhiöme -nu 'ka.»

**Yesu -bha ga -sü waa- ö -bha -go ga 'gü -sü -wun =blεε' -sü -gwaa kë
-yaaga -naa wo**

(Matiö 20.17-19; Lukö 18.31-34)

32'Yö 'wo -da zian 'ö dho Zeluzalemë plöö -a -ta, Yesu -yö -kë 'ta 'sü -sü 'gü ö bha =guë' -nu 'ö 'suö =ya -da -an 'plε 'gü bhë -an 'dhiö. 'Yö ö bha =guë'

-nu 'gɔɔ- do ö ga =ple 'wo bhë -an sü wo 'sloo 'ka, 'ö pë -nu 'wo 'dhoë- kè ö 'ka bhë 'ö- =blëe -an -dhë³³ 'ö- pö: «Ka ka 'to 'to! Kwa -da -na Zeluzalemë -dhe, 'ö ma 'a Megbö 'ka, 'a dho kè slabhome -gɔme -nu, waa- kwa -bha tɔnggɔme -nu 'wo bhë -dɔ -an kwëe -më 'ka, -wo -dho ga -sü -za -lo n tuö, 'go mü 'wo n dɔ mɛ -nu 'waa -Zlan -bha mɛ 'ka -an kwëe. 34 'Ö mɛ -nu 'wo bhë 'wo duö 'luu sü n -ma, 'wo wo 'dhee -nu -pɛn n -ma, 'wo n -ma -klaa 'ka, -waan =tun n zë -na, 'ö- -dhekpaɔyi -yaaga -naa bhë 'a goë ga 'gü.»

Zakö waa- Zan -an -bha pë -dhe -sü

(Matiö 20.20-28)

35=Dhe =ya kè 'dhö, Zakö waa- Zan 'wo -kë Zebede gbö -nu 'ka bhë, 'wo nu Yesu 'sɔɔ, 'wo- pö -a -dhë: «Yi -Gɔme, yi- 'piö kö pë 'yi dhoë- -a -dhe ü -gɔ =nɛ, 'ü- kè yi -dhë.» 36 'Ö Yesu -yö -an -dheë! kpɔ 'ö- pö: «-Më 'ka- 'piö kö 'a- kè ka -dhë -ɛ?»

37 'Ö 'wo- pö: «Yi 'ü 'dhoë- dhoë ü -bha 'tɔbhɔdhe kèdhe -bha, -bhö 'we -a -bha yi -gɔ kö 'yi -ya ü 'sɔɔ. N dheglu -yö -ya ü =kwëe- 'gü, kö ma -de 'pö 'a -ya ü =kwaa- 'gü.»

38 'Yö Yesu -ya -pö -an -dhë: «Pë 'ka- -dhe bhë, 'kaa- dɔ =dheë! Ka -dho -mɔ -a -bha kö 'yi 'güüzë 'a 'dhoë- mü bhë, 'kaan- -a mü -a, 'iin 'klobhɔdhe 'yi =suu- 'a 'dhoë- -da -a =bhaa =nɛ, 'kaan- -da -a =bhaa =a?»

39 'Wo- pö -a -dhë: «-Ii-, yi -kɔ -yö -mɔ -a -bha.»

'Ö Yesu -ya pö -an -dhë: «Wun giagia 'ka, ka -dho 'yi 'güüzë 'a 'dhoë- mü =nɛ -a mü 'pö, 'ö 'go mü, 'klobhɔdhe -yi 'a 'dhoë- -da -a =bhaa, ka -dho -da -a =bhaa 'pö. 40 'Kee ma kun 'a dho -ya -dhe 'ö n =kwëe- 'gü waa- -a mɛ 'ö n =kwaa- 'gü, -a nu mɛ -dhë; -yadhe 'wo 'dhö bhë, -wo mɛ 'ö -Zlan -ya -ya -an -tian' -an -bha 'ka.»

41=Dhe 'ö =guë' -nu 'gɔɔ- do 'wo to =wa 'wun 'wo- =blëe bhë -a ma, 'wo yö 'wun -blëe Zakö waa- Zan -an 'ka -sü 'gü -naadhe 'ka.

42=Dhe =ya kè 'dhö, Yesu -yö -an 'ple =dhɔɔ -kë, 'ö- pö -an -dhë: «Ka- =tei' -dɔ =nɛ, mɛ -nu 'wo -an -ga -na =nɛ, 'sɛ =kɔɔnme -nu 'dhö bhë, -wo 'plɔɔ -dhe -da mɛ -nu -ta. 'Ö mɛ -nu 'wo 'tɔbhɔmɛ -nu 'ka, 'wo mɛ -nu =kɔɔn 'wo =zië' -naa 'gü, wo -bha -kɔ -mɔ 'wun -bha -sü 'ka. 43 'Kee -kɔ 'ö =nɛ -a 'ka, yaa 'dho kaa ka ziën, ka -bha 'ka dho -a kè 'ö tɔɔ =ya kè =nɛ mɛ -ya 'piö 'ö kè mɛ =va 'ka ka ziën, kö -yö -dho kè yuö -kè ka 'dhiö -mɛ 'ka. 44 'Ö =ya kè =nɛ ka ziën mɛ -ya 'piö 'ö kè mɛ 'ö dho kè 'dhiö -a 'ka, kö -yö -dho kè yuö -kè mɛ 'ple 'dhiö -mɛ 'ka. 45 Bhii ma 'a Megbö 'ka, n 'ka nu kö -waan yuö kè n 'dhiö, 'kee kö 'aan- yuö kè mɛ -nu 'dhiö, 'go mü kö 'aan- n -ma -kè -a 'gü -sü nu medhevadhe -bho 'gan 'gü -sü =sɔnnɔg' 'ka.»

'Wun 'ö -gban Yesu -bha 'yënnngtiime Batimëe 'yan 'po -kɔ -bha

(Matiö 20.29-34; Lukö 18.35-43)

46=Dhe =ya 'go mü Yesu waa- ö -bha =guë' -nu -wo -dho 'wo -lo Zeliko. =Dhe Yesu 'dhö ö bha =guë' -nu waa- mɛ -nu -gbaa 'wo go -na pödhe bhë -a

'gü, 'yënnngtiime do 'wo- -dhe Batimεε, 'ö -kë Time gbö 'ka, -yö -kë -ya -sü 'ka zian -gbloo 'dhiö pë -gba -dhe -sü 'ka.

47=Dhe 'ö =yaa- ma =nε Yesu 'go Nazaletë -mü, 'ö -yö -we 'gbee- 'sü 'gü -nεε: «Yesu, Davidö gbö, -bhö n 'yena yö =ee!»

48Medhevadhe -wo 'wun =blεε -a 'ka, 'ö 'wo- pö -a -dhë -yö ö 'dhi yö 'kuë-; 'kεε -yö -we 'zü 'gbee- 'ka 'ö- pö: «Davidö gbö, -bhö n 'yena -yö wo =e!»

49'Ö Yesu -yö =gbaannu 'ö- pö: «-Ka -a -dhɔɔ -kë!» 'Ö 'yënnngtiime bhë 'wo- =dhɔɔ -kë -a -pö -a -dhë -sü 'ka =nεε: «-Bhö ü 'gü dɔ 'gbee- 'ü =luu-! Yesu -yö ü =dhɔɔ kë -na.»

50=Dhe =ya kë 'dhö, 'yö ö -bha gblang -zuö sia- -yεidhö, 'ö =luu 'ö dɔ ö -gen -ta, 'ö nu Yesu 'piö. 51'Ö Yesu -ya =dheε' kpɔ 'ö- pö: «-Më 'ü- 'piö kö 'a- kë ü -dhë -ε?» 'Ö 'yënnngtiime -ya -daa -kë -a -gɔ 'ö- pö: «N -Gɔmε, -bhö -a kë kö 'a -dhe yö 'zü -dëüwo!»

52'Ö Yesu -ya pö -a -dhë: «-Bhö 'dho! Ü -bha -zo -yö n -ma -sü -ya ü -dhe bo.»

-Dhe do bhë -a 'gü 'yö- 'yan -yö -dhe yö, 'ö -ziö Yesu 'piö.

Yesu -bha -da Zeluzalemë -sü

(Matiö 21.1-11; Lukö 19.28-40; Zan 12.12-19)

11 1=Dhe 'wo =yɔɔn -na Zeluzalemë -dhe 'sɔɔ, zian 'ö bɔ Betefaze -pö waa- Betani -pö -an 'piö =zian' -a 'ka, 'wo dho 'wo -lo -tɔn 'wo- -dhe Olivie -tɔn bhë -a =gεendhö. 'Ö Yesu -yö ö bha =guë' -nu =ple bɔ ö 'dhiö -a -pö -an -dhë -sü 'ka =nεε: 2«-Ka 'dho plöö -dhe 'ö kwa 'dhiö -nε -a 'gü! 'Ka -lo mü =sia, ka -dho =soofang 'në 'ö mε gbe yaa -ya -a =taa do -kun, -a yö kö -yö -klu -sü 'ka. -Ka -a 'po 'ka nuë n -dhia zö! 3=Ya kë -nε, mε =ya ka =dheε' 'kpɔ =sia =nεε: «Dö 'ö- pö ka -dhë 'ka- 'po e?», -kaa pö -a -dhë: «Yi Dëmε -bha -wun -ya yö -a -bha». =Ya kë =nε -ya yën -a -bha, -yö -dho ü -bha pë yε 'zü.»

4=Dhe =ya kë 'dhö, 'wo dho; 'ö 'wo =soofang 'në do yö kö -yö -klu -sü 'ka 'kɔ 'dhiö, -kpinnnga 'piö -dhe do -bha, -wo -kë -a 'po =dhia, 5'ö mε -nu 'wo -kë mü, 'wo -an -dheε' kpɔ =nεε: «-Më 'ka- kë -na bhë =ε? Dö 'yö- pö ka -dhë 'ka =soofang 'në bhë, 'ka- 'po e?»

6'Ö 'wo- -daa -kë -an -gɔ =nε -kɔ -de 'ö Yesu -ya pöë -an -dhë bhë -a 'dhö. 'Ö 'wo wo =kwaa -an -zü, 'wo dho =soofang 'në 'ö bhë -a 'ka.

7'Wo dho -a 'ka Yesu =dhia, 'wo wo -bha gblang -nu kpɔ =soofang 'në =taa, 'ö Yesu -yö -ya -a -ta dhuö. 8'Ö medhevadhe -wo wo -bha gblang -nu -po zian -gbloo 'piö. 'ö mε 'bhaa -nu -bha -yö -kë 'dhe -saa -nu 'wo -an -ye -an 'ka, 'wo- kpɔ zian -gbloo 'piö. 9Mε -nu 'wo -kë 'ta 'sü -dhiadhö -a 'dhiö waa- mε -nu 'wo -kë -a =zlöö =zian', -wo -kë 'gei kë -sü 'gü -a pö -sü 'ka =nεε: «Kwaa- 'yoo -mü! Kwaa- 'yoo -mü! -Zlan 'tɔ kë =va! -Zlan -yö 'dhuë- 'kpɔ mε 'ö nu -a 'tɔ 'gü -a -bha! 10-Zlan -yö 'dhuë- 'kpɔ -gludëdhe 'ö dho

nu 'ö kwa dë Davidö -bha 'ka bhë -a -bha, -Zlan 'ö dhang- 'gü, -a 'tɔ -yö kë -va!»

¹¹-Kɔ 'ö -nɛ 'ö Yesu -yö -daa' Zeluzalemë plöö, 'ö dho -Zlan -gba -a 'gü -kɔ 'gü. -Dhɛ =ya yën -dhɛ -nu -ga ö -zü 'to -sü -bha, 'go mü, -yaa- yö -nɛ 'bin -yö 'më -na, 'ö waa- ö bha -guë' -nu 'gɔɔ- do ö ga -plɛ 'wo bhë 'wo dho Betani plöö.

Yesu -bha 'kpöü -ya figö -lü do -bha -sü
(Matiö 21.18-19)

¹²-Dhɛ 'ö -dhɛ =ya 'po -an -bha -go Betani -sü 'ka, din -yö Yesu -kun.
¹³-Dhɛ 'ö dɔ =gbiin, 'ö figö -lü do 'ö- 'dhɛ -nu -wo -kë -a tuö, 'ö- yö, 'ö dho -kpɔɔ -a bhɛ -nu -wun 'gü =dhia. 'Kɛɛ -dhɛ 'ö =ya -lo -a -lü =gɛɛndhö, -a 'dhɛ 'kpaan 'ö- yö, 'ö tɔɔ yaa kë figö bha 'töng 'ka.

¹⁴-Dhɛ =ya kë 'dhö, 'ö Yesu -ya pö figö -lü bhë -a -dhɛ: «Ü bhɛ gbɛ 'ka 'dho kë -dhö gbɔ kö mɛ -yaan -bhö!»

'ö- -wo 'ö bhë, 'ö -da -a -bha =guë' -nu 'toodhö.

Yesu -bha -da -Zlan -gba -a 'gü -kɔ 'gü -kɔ
(Matiö 21.12-17; Lukö 19.45-48; Zan 2.13-22)

¹⁵'Wo nu 'zü, 'wo -lo Zeluzalemë. 'Ö Yesu -yö dho 'ö -da -Zlan -gba -a 'gü -kɔ 'gü, 'ö yö mɛ -nu 'wo -kë 'ma, pë -nu 'dhɔɔ dɔ -sü waa- pë -nu 'dhɔ -sü 'gü bhë -an kë -sü -bha. 'Ö mɛ -nu 'wo -kë 'wëü- -ta -bɔ =dhia -Zlan -gba -a 'gü -kɔ 'wëü- 'ka 'ö -an -bha 'dhɔɔ dɔ -a -ta =gba waa- -tönggö 'dhɔɔdɔmɛ -nu -bha -gbloo -nu -an -lo sia-. ¹⁶'Ö yaa 'we -a -bha mɛ gbɛ -gɔ, kö -wo bɔ pë 'vlaan 'vlaan -nu gbɛ 'ka, -Zlan -gba -a 'gü -kɔ 'gü.

¹⁷'Go mü 'ö mɛ =daan' -wo -nu 'wo =nɛ -an 'ka 'ö- pö: «-Yö -bɛɛn' -sü 'ka -Zlan -bha 'sëedhɛ 'gü -nɛɛ: 'Ma 'kɔ 'yö kë 'kpongtaame -nu 'kpekpɛ -bhɛa -a 'gü -kɔ 'ka, 'yaa 'dhö a? -Yö -kë -dhɛ 'ö ka 'pö 'ka- kë ka -bha -kwaanpë -bin -a 'gü -guö =duudhɛ 'ka!»

¹⁸-Dhɛ 'wun bhë 'ö slabhomɛ -gɔmɛ -nu waa- tɔnggɔmɛ -nu -wa ma, 'wo yö pë 'wo dho -a kë 'waan- Yesu zë -a =mɛɛ' -sü 'gü. 'Kɛɛ -wo -suö -a -dhɛ, bhii 'ö tɔɔ -a -bha mɛ -nu -daan' -wo bhë -yö mɛ -gbaa -nu 'wo -kë -ziö -a 'piö =dhia bhë -an 'te tun, 'go mü, 'ö -kë -an -dhɛ -së.

¹⁹-Dhɛ 'ö 'yiniadhɛ =ya dɔ, Yesu waa- ö bha -guë' -nu -wo -go plöö, 'wo dho -dhɛ do 'bhaa 'gü.

'Wun 'ö -gban figö -lü 'ö Yesu -yö 'kpöü -yaa' 'ö 'kpea kun -a -bha
(Matiö 21.20-22)

²⁰-Dhɛ 'wo ziö -na -dhiadhii tii 'gü, zian -gbloo 'piö, 'ö- -bha =guë' -nu 'yan -yö -kpën figö -lü 'ö Yesu -yö 'kpöü -yaa' bhë -a -bha kö =ya 'kpea 'kun, =ya 'dho =ya yöë ö yun -nu 'plɛ -bha. ²¹'Ö Pɛɛ -zo -yö -büö pë -nu 'wo -kë 'dhiö bhë -an 'ka, 'ö- pö Yesu -dhɛ: «N -Gɔmɛ, -bhö -dhɛ -ga, figö -lü 'ü 'kpöü -yaa' bhë, -a -dhɛ 'plɛ =ya 'kpea 'kun!»

²²'Ö Yesu -ya pö ö bha -guè' -nu 'ple -dhë: «A- -blæe ka -dhë 'wun gia- 'ka: 'Ö -ya kë -næ ka -zo yö -sü -mü -Zlan -bha, ka -kɔ -dho -mɔ -a -bha kö -yaan pë 'ple kë. ²³-Ya kë 'dhö, ka -dho -mɔ -a -bha 'kaan- pö -tɔn 'ö -næ -a -dhë: 'Godhe 'ü dɔ -a -bha bhë -a 'gü, 'ü 'dho 'ü -püö 'yoo -bhaa' 'Ö -zogɔndhe yaa kë ka -zuö' 'piö, pë 'ö 'ka- pö bhë, 'ka- -dhe 'wun gia-, kö -yö -dho kë -næ -kɔ bhë -a 'dhö. ²⁴-A -wun 'gü a- -pö ka -dhë: 'Ka pë -dhe -Zlan -gɔ -bhæa' -sü 'ka, 'ka- -dhe 'wun gia- -næ 'ka- yö; pë 'ö 'dhö bhë 'ö- -de dho nu ka -dhë.

²⁵'Go mü 'ö -ya kë -næ ka -bhæa' -na, 'wun -ya kë ka -zuë me buëndhö, -a -bha pë yaa -kë ka 'ka -sü -wun 'gü, -ka ziö -a -bha 'wun -zaa' -sü 'ö bhë -a -ta, ka -bhæa' -wo 'gü! -Ya kë 'dhö, ka Dë 'ö dhang- 'gü bhë -yö -dho ziö ka -bha 'wun -zaa' -sü -nu -ta 'pö. ²⁶(('Kæe 'ö -ya kë -næ, kaa ziö me -nu -bha 'wun -zaa' -sü -nu -ta, kö ka Dë -de 'pö 'ö dhang- 'gü bhë, yaa 'dho ziö ka -bha 'wun -zaa' -sü -nu -ta 'pö.))»

Yesu -bha -wogbiindhe 'godhe
(Matiö 21.23-27; Lukö 20.1-8)

²⁷-Wo -yε wo 'zü 'wo dho Zeluzalemë plöö 'zü -dëüwo. Yesu -yö -kë -nië' -dhia -Zlan -gba -a 'gü -kɔ 'gü, 'ö slabhome -gɔme -nu, Zuifö -nu -bha tɔnggɔme -nu waa- me ziizii -nu -wo -nu Yesu 'piö, ²⁸'wo- -dhe' kɔ, 'wo- pö: «Pë -nu 'ü- kë -na -næ, dö- pö 'ü -dhë 'ü- kë -εε?»

²⁹'Ö Yesu -ya -daa -kë -an -gɔ 'ö- pö: «Ma -de 'pö, a -dho -dhe' do kɔ ka -gɔ. 'Ka- -daa kë n -gɔ -sia, a -dho pë 'ö -kë 'a pë -nu 'wo bhë 'a -an kë -na bhë -a -gen pö ka -dhë. ³⁰-Dhe' bhë 'ö tɔɔ: Dö 'ö Zan Batisö bɔ -ε? -Zlan -mü 'iin me 'bhee- -nu -mü e? -Kaa -daa do kë n -gɔ!»

³¹'Kæe -wo -yö 'wun -blæe wo 'ko -dhë -sü 'gü 'wo- pö: «-Ya kë -næ 'kwa- pö -sia, -Zlan 'yö- bɔ, -yö -dho kwa -dhe' kɔ -næ, -më 'ö -kë kaa- -wo -dhe 'wun gia- -ε? ³²'Iin 'kwa- pö 'zü -sia, me -nu -næ 'wo- bɔ, -aa' -n!...»

(Bhii -wo -suö 'següme -nu -dhë, 'ö tɔɔ me 'ple -wo Zan -sü -Zlan -wodhiölome giagia 'ka.)

³³-Dhe -ya kë 'dhö, 'wo- -daa -kë Yesu -gɔ 'wo- pö: «'Yië- dɔ.» 'Ö Yesu -ya pö -an -dhë 'pö: «-εε, -dhe 'ö 'dhö, kö ma -de 'pö, n 'ka 'dho pë -nu 'a -an kë bhë -a -gen gbë pö ka -dhë.»

'Wun -zuan' 'ö -gban lezen -dheedhe -yuökëme -nu 'gluyaazé -nu -bha
(Matiö 21.33-46; Lukö 20.9-19)

12 ¹-Dhe -ya kë 'dhö, Yesu -yö -yö 'wun -blæe -an -dhë -sü -bha, 'wun -zuan' -zɔn -an -dhë -sü 'ka 'ö- pö: «Gɔɔn- do -bha lezen -dheedhe -yö -kë -dhö. 'Ö -guö -gla -nië -a -zü, 'ö -glu do pɔn -drɔɔn 'yi bho -dhe 'ka, 'ö 'gbu 'kɔ do dɔ mü, 'ö- dɔ lezen -dheedhe -yuökëme -nu kwæe, 'ö- to 'ö dho 'ta 'gü.

²-Dhe 'ö lezen -kpa -nu bho 'tɔng -ya -lo, 'yö 'ö bha yuökëme do bɔ me -nu 'wo yuö kë -na lezen -dheedhö bhë -an 'piö, kö -waan 'ö -bha -kpa nu 'ö -dhë.

3'Wo yuökème 'ö- dème -ya bɔ bhè 'wo- kun 'wo- -ma; 'go mü 'wo- -kè 'ö -ye ö 'zü ö -kɔ 'kpaan 'ka.

4'Ö lezen -dheɛdhe dème -yö ö bha yuökème gbe bɔ. Yuökème me 'ö nu 'zü bhè 'wo- kun 'zü, 'wo- -ma ö -gɔ -bha, 'wo 'si -nu bho -a -gɔ, 'wo- -kè 'pö.

5'Ö lezen -dheɛdhe dème -yö ö bha yuökème kè -yaaga -naa bɔ 'zü. 'Ö me 'ö bhè 'wo- kun 'wo- zè. -Kɔ do bhè 'wo yuökème -plèèzè 'wo nu, 'wo- -kè -an -gɔ 'pö, -an me 'bhaa -ma -sü waa- -an me 'bhaa -nu zè -sü 'ka.

6Me do 'kpaan 'ö to lezen -dheɛdhe dème -gɔ zlöö, 'ö tɔɔ -a gbö -dhɔkèsüzè. Yö 'ö tɔɔ me -kaanta 'yö- bɔ zlöö, -a -pö ö -de 'gü -sü 'ka -nɛɛ: «N gbö 'ö -nɛ, -wo -dho -a =bhlè -ya.»

7'Ö lezen -dheɛdhe -yuökème -nu -wa pö wo 'ko zièn -nɛɛ: «Me 'ö pè -nu 'wo -nɛ 'wo dho to -a -gɔ 'dhiö -zian' 'ö -nɛ, -kwaa zè kö lezen -dheɛdhe 'ö -nɛ -yö 'to kwa -gɔ!» 8'Wo -püö -a gbö -ta, 'wo- zè, 'wo- -glöö bho lezen -dheɛdhö, 'wo- -zong.

9-Ya kè 'dhö, -mè 'ö lezen -dheɛdhe dème bhè 'ö dho -a kè -ɛ? Pè 'ö dho -a kè 'ö tɔɔ nu 'ö dhoè- wo, 'ö lezen -dheɛdhe -yuökème -nu 'wo bhè 'yö -an zè, 'yö ö bha lezen -dheɛdhe bhè 'ö- nu yuökème -nu gbe -dhè.»

10-11 'Ö ko 'zü, 'ö Yesu -ya pö me -nu 'wo -kè wo 'to 'to -dhia -a -wo -bha bhè -an -dhè: «-Guö kpö 'ö 'kɔdɔme -nu -wa -ga -guö yaa 'ka, 'wo- -zong bhè, -ya kè 'kɔ kuènnu -guö gia- 'ka. Pè 'ö bhè kwa Dème 'ö- -kè, -yö kwa -bha pè 'gbliüünzè 'ka. -Yö -ya -sü 'ka 'dhö -Zlan -bha 'sèédhe 'gü. Kaa- pö -kun =a?»

12=Dhe 'ö 'wun -nɛ Zuifö -nu -kɔɔnme -nu -waa- ma, -wa kèdhe -mɛɛ kö 'waan- 'kun, 'ö tɔɔ wo gia- -wa -dɔa' -nɛ 'wun -zuan' 'ö- -zɔn bhè, -yö -gban wo gia- wo -bha. 'Kɛɛ -dhe 'ö -kè -nɛ, -wo -suö me -nu gbung 'wo -kè mü -an -dhè bhè, waa pè gbe kè Yesu 'ka gbɔ, 'wo- to 'wo -ziö.

'Nii- -sɔnnɔg' -bho Sezaa -dhè -sü (Matiö 22.15-22; Lukö 20.20-26)

13-Wo Falizi -mɛ 'bhaa -nu waa- Elɔdö -bha me 'bhaa -nu -bɔ Yesu 'piö kö 'waan- 'kun, 'wo 'slè -kan -a -gɔ -dheɛ' -nu -kpɔ -a -gɔ -sü 'ka. 14'Wo nu 'wo- pö Yesu -dhè: «Yi -Gɔme, 'yi- -dɔa' -nɛ 'wun gia- -blɛɛ'- -me -mü ü 'ka, 'bhaa 'suö me -nu -dhè, bhii ü -zo gbe 'yaa kè me -nu 'yan 'dhiö -pè -nu 'piö; pè 'ü- -kè -zian' 'ö tɔɔ ü me -nu -daan 'wun gia- 'ö -Zlan 'dhö -a 'piö me -nu -bha -tosiadhe -paa' -a 'ka. 'Kɛɛ yi- 'piö kö 'wun 'ö -nɛ 'ü- bho yi -dhè 'kou. 'Ö tɔɔ kwa -bha tɔng -yö -we -a -bha kö 'kwa 'nii- -sɔnnɔg' bho -gludè Sezaa -dhè -a? Kwa -dho -a bho, 'iin kö -kun 'kwa- bho e?»

15'Kɛɛ Yesu -yö -an -bha me 'yan -kpaan 'kun -sü -dɔ.

=Dhe -ya kè 'dhö, 'ö- pö -an -dhè: «-Mè 'ö -kè 'ka nu n 'gü dan -dhia -ɛ? -Ka nu n -dhia dönɛ ga do 'ka, 'a- -ga!»

16'Wo nu -a ga do 'ka -a -dhia. =Dhe Yesu -yaa- -ga, 'ö- pö -an -dhè: «Dö 'ö- -gɔ 'bin waa- -a 'tɔ 'wo -ya -sü 'ka zö -nɛ -ɛ?» 'Wo- pö -a -dhè: «Sezaa -mü.»

17'Ö Yesu -ya pö -an -dhë: «Pë 'ö Sezaa -bha 'ka, -kaa nu -a -dhë; 'ka pë 'ö -Zlan -bha 'ka, 'ka- nu -Zlan -dhë 'pö!»

'Ö 'tetundhe -yö -an 'plë pa -a -daa 'ö- -kë bhë -a -wun 'gü.

-Dheekpɔdhe do 'ö -gban -go ga 'gü -sü -bha

(Matiö 22.23-33; Lukö 20.27-40)

18Saduse me -nu 'ö 'wo- pö game yaa 'dhö go ga 'gü bhë -a me 'bhaa -nu -wo -nu Yesu 'piö, 'wo =dheɛ' =suu' -ne -a kpɔ -a -gɔ 'wo- pö: 19'N -Gɔme, -bhö -dhe -ga, pë 'ö Moizö -ya =been yi -dhë -Zlan -bha 'sëedhe 'gü 'ö tɔɔ: =Ya kë =ne gɔɔn- do =ya kë -dhö, 'ö- dheglu 'në gɔɔn- do 'dhö -dhö. =Ya ga, -a bɔɔ =ya 'to -a =zlöö, 'ö 'në gbe yaa kë -an -gɔ, -yö -dho kë -së kö -a dheglu 'në gɔɔn- bhë -ya bɔɔ =geandhe bhë -a 'sü, -wo 'në kpɔ -a dheglu me 'ö ga bhë -a pin =taa. 20'Kɛɛ 'töng do 'ka, dheglu 'në gɔɔn- -nu 'slaple -wo -kë -dhö. 'Ö- me -bleézë -yö dhe sü, 'ö waa 'në 'kpɔ, 'ö gɔɔn- bhë 'ö ga. 21'Ö- me kë =plë -naa -yö =geandhe bhë 'ö- sü ö bɔɔ 'ka, 'ö waa 'në 'kpɔ, 'ö yö -de 'pö 'ö ga. -Kɔ do bhë 'ö -kaa' me -kë -yaaga -naa -gɔ. 22'Ö dheglu 'në gɔɔn- -nu 'slaple 'wo bhë 'ö dhebɔ bhë 'ö -kë -an 'plë bɔɔ 'ka, 'kɛɛ waa 'në gbe 'kpɔ, 'ö -an 'plë -wo ga. =Dhe =ya kë 'dhö, 'ö dhebɔ -de 'pö 'ö ga. 23=Ya kë 'dhö, yi 'ö game -nu -dho go -a 'ka ga 'gü, dö 'ö dhebɔ bhë 'ö dhö kë -a bɔɔ 'ka kpinngdhö =e? Bhii -dhe 'wo- -bha 'slaple -an 'plë -wo -kë -a -gɔn 'ka!»

24'Ö Yesu -ya -daa -kë -an -gɔ 'ö- pö: «Ka -de -püö 'ka- wo bhë, 'ö tɔɔ pë 'ö =been' -sü 'ka -Zlan -bha 'sëedhe 'gü waa- -a -bha 'piigbeedhe 'kaa -an gbe dɔ. 25-Yö kë ka 'yaan =neɛ: Game -nu -bha -go ga 'gü -yi 'ka, gɔɔn- -nu waa- dhoo -nu wo 'ka 'dho wo 'ko sü gbɔ. Pë dhö kë 'ö tɔɔ -an kë -kɔ -dho kë zlöö -ne -Zlan -bha bɔme -nu 'dhö dhang- 'gü. 26'Kɛɛ -a me 'ö -gban me -nu 'ö 'waa -dhö gbɔ, waa- -an -bha -go ga 'gü -sü -bha bhë; 'wun do 'ö -kë -dhö, 'ö Moizö -ya -ya 'ö -gban 'ginng -kpɔɔ kpö -wun -bha, -a 'sëedhe -wo kpö bhë kaa- pö =a? 'Yö -Zlan -ya pö Moizö -dhë: A *Ablaamö -bha -Zlan 'ka, 'a Izaakö -bha -Zlan 'ka, 'ö 'a Zakɔbö -bha -Zlan 'ka.*» 27'Go mü 'ö Yesu -ya pö 'zü: «-Zlan -yö 'wun 'dhö bhë -a -bleɛ Moizö -dhë kö me 'wo bhë =wa ga 'saadhö, -a -dhe =ya =glɔɔ. =Dhe -kë 'dhö, kwa- =tei' -dɔ =ne -Zlan 'yaa game -nu -bha -Zlan 'ka, 'kɛɛ -yö me -nu 'wo 'bhee- =toëpö 'ka, -an -bha -Zlan 'ka. -A -wun 'gü, =ya kë =ne 'ka -zo 'ta =ne game -nu 'waa 'go ga 'gü, kö ka -de -püö 'ka- wo 'sönggö -sönggö!»

Tɔng me 'ö- -wun 'dhö 'gbee-

(Matiö 22.34-40; Lukö 10.25-28)

28Zuifö -nu -bha tɔnggɔme do -yö -an -wo -ma, 'ö dɔa =ne Yesu -yö =dheɛ' 'ö Saduse -me -nu -wa kpɔ bhë -a -daa -së -kë -an -gɔ. =Dhe =ya kë 'dhö, 'ö =yɔɔn Yesu -bha, 'ö- =dheɛ' kpɔ 'ö- pö: «Tɔng -nu 'saadhö 'wo bhë -a -mlë 'ö- -wun 'dhö 'gbee- -e?»

²⁹Ö Yesu -ya -daa -kë -a -gɔ, 'ö- pö: «Tɔng me 'ö- -wun 'dhö 'gbee- 'ö tɔɔ: Izlaɛlö -mɛ -nu, -ka ka 'to 'to, kwa Dɛmɛ, kwa -bha -Zlan =nɛ, -yö 'dhö dosen, me 'plɛ Dɛmɛ 'ka. ³⁰-Bhö ü Dɛmɛ, ü bha -Zlan, -dhɔ kë ü =zuöga 'plɛ 'ka, ü nii 'plɛ 'ka, ü -zo -ta -a 'gü -wun 'plɛ 'ka, ü =faan' 'plɛ 'ka! ³¹'Go mü, -a mɛ 'ö yö -a 'piö 'ö tɔɔ: -Bhö ü -ya 'yɔɔ -dhɔ kë =nɛ ü -de 'dhö! Tɔng 'waa gbe 'ö- 'wun dho kë 'gbee- -yaan ziɛ tɔng =plɛ 'wo =nɛ -an -ta 'yaa -dhö.»

³²=Dhe 'ö =ya kë 'dhö, 'ö Zuifö -nu -bha tɔnggɔmɛ 'ö bhɛ, 'ö- pö Yesu -dhɛ 'zü: «=Yö -sɛ, n -Gɔmɛ, 'wun 'ü- =blɛɛ bhɛ 'wun gia- -mü, kwa Dɛmɛ =nɛ 'ö tɔɔ -Zlan do 'kpaan, 'ö -Zlan 'waa gbe 'yaa -dhö -a 'piö. ³³Me -nu =dua' -mü kö -wo -Zlan -dhɔ kë wo =zuöga 'plɛ 'ka, -an -zo -ta -a 'gü -wun 'plɛ 'ka, -an =faan' 'plɛ 'ka; iin -wa -dhɔ kë wo -ya 'yɔɔ 'ka =nɛ wo -de 'dhö. -A -kë 'dhö -sü -yö -sɛ =duö 'ö =ziɛ' sla- =bhoë' -tuë -güö -Zlan -dhɛ -sü waa- -Zlan gba -kɔ 'saadhö 'wo to bhɛ -an -ta.»

³⁴=Dhe Yesu =yaa- yö 'pö =nɛ =yaa- -daa kë 'wundɔdhe 'gbloo 'piö, 'ö- pö -a -dhɛ: «Bhaa -Zlan -bha -gludɛdhɛ 'ka =gbiin gɔɔ.»

=Dhe =ya kë 'dhö zlöö, -zogbanmɛ gbe yaa kë -dhö gɔɔ kö -yaan -dhɛ' =suu' -gbe kpɔ -a -gɔ.

'Wun 'ö -gban -Zlan -bha -Yame waa- Davidö -an -bha
(Matiö 22.41-46; Lukö 20.41-44)

³⁵Yesu -yö -kë mɛ -nu =daan' =dhia, -Zlan -gba -a 'gü -kɔ 'gü, 'yö =dhɛɛ' do -kpɔ mü 'ö- pö: «=Më -kë 'ö Zuifö -nu -bha tɔnggɔmɛ -nu -wa pö: «-Zlan -bha -Yame -yö -go Davidö =suu' -ta 'gü' ii? ³⁶'Kɛɛ kö Davidö bhɛ, -Zlan -bha -Zuu 'slööslö -yö 'dhiö -sü -a 'ka, 'ö yö gia- 'ö- pö: -Zlan -ya pö n Dɛmɛ -dhɛ: -Bhö -ya n -ma -yadhɛ =bhlɛzɛ 'ö =nɛ -a -bha, -yö 'dho -yö yöɛ yi 'ü dho toë -a 'gbee- 'ka ü yaagüme -nu -ta -a -bha! » ³⁷Ö Yesu -ya pö 'zü: «Ka gia-, ka- yö bhɛ =a? Davidö gia- -ya -dhe ö Dɛmɛ; =ya kë 'dhö, -yö -kɔklɛ 'ö -Zlan -bha -Yame -zɛ -yö go Davidö =suu' -ta 'gü i? 'Wun mɛ bhɛ -ka -a =blɛɛ' -n -dhɛ 'kwee-!»

Yesu -ya -pö mɛ gbung -nu -dhɛ -wo wo -zo kë wo -de 'piö Zuifö -nu -bha
tɔnggɔmɛ -nu -gɔ
(Matiö 23.1-36; Lukö 20.45-47)

Mɛ gbung =va -wo -kë wo 'to -to Yesu -bha =dhia 'gludhidhe 'ka. ³⁸-Yö -kë -a pö -dhia mɛ -nu 'ö -kë -an =daan' =dhia bhɛ -an -dhɛ: «-Ka ka -zo kë ka -de 'piö tɔnggɔmɛ -nu 'wo- -dhɔ -kë -niɛ gblang -gbingbiin 'ka -sü 'ka wo -bha -de -sü =va -wun 'gü, 'iin kö mɛ -nu -wo -mɛɛ kë wo 'ka =bhlɛ 'gü, mɛ -nu ziɛn 'dhɛɛdhɛ =vava -bha bhɛ -an -gɔ. ³⁹Ö 'wo- -dhɔ -kë -yadhɛ =bhlɛzɛ 'ö mɛ -nu 'yan -ya kun -a 'ka, -an -bha -bhɔkuɛkɔ -nu 'gü, 'iin 'wo -yadhɛ 'gianzɛ -nu -bha 'wlaan- =bhöpɛ -nu =taa. ⁴⁰=Wa =gɛandhoo -nu -bha pɛ -nu 'kun -an -gɔ, 'wo- -kë wo -bha 'ka. =Wa 'go mü, 'wo =bheadhe =gbiin -nu -kë, kö -waan kë mɛ -nu këwunsɛzɛ 'ka mɛ -nu 'yan 'dhiö. 'Kɛɛ 'klobhodhe =va -ziögüsüzɛ -yö -dho nu -an -ta.»

'Wun 'ö -gban -geandhe 'feezë do -bha gbaɔ 'ö- -kë -a -bha
(Lukö 21.1-4)

⁴¹Yesu -yö -kë -ya -sü 'ka -Zlan -gbaa' 'wëüga -da -a 'gü -pë 'ö -kë -Zlan -gba -a 'gü -kɔ 'gü bhë, -a 'trüün 'ka -dhe gia- -bha. -Yö -kë me -gbaa 'wo -kë mü bhë -an -bha 'wëüga -da mü -kɔ -ga -dhia. =Bhɔɔme -nu -dhe =va -dhe -wo 'wëüga =vava -da mü. ⁴²=Geandhe 'feezë do -yö -kë mü, 'ö nu 'ö 'wëü- 'puu 'tama ga 'sɛn- =plɛ, 'ö dho -mɔ -a -bha -yaan kë -su ga do 'ka bhë 'yö -an -zuö mü.

⁴³=Dhe =ya kë 'dhö, 'ö Yesu -yö ö bha =guë' -nu -dhɔɔ -kë, 'ö- pö -an -dhë: «A- -pö ka -dhë 'wun gia- 'ka: =Geandhe 'feezë 'ö =nɛ pë 'ö- -da -Zlan -bha 'wëüga -da -a 'gü -pë 'ö =nɛ -a 'gü bhë, -a =bhlë =yö =va, 'ö =zië' -a 'ka me -nu 'saadhö -an -bha 'wo- -da mü bhë -an -ta. ⁴⁴Bhii me -nu 'wo bhë, 'wëüga 'ö -an -bha -wun 'yaa- -bha gbɔ, 'wo- nu, 'kɛɛ yö -zë, -a -bha 'fɛɛdhe 'gü -pë -nu 'ö- -zo 'dhoë- -dhë waa- pë -nu 'ö dho -tosiadhe kë -a -ta bhë 'ö- 'plɛ nu bhë.»

Yesu -bha -Zlan -gba -a 'gü -kɔ 'wü -wun =blɛɛ' -sü
(Matiö 24.1-2; Lukö 21.5-6)

13 ¹Yesu -yö -kë 'go -dhia -Zlan -gba -a 'gü -kɔ 'gü, 'ö- -bha =guë' -nu me do -ya pö -a -dhë: «N -Gɔme, -bhö -Zlan -gba -a 'gü -kɔ kë -së -kɔ -ga bhë 'dhe! -Guö -nu kë -sɛɛbɔ -kɔ -ga!»

²'Ö Yesu -ya pö -a -dhë: «'Kɔ -nu 'wo bhë -wo =vava 'wun gia- 'ka, 'kɛɛ -an dɔ -guö -nu gbɛ 'ka 'dho to 'ko -ta dhuö zö, -an 'plɛ -wo -dho -lo, 'wo go wo 'ko -ta dhuö.»

(Matiö 24.3-14; Lukö 21.7-19)

³Yesu -yö -kë -ya -sü 'ka Olivie -tɔn tuö, -Zlan -gba -a 'gü -kɔ 'trüün 'ka, -dhe gia- -bha. 'Ö Pieɛ 'dhö, Zakö 'dhö, Zan waa- Andre 'wo nu, 'wo- =dheɛ' kpɔ 'wo- pö: ⁴«-Bhö -Zlan -gba -a 'gü -kɔ 'wü -yi waa- =duakëpë 'ö dho pë -nu 'saadhö 'ü -an -blɛɛ yi -dhë bhë, -an kë -yi 'töng -zɔn, -a -blɛɛ' -yi -dhë!»

⁵=Dhe =ya kë 'dhö, 'ö Yesu -ya pö -an -dhë: «-Ka ka -zo kë ka -de 'piö, -yö kë 'dhö, kö -kun 'ö me gbɛ dho ka -püö! ⁶Bhii medhevadhe -wo -dho nu n 'tɔ 'gü 'wo- pö -Zlan -bha -Yame -mü wo 'ka; 'wo medhevadhe -püö. ⁷'Ka -glu -drinng ma ka 'sɔɔ -dhe -nu -bha, 'iin 'ka -glu -taɔ -nu ma, kö -kun 'ö 'suö -yö ka -kë! Pë -nu 'wo bhë, -wo -dho kë 'gbɛɛdhö; 'kɛɛ kö 'kpongtaa 'dhiötöyi yaa -mü -kun. ⁸'Segɔ -dho 'ko zë ö 'bha 'segɔ 'ka, 'ö -gludédhe -nu -kpa 'kuë- sü dho -glu gɔn -an -kpa 'kuë- sü gbɛ 'ka. 'Ö 'se -bha =zluun -sü -yö -kë 'segɔ 'bhaa -nu 'gü; 'ö din -nu dho -da. -Yö -dho kë =nɛ dhe -bha 'në 'kpɔ -sü -bha 'yënnghɔdhe zü dɔ -sü 'dhö. ⁹'Kɛɛ ka -zë, -ka ka -zo kë ka -de 'piö! Bhii me -nu -wo -dho dho ka 'ka za -dɔ -a 'gü -kɔ -nu 'gü, 'wo ka -ma -nu wo 'to. -Wo bɔ ka 'ka 'sɛ =kɔɔnme -nu waa-

-gludé -nu -an 'dhiö n -wun 'gü kö 'kaan- ka -bha -tɔmɔdhe -nu kë -an wö 'dhiö.
 10 'Kɛɛ pè dho kë 'dhiö -kun 'ö tɔɔ 'wuntaɔsè 'ö bhè -yö -blɛɛ' -'sɛgɔ 'saadhö 'gü.

11 'Ö =ya kë =nɛ =wa ka 'kun, =wa 'dho ka 'ka zakanme -nu 'dhiö, kö -kun 'ö 'suö -yö ka -kè, 'wun -nu 'ö 'ka dho -a =blɛɛ' -an -wun 'gü, bhii -dhe do bhè -a 'gü, 'wun -nu 'saadhö 'yö -da ka dhiö, -ka -a =blɛɛ'; 'ö tɔɔ 'wun -nu 'wo bhè waa 'dho go ka gia- ka 'gü, 'kɛɛ me 'ö go -a 'gü 'ö tɔɔ -Zuu 'slöösöl.

12 Me -nu -wo -dho wo -de dheglu 'nè gɔɔn- -nu dɔ me -nu kwɛɛ kö -waan -an zè. -Kɔ do bhè, 'ö 'nè dè -nu dho -a kaa wo -bha 'nè -nu 'ka 'pö. 'Nè -nu -de 'pö, -wo -dho dɔ wo me -nu -gɔ 'yɛnng, 'wo wo me -nu dɔ me -nu kwɛɛ, 'ö 'wo -an zè 'pö. 13 Me -nu 'saadhö -wo -dho ka -san zè n -wun 'gü, 'kɛɛ me 'ö dho =wa -bhö -yaan yöè -a 'dhiötöyi -bha, -yö -dho dha.»

Pè yaa -lɔɔzè

(Matiö 24.15-28; Lukö 21.20-24)

14 'Yö Yesu -ya pö -an -dhè 'zü: «Ka -dho pè 'ö me -nu -wa -dhe -pè yaa -lɔɔzè» -a yö kö -yö dɔ -sü 'ka -dhe 'ö 'yaa- dɔ -dhe 'ka -a -bha. Me -nu 'ka pè -nu 'wo =ne -an pö -na, -ka =kpɔɔ' -a 'gü, 'ka- -gɛn ma -sè 'ka.»

'Yö- pö 'zü: «Ya kë 'dhö, kö me -nu 'wo Zude -se 'gü -wo =duè 'wo dho -tɔn -nu 'piö -dhe -nu -bha. 15 'Ö =ya kë =nɛ me =ya kë 'ö -gɔ 'kɔ tuö 'ö 'tɛɛ pa -dhia, -yö =duè; 'kɛɛ kö -kun 'ö 'ö bha kɔɔpè gbe sü -yaan ziè. 16 'Go mü, me =ya kë 'ö -gɔ =bhlöö-, kö -kun 'ö -yɛ 'ö 'zü kö -yaan nu 'ö -gɔ kɔɔ 'ö bha gblang 'sü -dhiadhö. 17 =N nnn! -Mè 'yena -wun 'ö 'pö -a yi -nu 'wo 'dhö bhè -an 'ka, dhoo -nu 'wo 'guzè waa- dhoo -nu me 'wo 'bèè- 'ka -an -bha 'ka oo! 18 'Kɛɛ -ka -bhea -Zlan -dhè, kö -kun 'ö pè -nu 'wo 'dhö bhè 'wo -kè 'nene nu 'töng 'ka! 19 Bhii -a yi -nu 'wo 'dhö bhè -an 'ka 'yɛnngbhɔdhe -nu -dho kë =va, 'wo =ziè' -an me -nu 'ö me -nu -wo -an dɔ, 'go 'kpongtaadhe züdüyi -bha kö -Zlan -ya pè 'ple kë, 'ö yöè -dɛɛ -bha bhè -an -ta. 'Ö 'yɛnngbhɔdhe =suu' -me 'ö dho kë =nɛ -a me 'ö bhè -a 'dhö yaa 'dhö kë -dhö gbɔ. 20 'Ö =ya kë =nɛ kwa Dème gia- yaa- yi -nu 'kan -ta -bezè, kö -kè -a 'gü -me gbe 'ka 'dho kë -dhö. 'Kɛɛ -ya yi -nu -kan -ta 'ö bha me -nu 'ö -an sü kö -waan kë 'ö -bha 'ka bhè -an -wun 'gü.

21 =Dhe 'ö 'dhö, =ya kë =nɛ me =yaa- pö ka -dhè: «Ka -dhe -ga, -Zlan -bha -Yame -yö zö» 'iin «ka -dhe -ga, -yö -de», kö -kun 'ka- -wo -dhe 'wun gia-! 22 Bhii -Zlan -bha -Yame =suazè -nu waa- -Zlan -wodhiölome =suazè -nu -wo -dho nu, 'wo =duakèpè -nu, -dhidhaapè -nu -kè, kö me -nu 'ö -Zlan =yaa- -an 'sü 'saadhö bhè -waan -piö 'gbɛɛdhö.

23 =Dhe 'ma- yi -nu 'to 'dhiö, 'ma ka 'paan bho bhè kö -ka ka -zo kë ka -de 'piö!»

'Wun 'ö -gban Mɛgbö -bha nu -sü -bha

(Matiö 24.29-31; Lukö 21.25-28)

24 'Kɛɛ yi -nu 'wo 'dhö bhè -an 'ka kö 'yɛnngbhɔdhe -nu 'wo bhè =wa ziö bhè, lan- -dho trö, 'ö 'su -de 'pö yaa 'dho bhü gbɔ. 25 'Susongga -nu -wo -dho go dhang- -bha, 'wo -püö, 'ö 'piigbeedhe 'wo dhang- 'gü, 'wo =zluun.

²⁶-Ya kë 'dhö, -wo -dho ma 'a Mëgbö 'ka, n yö dha kpö -nu -ta kö a nu -na 'piigbeedhe waa- 'töbhödhe =va -an 'ka. ²⁷A -dho -Zlan -bha bome -nu bō 'kpongtaadhe 'pian 'saadhö -ta kö -a -bha me -nu 'ö -an sü 'kpongtaa 'saadhö bhë -waan -an 'dho 'kuë-.

Me -daan' -wo 'ö -gban figö -lü -bha
(Matiö 24.32-35; Lukö 21.29-33)

²⁸-Dhe =ya 'go mü, 'ö Yesu -ya pö 'zü: «Me -daan' -wo 'ö -gban figö -lü -bha bhë -ka ka -zo 'to -a 'piö! 'Ö tō =ya kë =ne -a -kō -nu -wo =kpea' -na, -a 'dhe -nu -wo bhō -na kö 'ka- =dōa' =ne =kpō =ya yö =klöö'. ²⁹-Kō do bhë -a 'ka 'wun -nu 'ö 'a -an =blē bhë, 'ka -an yöë, kö -kaa dōa =ne, pē -nu 'a- =wun =blē =ne, -an kë -yi =ya yö =klöö'.

³⁰A- -pō ka -dhë 'wun gia- 'ka: Me -nu 'wo =dē =ne -a 'gü 'wo 'bhee-, -an 'ple wo 'ka 'dho ga kö pē -nu 'wo =ne waa kë -kun. ³¹Dhang- waa- 'se -wo -dho ziö, 'kē n -wo -nu 'wo =ne wo 'ka 'dho ziö 'gbēedhō.»

-Zlan dosen =ne 'ö pē 'ple 'dhiötöyi dō
(Matiö 24.36-44)

³²'Ö Yesu -ya pö: «Me gbë 'yaa pē -nu 'wo =ne -an kë -yi waa- -a 'lële -nu dō; -Zlan -bha bome -nu, 'iin ma -de gia- 'a- Gbō 'ka yiëë- dō. N Dë dosen =ne 'ö- dō. ³³-Ka ka -zo kë ka -de 'piö, 'ka -ya ka 'yaan, bhii 'kaa pē -nu 'wo =ne -an nu 'tōng dō.

³⁴-Yö -dho kë =ne gōn- do -bha -dho 'ta 'gü -sü 'dhö: -A -go ö -gō kō -sü 'ka, 'yö ö bha yuökēme -nu 'yan to ö bha pē -nu -bha; 'ö me 'ö -dhö, yuö 'ö dho -a kë, 'ö- nu -a -dhë. 'Go mü, 'ö- pō 'yan -to 'kō -bha -me -dhë -yö ö -zo kë 'kō 'piö.» ³⁵'Ö Yesu -ya pö 'zü: «=Dhe 'ö 'dhö, -ka -ya ka 'yaan, bhii yi 'ö 'kōdēme dho nu -a 'ka, 'kaa- dō. -Yö -dho nu 'yinia oo, gbeng ziēn oo, -tōgōn bhō -bhla 'tōng 'ka oo, 'iin kö -dhe -ya 'po oo, 'kaa- dō. ³⁶-Yö kë 'dhö, =ya kë =ne =ya nu kö -kun 'yö dho ka yö yiö. ³⁷'Wun 'a- =blē' -na ka -dhë =ne -yö me 'saadhö ka -bha 'ka: 'Ka -ya ka 'yaan!»

Slabhōme -gōme -nu waa- tōnggōme -nu -bha -dho 'kuë- Yesu -gō -sü
(Matiö 26.1-5; Lukö 22.1-2; Zan 11.45-53)

14 ¹-Dhe 'ö Paakö waa- =bluu- 'ö- =bhēpē 'yaa- 'gü, -an 'wlaan- kë yi =ya 'to =ne pē 'plē 'dhö, 'ö slabhōme -gōme -nu waa- Zuifö -nu -bha tōnggōme -nu -wo yö -a këdhe =mē' -sü 'gü kö 'waan- Yesu 'kun -bin -blü kö 'waan- -a zē. ²'Ö 'wo -kē -a pō =dhia wo 'ko -nu -dhë =nē: «Kwa -kō yaa 'dho -mō -a -bha kö 'kwa- 'kun 'wlaan- -yi 'ka. =Ya kë 'dhö, 'segūme -nu -wo -dho vin 'ö 'wo nu kwa -gō.»

Dhebo do -bha pē 'yi 'tēë -sēëzē -lo Yesu tuö -sü
(Matiö 26.6-13; Zan 12.1-8)

³Yesu -yö -kē Simō 'ö =wee -yö -kē -a -bha -be bhë -a -gō kō Betani. -Yö -to pē -bhö =dhia, 'ö dhebo do -yö -da kō -guö -kpo 'lü 'ö -kē pa -sü 'ka pē

'yi 'tëë -sëëzë -sɔnng' -vaazë 'wo- -dhe 'naa- bhë -a 'ka. 'Ö -guö -kpo 'lü bhë 'ö- 'to 'dhiö bho, 'ö pë 'yi 'tëë -sëëzë bhë 'ö- 'daawo Yesu tuö. ⁴Me -nu 'wo -kë mü bhë 'wun -na -an me 'bhaa -nu -zuë, 'wo- pö wo 'ko -nu -dhë: «Pë 'yi 'tëë -sëëzë 'ö -ne, -a 'gü kun 'ö -siö -ne =a; -a -truën 'ö tɔɔ -më -e? ⁵-Wo -dho -mɔ -a -bha 'wo- 'dhɔɔ dɔ dönïe -këng' -yaaga 'ka -be, 'wo- 'wëüga bhë 'wo- nu 'fëeme -nu -dhë!» 'Wo yö dhebo 'ö bhë -a =tɔɔ kë -sü 'gü 'gbee- 'ka. ⁶'Këe Yesu -ya -pö -an -dhë: «-Ka ka -kwa' -a -zü 'sengdhö! -Më 'ö -kë 'ka- 'gü ga =e? Pë 'ö- -kë n -dhë bhë -yö -së. ⁷'Fëeme -nu 'ka -an -ga -na bhë, -wo -dho kë ka 'piö 'töng 'saadhö 'ka. 'Ö- yi me =ya dhië ka -dhë, 'ka dho 'wun -së kë -an -dhë. 'Këe ma -zë, n 'ka 'dho kë ka 'piö zö 'töng 'saadhö 'plë 'ka. -A -wun 'gü, =dhe 'a =tun ka 'piö bhë, -ka ka -bha n -dhɔ -zɔn n -dhë. ⁸-A -bha 'ö- -kɔ -yö -mɔ -a -bha 'ö- -kë bhë, n bun 'ö 'dhoë- dho =gluudhö bhë, 'ö- =baa pë 'yi 'tëë -sëëzë -lo -a -bha -sü 'ka -klöödhö bhë. ⁹A- -blëe ka -dhë 'wun giagia 'ka: -Dhe 'saadhö 'wo 'dhoë- 'wuntaosë -blëe' -a -bha 'kpongtaadhe 'saadhö -a 'gü, 'wun 'ö dhebo 'ö =ne 'ö- -kë =ne, -wo -dho -a -wun -blëe', 'ö -an -zo -yö -büö dhebo 'ö =ne -a 'ka.»

Zuda -ya 'piö 'ö Yesu dɔ slabhome -nu -gɔme -nu kwëe
(Matiö 26.14-16; Lukö 22.3-6)

¹⁰-Dhe =ya kë 'dhö, =guë' -nu 'gɔɔ- do ö ga =plë 'wo bhë, -a me do 'wo- -dhe Zuda Ikalitö bhë, 'ö dho 'ö- pö slabhome -gɔme -nu -dhë =ne 'ö- 'piö kö 'ö Yesu dɔ -an kwëe.

¹¹-Dhe 'ö- -wo bhë =waa- ma, -an =zuö' 'glu -yö -dhi, 'wo- pö -wo -dho 'wëüga nu -a -dhë. 'Ö Zuda -yö yö Yesu -dɔ -an kwëe 'töng -së -mëe' -sü 'gü.

Yesu waa- ö bha =guë' -nu -wo Paakö -bhöpë -bhö wo 'ko -bhaa
(Matiö 26.17-25; Lukö 22.7-14, 21-23; Zan 13.21-30)

¹²=Bluu' -'ö -bhëepë 'yaa- 'piö bhë, -a 'wlaan- kë -yi -blëezë 'ö -kë Paakö -waamayi, 'ö =ya kë 'ö 'wo 'bhlanë -gbɔng -nu zë -na -a 'ka bhë -a 'ka, 'ö Yesu -bha =guë' -nu -wa =dhe' kɔɔ 'wo- pö: «-Dhe -mlë 'ü- 'piö kö 'yi dho -a -bha ü -bha Paakö -bhöpë -yuö kë -dhia =e?»

¹³'Ö Yesu -yö ö bha =guë' -nu =plë bɔ, -a -pö -an -dhë -sü 'ka =ne: «-Ka 'dho plöö; 'ka 'dho, 'ka -dho -kpën gɔɔn- do -bha kö 'yi -gbɔ -ya -gɔ; -ka ziö -a 'piö! ¹⁴Ka 'plë -ka -da 'kɔ 'ö 'dhoë- -da -a 'gü bhë -a 'gü 'ka- pö 'kɔ 'ö bhë -a dëme -dhë: «Yi Dëme -yö ü =dhe' 'kɔɔ -na =ne: Ö bha 'kɔdhi 'ö waa- ö bha =guë' -nu 'wo dho Paakö -bhöpë -bhö -a 'gü bhë, -yö më =e?» ¹⁵-Yö -dho 'kɔdhi do 'ö- 'gü -dhe 'dhö =va 'ö -dɔ kɔɔpë -nu 'dhiö =ya -mɔ 'kuë -a 'gü bhë -a -zɔn ka -dhë, 'kɔ 'ö dɔ 'kɔ -ta dhuö bhë -a 'gü. -Dhe bhë =ne, 'ka dho kwa -bha -bhöpë -yuö kë -a -bha.»

¹⁶'Ö =guë' -nu =plë 'wo bhë 'wo dho, 'wo pë -nu 'wo bhë 'wo- yö =ne -kɔ 'ö Yesu -ya =blëe -a 'ka -an -dhë bhë -a 'dhö, 'ö 'wo Paakö -bhöpë -yuö -kë mü.

¹⁷Dhe 'kwa do 'yinia, 'ö Yesu waa- ö bha 'guë' -nu 'wo to bhë, 'wo dho -dhe bhë -a 'gü.

¹⁸Wo -kë pë -bhö -sü 'gü, 'ö Yesu -ya -pö -an -dhë: «A- -pö ka -dhë 'wun gia- 'ka: Me 'ka pë -bhö -na n 'piö zö -ne, me do -yö ka ziën 'ö dho n do n yaagüme -nu kwë.»

¹⁹'Ö- -bha 'guë' -nu wöödhe -yö -siö, 'wo yö -a -dhë' 'kpö -sü -bha do do 'ka -në: «Ma -mü -a?»

²⁰'Ö Yesu -ya pö -an -dhë: «Me 'gö- do ö ga -ple 'ka -ne, me do -mü ka ziën, me 'ö 'yi yi -k- -s- -na gbo do 'gü yi 'kuë bhë yö -mü. ²¹Ma Mëgbö, n ga -sü -mü -ne -k- 'ö pë 'ö -been' -sü 'ka n -wun 'gü -Zlan -bha 'sëédhe 'gü, 'ö- -pöë bhë -a 'dhö. 'Këe 'yena -wun -ya kë gö- -'ö 'dhoë- n do n yaagüme -nu kwë bhë -a 'ka! Me 'ö bhë yaa bho -bezë, -yö -dho kë -a -g- -së!»

-Bhöpë 'slööslö

(Matiö 26.26-30; Lukö 22.15-20; 1 Kolentö 11.23-25)

²²Wo -kë pë -bhö -sü 'gü, 'ö Yesu -yö -bluu' -sü. =Dhe 'ö -ya -Zlan zuö pö -a -ta, 'ö- -kaan 'ö- nu ö bha 'guë' -nu -dhë 'ö- pö: «-A me 'ö -ne, -kaa 'sü, 'ka- -bhö, yö -ne 'ö t- n bun.»

²³'Ö -drö- -k- do sü. =Dhe -ya yën -Zlan zuö pö -sü -bha -a -ta 'zü, 'ö- nu -an -dhë, 'yö -an 'ple -wa mü. ²⁴'Ö Yesu -ya pö -an -dhë: «-A me 'ö -ne 'ö t- n fei, 'ö -Zlan waa- me 'bhee- -nu -an -bha -dhi 'kuë gën 'ka; -yö -lo 'dhö medhevadhe -wun 'gü. ²⁵A- -pö ka -dhë 'wun gia- 'ka: N 'ka 'dho -drö- gbe mü gbo 'ö dho 'ö yöë -drö- -dëü gbe 'a dho -a mü -Zlan -bha -gludédhe -pö 'gü yi -bha -a -bha.»

²⁶Dhe -ya kë 'dhö, 'wo 'wlaan- -ta -tan -nu bho. 'Go mü, 'wo dho Olivie -t- tuö.

Yesu -yö Pieë -bha -kploo ö 'ka -sü -wun -blëe

(Matiö 26.31-35; Lukö 22.31-34; Zan 13.36-38)

²⁷'Ö Yesu -ya pö ö bha 'guë' -nu -dhë: «Ka 'ple, ka -dho n to 'töüdhö, 'ka -duë. Bhii -yö -been' -sü 'ka -Zlan -bha 'sëédhe 'gü -në: A -dho 'bhla -maakëme zë, 'ö 'bhla -nu -wo -kan 'kuë-, 'wo -pen. » ²⁸'Ö Yesu -ya pö 'zü: «'Këe -ya kë -ne, 'ma 'go ga 'gü, a -dho dho ka 'dhiö Galile -se 'gü.»

²⁹'Ö Pieë -ya pö Yesu -dhë: «'Kö -kë -ne me 'wo to -wo ü -to, 'wo -duë 'dhee, ma -zë, n 'ka 'dho go ü 'piö 'gbëédhö.»

³⁰'Ö Yesu -ya pö -a -dhë: «A- -blëe ü -dhë giagia 'ka -ne, -dëe -ne, -a gbeng -yi gia- 'gü, -a kë -yi 'ka kö -t- -yaan 'we -gwaa -plezë, ü -dho -a pö -gwaa -yaagazë 'bhaa n do.»

³¹'Këe Pieë -ya -pö 'zü 'gbee- 'ka -në: «'Kö -kë -ne, ko zë -sü -wun -mü 'dhee, n -k- yaa -m- -a -bha kö 'a- pö 'maa ü do!»

'Ö 'guë' -nu me 'wo to 'wo pë do bhë 'wo- pö 'pö.

Yesu -yö -bhea Zesemane
(Matiö 26.36-46; Lukö 22.39-46)

32-Wo -dho 'wo -lo -dhe 'wo- -dhe Zesemane bhë -a -bha. 'Ö Yesu -ya pö ö bha =guë' -nu -dhë: «-Ka -ya zö kö 'a 'dho =bhea' =dhia!»

33'Ö Pieë 'dhö, Zakö waa- Zan 'yö -an sü ö 'piö, 'wo dho. 'Ö -bo 'klobhódhe 'gü -sü -wæë =va -yö -lo -a -ta; 'ö- =zuö' -yö -da 'yena 'gü. 34'Ö- pö -an -dhë: «Ga 'yena =ya n =zuö' pa. -Ka 'to zö 'ka -ya ka 'yaan!»

35'Yö ö 'bhe 'tee =yɔɔn 'dhiö, 'ö -püö sia- =bhea' -sü 'ka kö -yö kè 'dhö =ya kè =ne -a kèdhë -dho kè -dhö kö =kun 'ö 'yënnghódhe dho nu ö -ta -a 'ka.

36'Ö- pö: «'Aa, n Dè! Ü -kɔ -yö -mɔ pè 'plë kè -sü -bha. A- 'piö kö 'yi 'güüzè 'ö =ne 'ü- bhɔ n -dhë =taa', 'këë 'maa- 'piö kö n -zo 'kun -wun -yö kè, pè 'a- 'piö 'yö tɔɔ bhi -zè, ü -zo 'kun -wun -yö kè.»

37=Dhe =ya kè 'dhö, 'ö nu ö bha =guë' -nu -yaaga 'wo bhë -an 'piö, 'ö -an yö kö =wa yi zè, 'ö- pö Simɔ Pieë -dhë: «Simɔ, 'bha yi zè 'saadhö =a? Ü 'ka -mɔa kö 'ü 'to ü 'yaan 'lele do gia- 'piö a? 38-Ka -ya ka 'yaan 'ka =bhea', kö =kun 'ka dho -püö 'güdandhe 'gü! A- =tei' -dɔ =ne ka- 'piö 'ka -ya ka 'yaan, 'këë =faan' 'yaa ka bun -gɔ.»

39'Ö -ye ö 'zü -dëüwo, 'ö dho 'ö =bhea, -wo do 'ö bhë -a 'ka.

40'Ö ko 'zü, 'ö nu ö bha =guë' -nu 'piö. 'Yö -an yö kö -wo yïö; bhii -an -ko yaa -mɔa kö -wo 'to wo 'yaan. 'Ö pè 'wo dho -a pö Yesu -dhë waa- dɔ.

41=Dhe 'ö -ya nu -gwaa kè -yaaga -naa wo, 'ö- pö -an -dhë: «Ka =tun yi zè =a? Ka ka 'tëë pa -na -a? -Yö 'to 'pö, 'lele =ya -lo. -Ka -dhe -ga, ma Mëgbö, n dɔ -sü -mü =sɔɔnyaame -nu kwëë. 42-Ka -luu'- 'kwa ziö, bhii më 'yö dho n dɔ -an kwëë bhë 'yaa 'ma =gbiin gbɔ.»

Yesu 'kun -sü
(Matiö 26.47-56; Lukö 22.47-53; Zan 18.3-12)

43 Yesu -yö -to 'wun =blëë' =dhia, 'ö- -bha =guë' -nu 'gɔɔ- do ö ga =plë 'wo bhë, -a më 'wo- -dhe Zuda bhë 'ö -wo. Më -gbaa 'ö -blaan -nu, 'lü 'klu -nu 'dhö -an -gɔ bhë -wo -kè -a 'piö. Më -nu 'wo -an bɔ 'wo tɔɔ slabhome -nu -gɔme -nu, Zuifö -nu -bha tɔng -gɔme -nu, waa- -an -bha më ziizii -nu.

44 Zuda 'ö Yesu dɔ ö yaagüme -nu kwëë bhë -yö =duaképè 'ö dho -a kè -a -zɔn më -nu 'ö wo -nu 'wo nu bhë -an -dhë 'ö- pö: «Më 'a 'dhoë- -a 'kpeng mü -sia, 'ö tɔɔ më 'a- dɔ ka kwëë bhë. -Kaa 'kun, 'ka dhoë -zo -kè -a 'piö -sü 'ka -sè 'ka!»

45=Dhe Zuda =ya -lo, 'ö =yɔɔn Yesu -bha, 'ö- pö -a -dhë: «N -Gɔmë!» 'ö to mü 'ö- 'kpeng mü.

46'Ö më -nu 'wo bhë 'wo -ya Yesu -bha, 'wo- kun. 47'Këë më -nu 'wo -kè Yesu 'piö mü bhë, -a më do -yö ö -bha -blaan -gan ö -kloo 'gü, 'ö slabhome =va -bha yuökëme 'to 'klu -kan -a 'ka. 48'Ö Yesu -ya pö më -nu 'wo nu -a 'kun =dhia bhë -an -dhë: «-Më -kè 'ka nu n 'kun =dhia, -blaan waa- 'lü

-nu -an 'ka -ne -dhe 'wo- pö -a -bha 'kpa pëyaakëme -mü n 'ka -a 'dhö e?
 49-Dhekpacyi 'saadhö 'ka, a -kë ka 'piö, kwa -bha -Zlan -gba -a 'gü -kɔ 'gü,
 me -nu -daan' -dhia, 'ö kaa n 'kun. 'Kee 'wun -nu 'wo -ne -wo -kë 'dhö kö
 pë -nu 'wo -been' -sü 'ka -Zlan -bha 'sëedhe 'gü bhë -waan kë.»

50-Dhe =ya kë 'dhö, 'ö- -bha -guë' -nu 'plë -wa to, 'wo -duë.

51-Dadhëü gɔɔn- do ö -kpatasɔ do 'kpaan -yö -kë -a -bha, -yö -kë -ziö
 Yesu 'piö -dhia. 'Ö me -nu -wo -lo -a -bha -waan -a 'kun, 52'kee -yö ö -bha
 -kpatasɔ -to -an kwëe, 'ö -duë ö bun 'kpaan 'ka.

Yesu -yö zakanme -vava 'dhiö

(Matiö 26.57-68; Lukö 22.54-55, 63-71; Zan 18.13-14, 19-24)

53-Wo -dho Yesu 'ka slabhome =va 'dhiö, -dhe 'ö slabhome -nu -gɔme
 'saadhö, me ziizii -nu, Zuifö -nu -bha tɔnggɔme -nu 'wo nu -a -bha wo 'ko
 -bhaa bhë -a -bha.

54-Pieë -yö -ziö Yesu 'piö -gëntozlöödhe 'ka, 'ö dho, 'ö -da slabhome =va
 bhë -a -gɔ 'kweandhö. 'Ö waa- 'yan -to 'kɔ -bha -me -nu 'wo -kë -yaannu
 -dhia mü, 'nëne -bho -dhia 'siö -bha.

55-Slabhome -nu -gɔme -nu 'wo zakanme -nu =vava 'ka waa- zakanme -nu
 =vava 'saadhö 'wo to, -wo -yö 'wun 'wo dho -a dɔ Yesu -bha kö 'waan- zë -a
 -wun 'gü -a =mee' -sü -bha, 'kee waa- yö. 56'Ö tɔɔ medhevadhe -wo -yö -sua
 -wun -dɔ Yesu -bha -sü 'gü, 'kee -an -wo yaa kë do wo 'wun -bleë' -wo 'gü.

57-Dhe =ya kë 'dhö, me 'bhaa -nu -wo -luu, 'wo yö =sua -wun -dɔ -a -bha
 -sü 'gü 'wo- pö: 58«Yi- -ma -a 'dhii =ne, -yö -dho -Zlan -gba -a 'gü -kɔ 'ö me
 -nu -wa dɔ bhë -a wü, 'ö -dhekpacyi -yaaga 'ka 'ö- gbe 'ö yaa 'dho kë me
 -nu -kwaa' 'ö- dɔ.»

59'Kee -dhe 'ö bhë -a -bha 'zü -an -wo yaa kë do.

60-Dhe =ya kë 'dhö, 'ö slabhome =va -yö -luu me 'plë wö 'dhiö mü, 'ö yö Yesu
 =dheë' 'kpo -sü -bha 'ö- pö: «Wun -nu 'wo -bleë' -na ü -gɔ =ne, ü 'ka 'dho -a gbe
 -daa kë =a?» 61'Kee Yesu -yö ö 'dhi -yö 'kuë-, yaa- gbe -daa kë -a -gɔ.

'Ö slabhome =va -yö Yesu =dheë' kpo 'zü, 'ö- pö: «-Zlan 'ö -ziö pë 'plë -ta
 bhë, ü- Gbö 'ö ü -ya bhë -a 'ka a?»

62'Ö Yesu -ya -daa -kë -a -gɔ 'ö- pö: «-Ii-, a- 'ka. 'Ö go mü, ka -dho ma
 Megbö n yö kö a -ya -sü 'ka -Zlan 'piigbeeze -bha -yadhe -bhlëzë -bha, 'ka
 dho n yö 'zü, kö a nu -na dha kpö -nu 'gü dhang- 'gü.»

63-Dhe =ya kë 'dhö, 'ö slabhome =va -yö ö bha gblang -blë (-naazuëdhe 'ka, 'ö
 tɔɔ 'wun 'ö Yesu -ya -bleë bhë -a -bha 'ka, -yö 'si -bho -Zlan -gɔ -sü 'ka). 'Ö- pö me
 -nu 'wo -kë mü -an -dhë: «-Më 'kwa- yaa -bha -e? Kwa 'ka 'dho -tɔɔ gbe =mee'
 gbɔ! 64'Wun 'ö -bleë -Zlan -gɔ bhë ka gia- ka- ma. Ka ka -zo -ta -kɔklë =e?»

'Ö -an 'plë -wa pö =ya kë 'wuën- -bha -me 'ka, pë dho kë tɔɔ -wa zë.

65'Ö -an ziën, me -nu -wo yö wo 'dhee -bho Yesu -bha -sü 'gü, 'wo sɔ
 -klu -a wö -bha, 'wo yö -a -ma -sü 'gü wo -kɔ kpö -nu 'ka; 'wo- pö -a -dhë:
 «-Bhö yië- -de bɔ, dö 'ö ü -ma bhë =e?»

'Ö 'yan -to 'ko -bha -me -nu -wo Yesu sü, 'wo yö -a 'to -ma -sü 'gü.

Piɛɛ -bha -kploo Yesu 'ka -sü

(Matiö 26.69-75; Lukö 22.56-62; Zan 18.15-18, 25-27)

⁶⁶Piɛɛ -yö -kë 'kweandhe bhë -a 'dhëédhö mü. =Dhe 'ö slabhome -nu -gɔme -va -bha yuökédhe -ya nu, ⁶⁷'ö- 'yan -yö -da Piɛɛ 'ö -kë -ya 'siö 'piö -dhia bhë, -a -ta. =Dhe -yaa- -ga -së 'ka 'ö- pö: «Bhi -de 'pö ü -kë Yesu, Nazaletë mi bhë, -a 'piö.»

⁶⁸'Kɛɛ Piɛɛ -yö -kploo Yesu -wun 'ka 'ö- pö: «'Maa- -tei' dɔ, 'iin pë 'ü- 'piö kö 'ü- -blɛɛ'- bhë 'maa- -gen dɔ.»

=Dhe -ya kë 'dhö, 'ö go 'kweandhe gia- -bha, 'ö dho 'ö dɔ -da 'kweandhö -dhe 'dhi -bha. 'Ö -tɔgɔn do -yö -we.

⁶⁹'Kɛɛ yuökédhe bhë -ya -yö, 'ö yö -a -wun -blɛɛ' -sü 'gü, me -nu 'wo -kë mü -an -dhë =nɛ: «Me 'wo bhë -a me do -mü gɔɔn- 'ö =ne -a 'ka!»

⁷⁰'Ö Piɛɛ -yö -kploo 'zü -dëüwo.

=Dhe 'töng pë 'bhe -ya zïö, 'ö me -nu 'wo -kë mü, 'wo- pö Piɛɛ -dhë 'zü: «'Wun gia- 'ka, ü me -nu 'wo bhë -a me do 'ka, bhii 'ö tɔɔ bhi -de 'pö Galile mi -mü ü 'ka!»

⁷¹=Dhe -ya kë 'dhö, 'ö Piɛɛ -ya pö: «=Ya kë -sua 'ka, -Zlan -yö n 'klo bhɔ, a n -wo -bhö =nɛ gɔɔn- 'ka- -bha 'wun -blɛɛ' -na bhë 'maa- dɔ.»

⁷²-Dhe do bhë -a 'gü, 'ö -tɔgɔn -yö -we -gwaa =ple -naa wo. 'Ö Piɛɛ -zo -yö -büö, 'wun 'ö Yesu -ya -blɛɛ -a -dhë 'ö- pö -a kë -sü 'ka kö -tɔgɔn -yö 'we -gwaa =plezë, -yö -dho -a pö -gwaa -yaagazë, 'yaa ö dɔ bhë -a 'ka. 'Ö yö 'gbo bɔ -sü 'gü.

Yesu -yö Pilatö 'dhiö

(Matiö 27.1-2, 11-14; Lukö 23.1-5; Zan 18.28-38)

15 ¹-Dhiadhiö tii 'gü bhë, slabhome -nu -gɔme -nu, me ziizii -nu, Zuifö -nu -bha tɔnggɔme -nu waa- zakanme -nu -vava 'saadhö 'wo to, -wo -dho wo 'ko -bhaa kö 'wun -dhe 'yö -an -wo dhö to -a -bha do, -waan -a 'sü, 'wo Yesu -lö, 'wo nuë Pilatö -dhia.

²'Ö Pilatö -ya -dheɛ' kpɔ, 'ö- pö: «Zuifö -nu -bha -gludë -mü ü 'ka a?»

'Ö Yesu -ya pö -a -dhë: «'Bha- -blɛɛ'-.»

³'Ö slabhome -nu -gɔme -vava -nu -wo yö 'wun -nu -plëézë -dɔ Yesu -bha -sü 'gü. ⁴'Ö Pilatö -ya -dheɛ' kpɔ 'zü -dëüwo 'ö- pö: «'Wun -nu 'wo- dɔ -na ü -bha -nɛ 'bhaa- ma =a? Ü 'ka 'dho -a gbɛ -daa kë =a?»

⁵'Kɛɛ Yesu yaa- gbɛ -daa kë gbɔ, 'ö- -wun 'gü, 'tetundhe -va -yö -da Pilatö -zuö' 'gü.

Ga -wun -za -ya -lo Yesu tuö

(Matiö 27.15-26; Lukö 23.13-25; Zan 18.39-19.16)

⁶Paakö 'wlaan- -yi 'saadhö 'ka, me 'ö 'següme -nu 'dhö -a 'piö, kö Pilatö -ya bho -kanso 'gü wo -dhë, -ya bho -an -dhë -kanso 'gü. ⁷-A 'töng 'dhö

bhë -a 'ka, gɔɔn- do 'wo- -dhe Balaba waa- kɛpɛyaame -nu 'wo me zë -a 'ka 'tɔng 'wo dɔa 'sɛ -kɔɔnmɛ -nu -gɔ 'yɛnng -a 'ka bhë -yö -kë -kanso 'gü.

⁸'Ö 'següme -nu -gbaa -wo dho Pilatö 'piö. 'Ö pë -ya kè 'ö- -kë -an -dhë -kplawo bhë 'wo- -dhe -a -gɔ kö -yaan kè wo -dhë. ⁹'Ö Pilatö -ya pö -an -dhë: «Ka- 'piö kö 'a Zuifö -nu -bha -gludë -nɛ, 'a- bho mü ka -dhë -a?»

¹⁰Bhii yö gia- -ya =dɔa' -sè 'ka =nɛ =druei -yö slabhome -gɔmɛ =vava -nu 'gü, 'ö tɔɔ 'següme -nu -wo Yesu -dho -kë, pë 'ö -kë 'wo- dɔ ö kwɛɛ bhë 'ö bhë.

¹¹'Kɛɛ slabhome -nu -gɔmɛ =vava -nu -wo -gban 'següme -nu gbung bhë -an -bha kö -wa pö Pilatö -dhë -yö Balaba bho -kanso 'gü wo -dhë =zian'.

¹²Pilatö -yö -ko 'zü 'ö- pö mɛ gbung 'wo bhë -an -dhë: «-Më 'ka- 'piö kö 'a- kè mɛ 'ka- -dhe Zuifö -nu -bha -gludë -nɛ -a 'ka ɛ?»

¹³'Wo- -daa -kë -a -gɔ =gblaa 'gbla -sü 'ka =nɛɛ: «-Bhö -a zë, -a -dɔ -gaatalü -bha -sü 'ka!»

¹⁴'Ö Pilatö -yö -an -dhɛɛ' kpɔ 'ö- pö: «-Më -wun yaa 'ö- -kë -ɛ?»

'Kɛɛ -an 'plɛ -wo -yö =gblaa 'gbla -sü 'gü 'gbee- 'ka 'zü -nɛɛ: «-Bhö -a zë -a -dɔ -gaatalü -bha -sü 'ka!»

¹⁵'Yö mɛ gbung -nu -dhi -a -dhë -wun -kë -an -dhë 'ö Balaba bho -kanso 'gü.

=Dhe =ya kè 'dhö, 'ö- pö 'dhasi -nu -dhë -wo Yesu -ma -klaa 'ka. 'Go mü, 'ö- -dɔ -an kwɛɛ kö -waan zë, -a -dɔ -gaatalü -bha -sü 'ka.

'Dhasi -nu -wo duö 'luu -sü Yesu -bha

(Matiö 27.27-31; Zan 19.2-3)

¹⁶'Dhasi -nu -wo -dho Yesu 'ka 'sɛ -kɔɔnmɛ Pilatö -gɔ 'kweandhe 'gbɛa 'wo- -dhe pletua bhë -a -bha. 'Wo wo 'bhamɛ -nu 'plɛ -dhoɔ -kë wo 'ko -bhaa mü. ¹⁷'Wo gblang nuɛazë ('ö -kë -nɛ -gludë -nu -bha gblang 'dhö bhë, 'wo-) -da Yesu -bha. Kö -a -tɛi' -yö -kë -nɛ woë- -gludë 'dhö, kö 'waan- duö 'luu -sü -a -bha. 'Wo 'ginng 'gɔ =gblaa' do -kë, 'wo- -kë -a -bha 'gɔ =gblaa' 'ka, 'wo- -ya -a -gɔ -bha. ¹⁸'Wo yö -mɛɛ -kë -a 'ka -sü 'gü 'wo- pö: «Zuifö -nu -bha -gludë, 'bha -büee!»

¹⁹'Go mü 'wo- -ma 'lü 'nè 'ka ö -gɔ -bha, 'wo wo 'dhee -nu bho -a -bha, 'wo -lo wo kpɔn 'gü -a 'dhiö, 'wo wo -de =yɔɔn sia-, -gblü -a 'dhiö -sü 'ka.

²⁰=Dhe =wa yën duö 'luu -sü -a -bha -sü -bha, 'ö gblang nuɛazë bhë 'wo- bho -a -bha, 'wo- -de -bha sɔ -nu -da -a -bha, 'wo- sü, 'wo dhoë plan kö 'waan- dɔ -gaatalü -bha.

Yesu -dɔ -gaatalü -bha -sü

(Matiö 27.32-44; Lukö 23.26-43; Zan 19.17-27)

²¹=Dhe 'wo 'dho -na kö gɔɔn- do 'ö -kë Silenë mi 'ka 'wo- -dhe Simɔ, 'ö -kë Alezandrë waa- Lifisö -an dè 'ka bhë, -wa -yö kö -yö ziö -na zian bhë -a -ta 'pö. -Yö -kë 'go =dhia bhlö- -gbaa 'to -dhe -nu -bha. 'Ö 'dhasi -nu -wa 'gbee- -ta bho; 'ö Yesu -bha -gaatalü bun.

²²Wo dhoë -dhe do 'wo- -dhe Gɔɔgota -a -bha, -a -gen 'ö tɔɔ «me -gɔ -klëë -lo -dhe». ²³-Drɔɔn 'wo 'miilö -kaan -a 'ka bhë, 'wo- nu Yesu -dhë kö -yaan mü, (kö -a -bha 'klobhɔdhe -gɔ pë 'tee -yaan ga,) 'kɛɛ Yesu yaa- mü.

²⁴-Dhe =ya kë 'dhö, 'wo- dɔ -gaatalü -bha, =taan -gban -a -kɔ waa- -a -gen -nu -ta -sü 'ka. 'Wo- -bha sɔ -nu -glu wo 'ko 'ka 'töü- -bhö -sü 'ka kö me 'ö -dhö -yaan -a me 'ö dho kë ö -bha 'ka -a dɔ.

²⁵-Dhe 'wo- dɔ -na -gaatalü -bha kö 'kwa dɔ -dhiadhiö -lan 'tëë 'ka. ²⁶Pë 'ö -kë =been' -sü 'ka -a zë -gen -wun 'gü, -a -gɔ -ta dhuö 'ö tɔɔ «Zuifö -nu -bha -gludë 'ö =ne».

²⁷-Wo mezëme =ple -dɔ -gaatalü -bha 'pö Yesu 'piö mü; -a me do -yö -kë -a =kweɛ- 'gü, 'ö- me do -yö -kë 'pö -a =kwa- 'gü =zian'. ²⁸-(Kɔ 'ö =ne -a 'ka, 'ö pë 'ö =been' -sü 'ka -a -wun 'gü -Zlan -bha 'sëëdhe 'gü 'yö =kaa' =neɛ: -Wa -da këpëyaame -nu -bhüö 'gü.)

²⁹Me -nu 'wo -kë ziö =dhia mü, -wo wo -gɔ -zë 'gü, 'si -nu -bho -a -gɔ -sü 'ka, 'wo- pö -a -dhë: «'Ii, ü 'dhe bhë! Bhi 'ü- pö 'ü -dhö -Zlan -gba -a 'gü -kɔ wü, kö -dhekpaɔyi -yaaga 'ka 'üën- -a gbe dɔ bhë! ³⁰Ü -de dha 'ü =yɔɔ'- 'ü 'go -gaatalü -bha 'sa!»

³¹'Ö slabhome -gɔme -nu waa- tɔnggɔme -nu -wo duö 'luu sü Yesu -bha 'pö, 'wo- pö wo 'ko ziën =neɛ: «Me 'waa -nu dha 'yö- wo, 'kɛɛ yaa -mɔ -a -bha kö -yö ö -de dha! ³²Bhi 'ü- pö ü -Zlan -bha -Yame -mü ü 'ka, 'ü Izlaelö -bha -gludë 'ka, -bhö =yɔɔ'- 'ü 'go -gaatalü -bha 'sabra 'sa! -Ya kë =ne, 'bha =yɔɔ'- =sia, yi -dho ü -wun -dhe 'wun gia-!»

'Ö me -nu 'wo -an dɔ -gaatalü -bha -a 'piö mü bhë 'wo 'si -nu bho -a -gɔ 'pö.

Yesu -bha ga -sü

(Matiö 27.45-56; Lukö 23.44-49; Zan 19.28-30)

³³-Dhe 'ö lënnng 'gü -dhe =ya dɔ, 'ö -dhe -trö 'sënsëndhö 'kpongtaadhe 'ple -bha. =Dhe 'ö -dhe 'dhö 'po -na kö 'kwa dɔ 'wɔ 'yɛ -lan 'ka. ³⁴'Ö 'wɔ 'yɛ -lan gia- bhë -a 'ka Yesu -yö -gbla 'gbee- 'ka, Eblö -wo 'gü 'ö- pö: «Eloi, Eloi, lama sabasötani?» (-A -gen 'ö tɔɔ: «N -ma -Zlan, n -ma -Zlan, -më -kë 'ü ü -kwa- n -wun -zü -i?»)

³⁵Me -nu 'wo -kë mü, -a me 'bhaa -nu -wa -wo -ma 'wo- pö: «-Ka ka 'to 'to, -yö Eli -dhɔɔ kë -na!»

³⁶'Ö -an ziën me do -yö dho -bla 'ka, 'ö =fuu'- zë -drɔɔn 'yi -gliisü, 'ö -kë 'dhasi -nu müpë 'ka bhë -a 'ka. 'Ö- -ya 'lü 'në 'dhiö, 'ö nuë 'ö- -zɔn Yesu 'dhi 'ka kö -yaan -a 'yi mü, 'ö- pö: «-Ka dɔ, =ya kë =ne Eli -dho nu 'ö- bho -gaatalü -bha kö 'kwa- yö!»

³⁷'Kɛɛ Yesu -yö -gbla 'gbee- 'ka, 'ö to mü, 'ö ga.

³⁸'Ö -dhe 'slööslö -dhe waa- -dhe 'slööslö -dhe =duö, -an 'gü -kan 'gü -sɔ 'ö plöö -Zlan -gba -a 'gü -kɔ 'gü bhë, 'ö -pe dhuö kpengdhö 'ö nu 'ö -zuö -a 'ka sia-.

³⁹Wlómé -me -nu -bha 'dhasi -gómé 'ö -kè dɔ -sü 'ka Yesu 'dhiö -dhe gia-bha bhë, -tɔn tuö mü bhë, -dhe -yaa- ga -kɔ yö 'ö- pö: «Mé 'ö -ne -Zlan Gbö giagia -mü!»

⁴⁰Dhoo -nu 'bhaa -nu 'wo dɔ -gbiin, -dhe -ga -dhia, -wo -kè mü. 'Ö -an ziën Mali 'yö go Madala, waa- Zoze waa- ö 'zlaa- Zakö -an dhe Mali, waa- Salome -wo -kè mü. ⁴¹-Wo -kè -ziö Yesu 'piö -dhia kö -yö Galile -se 'gü, 'wo yuö -nu -kè -a 'dhiö. 'Ö -dhe 'ö bhë -a 'gü 'zü, dhoo -nu -plëëzë gbe 'wo nu -dɔ -a -gɔ -dhia Zeluzalemë plöö, 'wo -kè mü.

Yesu -da -gluudhö

(Matiö 27.57-61; Lukö 23.50-56; Zan 19.38-42)

⁴²-Dhe 'yinia -dhe -ya dɔ, 'ö -dhe -kè -ne -yö -kè Paakö 'wlaan- -de -pë kè -yi, 'ö -kè Zuifö -nu -bha -glooyi -waamayi 'ka -a 'ka, ⁴³Zozefu 'ö go Alimate -yö -kè zakanme =va do 'ö mé -nu -wa -bhlë -ya -a 'ka. Yö -de 'pö, -yö -kè -ya -dhia -Zlan -bha -gludëdhe -bha nu -sü -gɔ. 'Yö -nu 'ö ö -zo dɔ 'gbee-, 'ö dho Pilatö 'piö, 'ö Yesu -glöö -dhe -a -gɔ.

⁴⁴'Kee -dhe 'ö Pilatö -ya ma -ne Yesu -ya ga 'saadhö, -a 'te -yö -tun, 'ö mé bɔ 'dhasi -gómé -dhë. 'Ö nu, 'yö -dhe' kɔ -ne -dhe Yesu -yö ga bhë, -a -dhe -ya -glɔɔ =a?

⁴⁵-Dhe 'ö 'dhasi -gómé -yaa- -daa kè -a -gɔ, 'ö -we -a -bha Zozefu -gɔ kö -yö Yesu -glöö 'sü.

⁴⁶Zozefu -yö 'glöö 'puu -dho, 'ö Yesu -glöö bho -gaatalü -bha, 'ö dhoë me -bin -guö -du do 'wo yuö -kè -a 'gü, 'ö -guö 'fa =va do 'ö -kè -a -te 'ka, 'yö -glöng glö, 'ö- yö -du bhë -a 'dhiö.

⁴⁷Mali 'go Madala waa- Mali Zakö dhe -wo -kè mü 'ö -dhe 'wo Yesu -bin -a -bha bhë 'wo- -yö.

Yesu -bha -go ga 'gü -sü

(Matiö 28.1-8; Lukö 24.1-12; Zan 20.1-10)

16 ¹Zuifö -nu -bha -glooyi bhë, -a 'yinia 'piö (kö 'waa -glooyi -bha tɔng -löö gbɔ), 'ö Mali 'go Madala 'dhö, Zakö dhe Mali 'dhö, waa- Salome -nu 'wo pë 'yɔn 'tëë -sëëzë -nu dho kö 'waan- dhoë 'waan- kè Yesu -glöö -bha.

²-Dhe 'ö- -ta -dhe -ya 'po, -dhiadhiö kö lan- -yö -luu'- -na bhë, 'wo -ziö 'wo dho blɔɔn- -taa 'ma.

³-An 'dho -sü 'ka, -wa -pö wo 'ko -dhë: «Dö 'ö dho -guö 'fa 'ö blɔɔn- 'dhiö -ne, -a bho kwa -dhë mü -i?»

⁴'Kee -dhe 'ö -wa -lo mü, 'wo -dhe -ga, 'ö 'wo -guö 'fa =va 'ö blɔɔn- 'dhi ta bhë, 'wo- yö kö -ya 'go -a 'dhiö, -yö wɔ -sü 'ka 'pian gbe 'ka.

⁵'Wo -sɔ =duudhö mü; 'wo -Zlan -bha bɔme do 'ö gblang 'puu -yö -kè -a -bha, -a yö kö -yö -ya -sü 'ka -an =kwɛɛ- 'gü =zian'. 'Ö 'siö- -kan -an 'gluu.

⁶-Dhe -ya kè 'dhö, 'yö- pö -an -dhë: «Kö -kun 'siö- -kan ka 'gluu! Yesu, Nazaletë mi 'ö mé -nu -wa dɔ -gaatalü -bha bhë 'ka- =mɛɛ =a? -ɛɛ, 'kee -ya 'go ga 'gü, 'yaa zö gbɔ. -Ka -dhe -ga, -dhe 'wo- wɔ -a -bha yö =ga -ne! ⁷-Ka 'dho 'ka- pö -a -bha -guë'

-nu -dhë, 'go mü 'zù, 'ka- pö Pieë gia- -dhë: -Yö 'dho -na ka 'dhiö Galile, -dhe bhë 'ka dho ö yö -a -bha =ne -ko 'yö- -bleë -a 'ka ka -dhë 'dhiö bhë -a 'dhö.»

⁸Wo yö plaan 'wo =duë, 'wo dho blöön- bhë -a 'ka =gbiin. Bhi 'ö tɔɔ -wo -kë -zluun -sü 'gü 'suö 'ka, 'ö waa- =blë'- me gbe -dhë, 'suö 'ö -kë -an 'gü bhë -a -wun 'gü.

Yesu -bha ö -de -zön Mali 'go Madala -dhë -ko
(Matiö 28.9-10; Zan 20.11-18)

⁹((=Dhe Yesu =ya 'go ga 'gü 'dhö, -dhiadhiö bhë -a 'ka, -yö ö -de -zön -bleëzë 'ka Mali 'go Madala, 'ö -zuu yaa 'slaple bho -a 'gü 'dhiö bhë -a -dhë.

¹⁰'Ö dho 'ö- =bleë Yesu -bha me -nu 'wo -kë -a 'piö 'dhiö bhë -an -dhë. -Wo -kë 'gbo bɔ =dhia 'yenazë 'ka, Yesu -bha ga -sü -wun 'gü. ¹¹'Këe -dhe 'ö Mali -wo =ne =waa- ma =ne -ya -pö «Yesu =ya 'go ga 'gü 'ya -kpën -a -bha» waa- -wo -dhe 'wun gia-.

Yesu -yö ö -de -zön ö 'piö -me -nu -ple -dhë
(Lukö 24.13-35)

¹²=Dhe =ya kë 'dhö, Yesu -yö ö -de -zön ö bha =guë' =ple 'wo -kë 'dho -dhia -dhe 'bhaa -bha -an -dhë -ko 'bhaa 'gü.

¹³'Wo nu 'wo- =bleë me 'wo to -an -dhë, 'këe wo -de 'pö, waa -an -wo -dhe 'wun gia- 'pö.

Yesu -bha ö -de -zön ö bha =guë' -nu 'gɔɔ- do ö ga do 'wo bhë -an -dhë -ko
(Matiö 28.16-20; Lukö 24.36-49; Zan 20.19-23; Këyuö -nu 1.6-8)

¹⁴=Dhe =ya kë 'dhö, Yesu -yö ö -de -zön ö bha =guë' -nu 'gɔɔ- do ö ga do 'wo to bhë -an -dhë kö -wo pë -bhö -sü 'gü. -Yö 'wun -bleë -an 'ka, -zo yö ö -bha -sü yaa kë -an -gɔ, 'ö -an =gɔü' -yö -kë 'gbee- bhë -a -wun 'gü, 'ö tɔɔ me -nu -wo ö 'bhee- yö, 'wo- =bleë -an -dhë bhë 'ö waa -an -wo -dhe 'wun gia-. ¹⁵'Go mü 'ö- pö -an -dhë: «-Ka 'dho 'kpongtaadhe 'saadhö -a 'gü, 'ka 'wuntaasë 'ö =ne 'ka- =bleë'- me 'kpekpe -dhë! ¹⁶Me 'ö =ya n -wun -dhe 'wun gia-, 'wo dho -a bɔ yö n 'tɔ 'ka, -yö -dho dha; 'këe me yaa n -wun -dhe 'wun gia-, za -dho -lo -a tuö, 'yö- 'klo -yö bho. ¹⁷'Go mü -dhidhaapë 'ö me -nu =wa n -wun -dhe 'wun gia-, 'wo dho -an kë 'ö tɔɔ: -Wo -dho -zuu yaa bho me -nu 'gü n 'tɔ 'ka, 'wo dho 'wun -nu -bleë'- -wo 'waa gbe -nu 'gü. ¹⁸-Wo -dho -mɔ -a -bha 'wo =mëe sü wo kwëe, 'iin =ya kë =ne 'yi =suu- 'saadhö 'ö me zë -pë 'dhö -a -bhaa, =waa- mü, pë gbe 'ka 'dho kë -an 'ka; -wo -dho wo -ko -nu kpa 'yuame -nu -ta, 'ö -an -bha 'yua -nu -wo bo.»

(Lukö 24.50-53; Këyuö -nu 1.9-11)

¹⁹=Dhe 'ö kwa Dëme Yesu =ya yën 'wun -nu 'wo =ne -an =bleë' -sü -bha, 'ö -Zlan -ya =luu, 'ö dho dhang- 'gü, 'ö -ya -Zlan -bha -yadhe =bhlëzë -bha.

²⁰'Ö- -bha =guë' -nu -wo dho, 'wo -ya 'wuntaasë =bleë' -sü -bha -dhe 'saadhö 'gü. Kwa Dëme gia- -yö yuö -kë -an -ko 'piö -dhidhaapë -nu kë -sü 'ka kö -yaan -zön =ne 'wuntaasë 'wo- =bleë' -na bhë 'wun gia- -mü.))